


白隱廣錄

第二輯

127
210

127-210



廣錄

第二輯






第一圖


(東京龜戸長壽寺藏)

第 貳 圖



(鎌倉圓覺寺楞伽窟藏)

第 參 圖



(駿州原町長澤市平巖)

第四圖




(駿州片濱長倉計吉藏)

第五圖



(騎州沼津和田傳太郎)


(野州足利伊澤紹倫藏)



(駿州沼津萩生方泰藏)



(伊豫北宇和郡來村兵頭惣藏)



美之筆迹
走非在域

其人必在
則世必有



(駿州沼津和田傳太郎藏)

挿畫説明

第一圖 出山佛は、東京龜戸長壽寺の藏に係る。讚に曰く。世尊昔在雪山坐雷劈大崖水倒流。出定前涯人驚走。報言震殺一頭牛。寶曆庚辰佛成道日沙羅樹下老衲。

第二圖 蛤裏觀音の密畫は、鎌倉圓覺寺洪嶽禪師の所藏なり。讚に曰く。はまぐり身得度者。即現はまぐり身而爲說法。

第三圖 駿州原町長澤市平氏の藏する所なり。讚に曰く。駕一片蓮葉。永劫摧苦輪。

第四圖 布袋隻手を擧するの圖は、駿州片瀬長倉計吉氏の藏幅にして、讚語甚だ奇なり。曰く。おらん女郎や、何を云うてもな、隻手の聲をさかねば、皆もだ事の皮ぢやぞや。

第五圖 大黒、讚に曰く。せひもちとひくい、色もちと黒いが、笑ひ貌が、しほほらしい、と是れ駿州沼津町和田氏の家寶たり。

第六圖 三幅 其一は、豫州兵頭氏よりの寄贈品。圖中猿の筆を下し書き出づる如き者は、「いてや此世に生れては」の一句にして、右側の下方に「彼の吉田の」といへる五字を添へたり。其二は、群鼠坐禪の圖にして、野州伊澤氏の藏なり。「鼠師一日拈起槌子示衆曰猫頭來也猫頭打の十八字を題せり。其三は、

挿畫説明

拾得軸を展べ、寒山之に題する圖なり。曰く。曠是心中火、能燒功德林。(林字は塗抹せし痕あり) 欲菩薩道行。忍辱護真心。と沼津町荻生氏之を藏す。

第七圖 二幅の書は、各々四幅對を爲すものなり、今繁を厭ひ、各々其の第一幅を掲ぐ。豆州龍澤寺の藏寶なり。書は一を劍銘とし、他を曠銘となす。左に全文を掲げん。

劍銘 余有二寶劍。是非世間鐵。成來終不磨。晶々白。於雪。氣衝浮雲散。光對三千徹。滅了復還生。還生作金鏑。外國悉掃除。衆生盡磨滅。常心處處行。樂之將爲說。

曠銘 夫人明於理。則無曠焉。昏於理。則發曠焉。大凡曠者。生於遠。息於理。天下皆然。人之違我。皆不德也。我已有不德者。曷不自惡而悲。伊哉。若悲。伊者重。我不德也。

第八圖 木像一軀。是れ正宗國師自作の逸品なり。像の底部に「明和元年八月爲親孝行清女 白隱作之」の數字を刻せり。案ずるに明和元年は國師正に八十歳の時なり。而して此像の因由亦た一佳話たるを失はず、乃ち此に付記して以て讀者と共に國師の高徳を讚せむと欲す。藏する者は沼津町和田傳太郎氏なり。

鈴木清女木像之記

茲に此の木像の由来を討ねるに、駿州浮島ヶ原宇相原は東海道筋に當り、鐵瀧燒の名物を賣ぐ數戸の茶屋あり、就中有名なるを田子屋とす、家の西隣に本陣浮島氏の邸を控へて頗る全盛を極めたり、享保の頃田子屋の主人鈴木佐右衛門平素佛法に皈依し、原の松陰寺なる白隠禪師の教化を受けて家庭の間に和氣洋々たりき、二女あり其の妹なるを清と呼ぶ、幼より孝心深くして毎に禪師の愛撫を蒙れり、長するに及びて天の成せる麗質自ら萬人の目を引き其の評近郷に隠れなく隣里の壯麗心を囁する者多しと雖も、清女資性高潔にして操守貞しかりき、時の關白近衛侯(大解院院殿此の地を通與の際、白隠の禪閣を叩くとて田子屋に小憩せられ其夜は相原なる本陣に宿せらる、禪師亦侯の旅館たる浮島氏に過りて杯盤の間相唱和して其の旅情を慰めらる、禪師時に誦うて曰く、

東相原田子屋の娘、姉は二十一妹は二十、妹はしさに御立願とつて……と、侯黙禮沈思久しうして領得せらるゝ所ありしか禮謝して寢室に入り安坐して睡られず、從者及浮島氏等は殿下の不興を惹起せしにやと危懼して措かず之を禪師に謁る、師曰く憂ふる勿れ關白今夕大歡喜を得玉へり侯の不眠は痴導の知る所に非ず強て其の端由を知らむとならば隣家の清女に就いて之を質せと、之を清女に問へば笑つて答へず終に其の意を解する者なし、明日爽味、侯は浮島氏に遺囑して清女を京都に致さしむ、聞く者皆其の榮達を羨まざる者なし、清女命に接し禮を正しくして辭して曰く、恩命泰山よりも高しと雖も天涯地角相隔たり朝夕の奉養を欠かば父母滄海の深恩を如何んせむと涕泣して止まず、浮島氏措く所を知らず之を禪師に謁る、師情を具して親しく書を裁し以つて調停の勞を取る、越て翌春禪師自ら一軀の木像を彫みて使者に托して京師に贈り之を關白に奉らしめ以つて清女奉侍に代らしむるの雅意を致す、超えて數年清女夭折す、後侯再び此地を過きりて清女の天死なきを惋惜せず、深く鈴木氏親族愛別の悲痛に同情して彼の木像を田子屋に賜ふ、是より相傳へて和田氏の藏する所となりたりといふ。

白隠廣錄第貳輯目次

挿畫說明

挿畫

槐安國語 五卷

壁生草(一名鵲林自傳)以下五篇和文

草取唄

八重葎卷之上(十句經靈驗記)

同 卷之下(四娘孝記)

察女に與ふる書

息耕錄開筵普說

示徒
活埋自性葛藤窟
刺殺己靈荆棘林
青菜黃菌白蘿蔔
紅爐猶泣止啼金

槐安國語序

許唱龍寶開山國師語錄拙語

惟時竟延第二已巳曆。孟正開制日。予西東住菴諸子。稽首羅拜而告曰。夫如大德開祖者。東海日多之先驅。而華塢國師之老爺也。有弄大旗惡手脚。門牆孤危。無讓南泉長沙。應緣步驟。有黃檗慈明體裁。其錄甚高雅。而偈頌帶朗爽風調。然久秘大德藏裏。人多無知之。今其兒孫可以億數。其中雖博覽盡二酉。強記窮三張底。無披閱之。徃徃得傳記百家書。則如拾玉炬於暗路。獨到乃祖錄。不顧者何哉。如傳記百家。則不讀亦可也。於其宗祖錄。則不可不熟讀也。願師評唱之。當今之世。一舉發大輝者。其誰哉。貴使兒孫知有。此錄矣。予揶揄曰。不可也。不可也。夫佛祖無上妙道。曠劫難行。而難忍能忍。難行能行。而後到成辦大事。吾輩小德小見。憍心慢心。豈可輕著手脚哉。諸子曰。師向講演碧巖錄者數次。此書與碧巖錄重輕何如。此書之講若非則。碧巖錄亦必非也。碧巖錄之講。若是則。此書亦果是也。請師居一於此矣。莫

謂覺今是而昨非。予曰。如碧巖錄處處皆有之。如此書大德雲門菴藏秘而無漫印施也。爲之何如。諸子曰。上龍峰諄請秘典吾輩之任也。豈假師手哉。予曰。如碧巖錄有熬頭。有諸鈔。如此書國字亦不加。如何得開口。况寡陋野夫。從前纔有少憶持記持。十之八九既遺忘了也。到大師浩渺言字海瀾漫毒波浪。啞子嘗苦瓜。如何說向人。唯千萬恕之。諸子曰。探陳篇校讎事實。雖不敏。伏請竭駑鈍。師唯拈弄一遍足而已。予進退惟谷。不知所言。緘默竟休。越首衆者諾與薰壽輩。偕謀定大綱。隨其所能而役之。願與願。行程數百里。裹糧涉嶮。馳京師上龍峰。懇請印施。不日得百餘帙而馱載將來。魯與隆者。借探陳篇於諸方。而竟作百餘紙秣膏。書中難解事實大畧抄錄。有滴露磨朱分句讀者。有考字義者。有加國字添訓點者。既集而大成。推出予面前。予不遑固辭。茫茫而不覺上此座。恰如乞餬水於河頭。擔來又擬賣河頭者。轉不勝慚懼之至。枉綴俚語一章。以止諸子啼。格爾丙丁童在麼。

明南浦子 玄關山翁

對鳳簾。鞠躬解龍顏。功歸誰。跨鯨海。汲毒浪來。傷害之子。

初行鎌倉滴汗於萬壽室。佛國禪師澗印可他。

後走華洛呈見於韜光菴。大應國師未許爾在。

不久透韶石關。徹見鑑映顧。中頃聞百丈語。擊碎扭械枷。

五條橋下二十年。折脚鐺內煎猫頭煮鴉羽。

九重城裏五節會。曲木牀上吐狐涎。鳴狼牙。

橫嶽百日住僧。息耕三世禍孽。雲門再世臭骨。扶桑第一毒華。

打破乾坤。活捉南都北京律虎義龍。眼空寰宇氣吞佛祖。

端居法窟。惱害西江東湖驢腮馬頰。心如波旬面似夜叉。

乞者隊裏。被席見生擒。依貪甜瓜。貴人頭上。秉拂恣談笑。依吞栗棘。

五百年間出瞎知識。三轉語彌天惡口禍。

有錄大德藏裏。四百年寶惜如太阿。

無錢長安城下。數日程屈請過佛骨。

絞願願兩箇忠膽。窺龍龍領下。備魯隆二子隻手。正字義等差。

近効勤佛果老婆禪。各請鵠林瞎評唱。

雖避洗心子嫉妬火。錯墜雪竇葛藤窠。

添鳥焉於魚魯。責鳳鳴於山鴉。

腥風膽寒老戾脚。末期任手拗折。臭血痕到今染汚佛袈裟。

寬延第二己巳歲晚春仲浣

沙羅樹下白隱老衲謹書




槐安國語開筵垂示

鵠林垂示曰。雖與我同條生。不與我同條死。此語極難入難解。斯名法窟
爪牙。斯道奪命神符。西天此土祖祖相傳來。南泉。長沙。黃檗。趙州。投子。巖
頭。雪峯。長慶。保福。翠巖。乾峯。雲門。首山。慈明。楊岐。黃龍。真淨。息耕。專用此
機。逼殺瞎證閑神野鬼。粉碎枯禪疥癩野干。昔有七賢女。呵天帝釋云。倘
若無此物。他日如何利人。調御親證據曰。我弟子大阿羅漢不能解此義。
唯有大菩薩衆應解此義。此其權輿歟。越四七二三唯傳此些子。其餘波
流普五印。溢赤縣。既及上桑樹。洛有千光聖。一相有大覺無學。與有圓福。
越有永平。筑有崇福。紀有興國。鬪毒華於二十四番。結惡果於五家七宗。
就中如吾龍寶開榛者。特其尤者也。鼻孔吸盡南浦毒浪。耳朵飲乾東海
狂瀾。嶮如舞女走竿。活似市兒弄丸。蹈翻二乘小果之窟宅。驅盲龜於空
谷。奪却相似涅槃破屋。鞭魚鼈於草窠。機鋒峻嶮。鬼神不能觸。面目嚴令。
佛祖不喜看。惡毒語句。雖集得三帙。木札羹。鐵釘飯。時人總無顧。雲門藏

裏滯貨。誰敢酬價。今歲寬延已巳春。住菴千指諸子。乞提唱之。喝走不止。三止四請。終纔緇卷帙。毒焰照膽。怒氣徹骨。一唱三嘆。每對卷牙戰股震。悲喜交湧。一者悲。如是大光明。如此大寶聚。終無人顧。二者喜。澆末輕浮。遠孫薄福。昏愚野夫。何幸拜披此金文。茲効大師雪竇錄做。拭羝羊眼。抽狐狸智。謹每句下語畢。非是求聞達於當世。結勝緣於不朽。諸子亦佗日。有把茅蓋頭。合志定計。冠事蹟於上。加國字訓點。共印刊以便後學。且教人。知有此錄。莫謂鷓林無義。荒唐說話。以欺瞞後昆了。不信請看取下文。

六



槐安國語卷上之上

龍寶開山語錄中事住大德語要

師。於嘉曆元年十二月八日開堂。

拈衣云。都府樓纔見瓦色。觀音寺只聽鐘聲。千尺不過丈六。月高城影盡。鷄足不如大德。霜重柳條疎。何故舉衣云。頂戴披之。誰辨正色。言車之功。轍不與焉。

陞座。拈香云。此一瓣香。上透霄漢。下徹黃泉。薰向爐中。恭爲祝延。今上皇帝聖躬萬歲萬歲萬萬歲。南海象樹不知春秋。陛下恭願。龍圖永固。玉葉彌芳。長春殿上金鐘動。萬歲山前玉漏遲。

次拈香云。此一瓣香。乾坤裏。宇宙間。中有一寶。秘在形山。薰向爐中。恭爲祝延。太上天皇聖壽億萬歲。斗南永見老人星。恭願。超上德於千載。王登寶殿。野老謳歌。樹風聲於後昆。聖主必待賢臣而弘功業。俊士亦俟明君以顯其德。又拈香云。此一瓣香。湘之南潭之北。中有黃金滿一國。吹毛截不入。輪鎚打不開。奉爲金紫光祿大夫黃門

侍郎增崇祿算。求賢以德。致聖以道。伏願松柏之壽。甫申之幹。柱石國家。撫育生民。水廣則魚大。君明則臣惠。

此一瓣香。天高東南。地傾西北。奉爲光重法筵。諸尊官泊滿朝文武百僚。增崇祿算。珠玉無涇。而自至者以入好也。况賢者之有足乎。伏願安國利民。齊伊周之古術。水廣則魚大也。俊人有官。則治道清。奸佞干政。則過亂作。乃忠乃孝。稱思軻之正範。王聖臣賢。天下盛。君明臣直。國之福也。

此香在雲門關裏。久爲衲僧鎖口訣。五百年滯貨。如何今時人。願底半箇亦無。若有齋向爐中亦可。曾拾得於鎌倉縣畔巨福山頭。和氣靄然。囊藏二十年來。試道幾重包裹。香風隱而彌露。今日拈出。熱向爐中供養。前往建長禪寺。救謚圓通大應國師南浦大和尚。用酬法乳之恩。春江湖水連海平。海上明月共潮生。

師就座。顧視大眾云。便怎麼相見。早隔五須彌。若也待開口。三生六十劫。還有知箇中事底麼。出來對衆決擇看。有麼。有麼。僧問。雪山雪寒。吾佛成道。法堂功成。和尚開堂。建法幢立宗旨。正在此時。諸官臨筵。請師提唱。師云。國清

才子貴。家富小兒嬌。僧云。直將一句無心法。仰祝萬國泰平瑞。師云。滿口道著。僧云。記得慈明開堂。有僧問。攢錦簇花。卽不問。如何是本來面目。明云。一言已出。驪馬難追。此意如何。師云。石從空裏立。火向水中焚。進云。僧云。明明三際曉。咬咬一輪孤。明云。一輪底亦作麼生。意在那裏。師云。魚龍穴下盤根。關日月輪邊氣象。淡。進云。僧云。泊合放過。明便喝。如何辨端的。師云。劫石易消。村話難改。進云。上來一一蒙指示。只如和尚。今日開堂說法。當機覲面。如何接人。師云。眉毛厮結。準上厮挂。僧云。作家宗師。天然有在。便禮拜。師云。且緩緩。又云。更有問話者麼。又有僧問。記得龐居士辭藥山。居士指空中雪云。好雪片片。不落別處。意旨如何。師云。難提掇處。轉有則。僧云。時有全禪客云。落在什麼處。士打一掌。又作麼生。師云。八角磨盤空裏走。僧云。全云。居士也。不得草草。士云。汝怎麼稱禪客。有人不放。汝在。如何委悉。師云。咬定牙關。僧云。全云。居士作麼生。士又打一掌。意在那裏。師云。多添少減。僧云。虛堂祖翁云。雖則是兩掌。其間有擡。有搯。有收。有放。如何辨別。師云。到此大行。僧云。上

十
來已蒙慈悲。向上宗乘事如何舉唱。師云。千峯雪白萬壑風寒。僧云。老師果是人天大導師。便禮拜。師云。許爾歸衆去。
乃云。我本無心有所希求。青原白家三盞酒。喫了猶言未濕唇。抱贓叫屈。大欲如無欲。大求齊無求。冰鎖瀑泉聲細碎。澄潭不許蒼龍蟠。死水何曾振古風。今此寶藏自然而至。可惜許。遲了也。特不知威音以前。風搖寒木影攀拳。鳥飛毛落水至渠成。又是家常茶飯。況我宗印禪者。與海南檀越。冒穹谷。攀幽林。見義勇爲。親擇巨材。獨木不能架高厦。堆山積岳。控溪水與海通。鯨波嶮處獨解透路。是爲神通妙用乎。驅白牛於露地。結軌於百里。本體如然乎。鳩成風於大野。響斧斤於一城。良匠無棄材。明君無棄士。或費郊外丁夫。或勞山中普請。頭頭上明。物物上明。樹雲間之朱堂。布五彩之椽椽。佛身充滿於法界。普現一切群生前。安燈王之廣座。盡大地是者法王座。豈假燈王力。莊三道之寶階。水鳥樹林。念佛念法作麼生。區區役役。不起道場現諸威儀。區區役役在何處。今日開堂。遍界古佛堂。何日有閉却。高答君臣。徧報過現未來。一段風光盡不成。大覺海中一切聖賢。三千世界海中遍。一切賢聖如電拂。生生所參見諸善

知識。衆中衣鉢道友。師僧父母。一切恩門。一切含靈。所有一切衆生之類。若卵生。若胎生。若濕生。若化生。若有色。若無色。若有相。若無相。若非有想。若非無想。我皆令入無餘涅槃。而滅度之。如是滅度無量無數無邊衆生。實無衆生得滅度者。爲便是自然而至。水至渠成。爲復是從功而成。制心於一處。無事而不辦。又是有無視艸裏坐。多口阿師。面上夾竹桃花。肚裏參天荆棘。懸膠難續。斷腸人。又恐多少喪身失命去。罕逢穿耳客。多遇刻舟人。諸人於此會得去。山僧不必解說。和尚大慈大悲。伏乞爲解說。若也不會。曲務速說。擊拂子云。止。有什麼長處。說似一物。即不中。縱說得八九十成。猶是玄沙道底。所以前釋迦不前。後彌勒不後。不是分外事。無邊刹境。自他不隔於毫端。誰即不識。十世古今。始終不離於當念。將謂十世古今。全離當念。一毛頭上現法王刹。一彈指頃轉大法輪。殘羹餽飯。狗亦不喫。雖然如是。猶是建化門中事。有什麼不可。分解却不可。我愛建化門。向上宗乘事。又作麼生。堂中若有者漢。劈開左眼。云。貓出去。大冷却一堂。危哉。又擊一拂子云。有意氣時添意氣。得風流處且風流。有麼有麼。小比丘妙超歷劫無名。錯安著名字。恭遇君聖臣賢。不忘靈山付囑。佛言。佛法付囑國王大臣有力檀那。大平

得路成此梵刹。四美備。二難並。敷揚正法眼藏。盡大地沙門正法眼藏。如何敷揚去。祝延聖壽無疆。我常住於此。常說法教化無數億衆生。山河大地。草木叢林。情與無情。同蒙光輝。共力拜手。風搖松竹是歡聲。妙超下情。不勝感激屏營之至。皇風永扇。佛日增輝。復云昔日世尊六年戴雪頭上安頭。佛佛要機。祖祖機要。有例攀例。賺殺一船人。明星忽現。眼皮橫綻。捏目強生花。可惜許。從此無端解道。大地含識具。這如來知慧德相。謹謝如來深恩。可惜許。人性上不可添一物。何處著如來德相。大眾若是大地衆生。各各自有生涯。只恨多認賊爲子。無差別平等不順佛法。惡平等故。從旦至暮。從少至老。每日起坐經行。認取却不可。被毛從此得。作佛亦依他。一是一非。瞥喜瞥瞋。並是他家活脫生涯也。學道之人不知真。只爲從前認識神。無量劫來生死本。癡人喚爲本來人。何必貴如來智慧德相。縱不要。如何從頭具有來。後代兒孫得被者。老漢惑亂。和尚又作麼生。隨奉賀。特有老和尚不受他瞞。圓頂方袍。他受業師做。往往安禪靜慮。刺腦入膠盆。只恨近代安禪靜慮底兒孫亦甚稀。以悟爲望。似緣木求魚。謂之望上心不足。聞有三十年前。挾複子。帶淚辭播州。走行和陽。挨門傍戶。俄又走華洛。叩頭於

光菴。呈望上心底老漢矣。又聞近頃在龍寶堂上開大口矣。大須辜負世尊出世本志。作麼生是世尊出世本志。曰。爲一大事因緣。故出現於世。開佛智見道。故出現於世。且問諸人。上來既道。後代兒孫被他惑亂。兩頭三面小賣弄。今也便道。大須孤負他出世本志。是褒世尊。是貶世尊。眼看東南。心在西北。欲得周郎願。時時錯拂絃。若道讚嘆。因甚有惑亂之言。過橋村酒有。隔岸野花香。若道誹謗。亦何有孤負之詞。到江吳地盡。隔岸越山多。或道褒貶隨時。未免隨語生解。更道褒貶不施。失却古佛家風。自携瓶去買村酒。却著衫來作主人。直饒道總不恁麼。明知莽莽鹵鹵去。畢竟意在那裏。同天下利者得天下。擅天下利者失天下。所以山僧曾有一頌。明星一見雪重白。是甚麼閑事。此老又重要惑亂人那。眼裏瞳人毛骨寒。第二重亦有。雖然與麼更須子細。何故。兩背由來拊雙眉。元是單。大地若無知此節。只知途路遠。不覺又黃昏。釋迦老子出頭難。縱有知此節。者裡不許出頭。六七四十二。只如道眼裏瞳人毛骨寒。是什麼時節。欲知山上路。須是去來人。若能恁麼去。日用四威儀中。壁立萬仞。孤迥迥。峭巍巍。要行即行。要坐即坐。用壁立萬仞爲什麼。如天普覆。如地普載。虛空消隕。鐵山摧。那處著

載底天地。如虛空含容。虛空在大覺中。猶如海一漚發。如日月照輝。日月照臨不至。天地蓋覆不盡。因甚如此。今日臘月八。依稀上巳。彷彿重陽。

舉太宗皇帝因僧是凡是聖。恐是隨後婁搜漢。朝見帝賜座。澤及於民則賢人歸之。澤及於昆蟲則聖人歸之。問云。卿甚處來。直鈎釣驪龍。曲鈎釣蝦蟆。蚯蚓。僧奏云。廬山臥雲菴。果然出處亦不知。三步雖活。五步須死。帝云。臥雲淡處不朝天。因甚到者裡。天風吹落桂花枝。僧無對。作家禪客天然別。驚群動衆。只是淡山古廟裏。無轉智大王。師驀拈拄杖云。太宗威容嚴肅。機晤宏遠。君子不猛不瞋。民畏於鈇鉞。又是佛心天子。者僧寢默俛仰。不失其禮。不風流處也。風流恰似羊公鶴。只如後來雪竇明覺大師代云。難逃至化。又作麼生。稽首明覺大師。明頭打著。暗頭打不著。卓拄杖一下云。四海而今清似鏡。三邊誰敢犯封疆。兩朝寶峯國師。暗頭打著。明頭打不著。鶴林即不然。者僧若低頭鞠躬。道得拈將廬山真面目。以祝延陛下萬萬歲。不唯明暗雙雙。感得天顏有喜。近臣知何故。君不密則失臣。臣不密則失身。

正日。謝兩班上堂。僧問。日暖風和萬物新。相逢便拜又相賀。三乘五性不用問。應節一句如何舉揚。師云。分明記取舉似諸方。僧云。記得僧問趙州如何。是趙州。州云。東門。南門。西門。北門。此意如何。師云。黑漆桶裏洗墨汁。進云。僧云。不問這箇。州云。爾問趙州意在那裏。師云。烏龜鎖壁。進云。某甲不問趙州。又不問老師。只是有一問。請師答話。師云。莫向那僧背後問訊。進云。恁麼則大衆露恩。學人禮謝。師云。只要實到與麼地。進云。領重重相為。師云。領底作麼生。進云。也是不空。師云。不因今日節。

乃橫按拄杖云。寅朝乍臨。正景新至。是何時節。要知佛性義理。應觀時節因緣。梅梢舒瑞氣。幽鳥報賀音。驪珠光燦爛。蟾桂影婆娑。左右壯保愛之節。東西開納祐之門。頭頭顯露物物全真。崑莎步入祥麟穩。海樹飛來白鳳閑。王登寶殿。野老謳歌。卓拄杖下座。甲不堅密。與肉袒同。奪不及遠。與短兵同。元宵上堂。僧問。昔日西天迦葉初傳燈。未審如何。是初傳底燈。師云。夜半正明。天曉不露。進云。迦葉已傳之。龍潭為甚吹滅。師云。倒騎牛入佛殿。進云。後來有僧問香林。如何是室內一盞燈。林云。三人證龜作鼈。是答迦葉底。答龍潭底。師云。壺中天地。別有日月。

進云。只如道。三人證龜作鼈。作麼生辨端的。師云。石人相耳語。進云。忽有人問。如何是室內一盞燈。師云。紫羅帳裏撒真珠。進云。恁麼則動地放光。放光動地。便禮拜。師云。大家自知。

乃云。燈燈無盡燈。黑如漆。大地黑漫漫。平原秋樹色。斜籠暮鐘聲。光明千萬里。捏聚也不即。捏聚者什麼物。放開也不離。何處著手脚。一片虛凝宇宙寬。寬是爲對狹。狹亦由寬生。者裏全無寬狹。不知然燈爲誰記。四海只知天子貴。不知天子作何顏。以拂子擊禪牀一下。便下座。

二月日。上堂。問答不錄。

師乃云。春風浩浩。吹毛截不入。春鳥喃喃。輪鎚打不開。春雲冉冉。黃金色上。春水漫漫。更添黃。時哉時哉。刻好肉生瘡。時何孤負。捏目強生花。一任諸人東看西看。莫動著。動著三十棒。忽有箇漢出來。窮鬼子有甚長處。纔見出頭即打。道老和尚只知其時。不知其節。今朝天寒。雪下如冬。山僧向佗道。我餘一件事。引得個一問。不覺觸佗蚯蚓怒。迅機頓斷欲翻天。

佛涅槃上堂。僧問。春色依依。花木芳菲。雙樹因甚一榮一枯。師云。古今與麼見。進云。恁麼則人天悉莫見。世尊所入三昧麼。師云。泥人眼赤。進云。記得德山一日齋晚。老子托鉢自方丈下來。此意如何。師云。步步生荆棘。進云。雪峯云。鐘未鳴。鼓未響。老子托鉢向什麼處去。又作麼生。師云。相見易得好。進云。德山低頭歸方丈。如何辨端的。師云。闍室藏燈。進云。岩頭聞云。大小德山未會。末後句在。還諦當否。師云。斷絃須是鸞膠續。進云。德山云。爾不肯。老僧那意旨作麼生。師云。誰知只是有受壁心。進云。岩頭密啓其意。彈。師云。覽盡瀟湘景。和船入畫圖。進云。德山次日陞堂。果與尋常迥殊。如何理會。師云。法出森生。進云。岩頭拊掌。謂大衆云。且喜老漢會末後句。意有那裏。師云。事久多變。進云。學人今日小出大遇。便禮拜。師云。兩肩擔將歸去。

乃云。世尊臨入涅槃。事生也。又恁麼去那。甚麼處得者箇消息來。有一人全不肯。一任。一任。以手摩胸。普告大衆云。鳥之將死其鳴也哀。人之將死其言也善。此老漢將死其言也怪。爾等諦觀我紫磨金色身。休擔水賣河頭。盡乾坤大地。那處是不紫磨金色。驚堅起拄杖。

云者箇是大德拄杖子。阿那箇是金色身。兩頭共截斷。一劍倚天寒。五段入而秦喜。殺田而燕懼。諸人一見便見。不妨一得永得。放下著。當何真皮襪。其或未然。山僧謾諸人云。大小大國師。可惜隨邪逐惡去。百億須彌。百億日月。恒沙國土。恒沙諸佛。狼藉不少。七花八裂者。殺風景。分開亦好。譬如折梅檀。片片皆香。盡在拄杖頭上。增添金色身光。莊嚴涅槃妙相。諸人還見麼。者破漏逗老漢。自屎不覺臭。若尚未見。卓拄杖云。年年二月花狼藉。改頭換面。九尾野狐多變體。又隨月色過羅浮。三月半上堂問答不錄。

師乃云。桃花紅。李花白。仰山推出大鵝前。損己命也。不知靈雲立沙立阡陌。殊不知犯鋒。初知和尚有大知見者。殺風景老漢。相爭祖道不敢休。好一釜羹。無事生事。多口阿師。其勢不生多。豁畧。倚天長劍。試言有何良策。春雨自知斷和句。傍人有眼。兩虎相戰。必為虞人獲。濛濛洒去空蕭索。又是立沙道底也。勝秋露滴芙蓉。兩兩三三解歸根。愁人莫向愁人說。衆生顛倒迷已逐物。四維上下難尋覓。說向愁人愁殺人。自是桃花貪結實。誤教人恨五更風。既難尋覓。因甚得大地載起。甚新鮮。鬼哭神悲。天地迴轉。木上座曰。者老

漢把不住。大害參玄士。不信問予一偈。一語當頭略不分。便將拄杖靠松根。山溪自是多狼虎。未到黃昏得閉門。喝一喝云。放過一著。

謝龍藏主上堂。山僧拂子說三種禪。者小賣弄。我者裏一種亦不要。况二種三種。忽豎起拂子云。此是換却佛祖眼睛底禪。上無諸佛。下無衆生。換却者何人眼。亦打一圓相云。此是指出人天性命底禪。是何繫驢橛。三千里外莫錯舉。擊禪床一下云。此是發雲雨大用底禪。隆準若知齊鳥喙。將軍合有五湖心。可憐手把天瓢水。一滴私鄉關不得。雷聲洪大。雨點全無。雖然如是。若是自非。一氣轉得一藏底人。爭能消得多少風。自是鳳凰臺上客。眼高看不至黃金。築壇拜處。雖恩厚。躡足報時。慮已淡。

佛生日上堂。僧問。世尊今日降下未。至地。九龍吐水洗金軀。早是一場敗缺。和尚要雪屈。也是泥裏洗土塊。師云。狗脚赦書。進云。指天指地。金蓮捧足。因甚。脚下紅絲線不斷。師云。要知山上路。須問去來人。進云。韶陽老人正令方行。諸方未免。將錯就錯。師云。夜行莫蹈白。不水定是石。進云。不因老師點發。容易難瞻慈顏。師云。月到中峰猶未歸。進云。三十年後此話大行。師云。馬無

千里謾追風。

乃云。本不會上天。何論下天。無孔鐵鎚重下楔。本不會託胎。誰說出胎。輪鎚打不開。可惜跛鼈入空谷。所以道。淨法界身本無出沒。是非既落傍人耳。洗到驢年也不清。既然如是。因甚東家杓柄長。西家杓柄短。我常住於此。會得各各惡水蔞頭潑。狠毒肝腸。不然齊之以禮。生鐵面目。

復舉世尊一日陞座。丹青畫不成。寂嶽三千房。雪月長安十萬戶。風煙猶隔半月程。文殊白槌云。諦觀法王法。法王法如是。事起可憐。削圓方竹杖。輒却紫茸氍毹。世尊便下座。可惜許。勞而無功。波斯載玉入市廛。一段靈光照阡陌。有按劔人無知價。夕陽垂頭入茅店。師拈云。大湖浸月。長橋臥波。此去西天路八千。鷓子過新羅。若非高吟大嚼。爭能賞此時情。雖然風流可觀。罕逢穿耳客。多遇刻舟人。其奈得便宜處落便宜。傍觀有眼。奈何取之盡錙銖。用之如泥沙。具眼禪流請辨。緇素看。無物堪比倫。使我如何說。

次日上堂。僧問。衲僧箇箇氣宇如王。今朝因甚坐在區宇。師云。畫餅充飢。進云。若也論此事。如青天白日。更向甚處剋期取證。師云。路入桃源深更深。進

云。慈明問黃龍。雲門三頓棒。洞山可喫。不可喫。意在那裏。師云。兩鏃蒺藜。進云。黃龍云。可喫。還端的也無。師云。直饒山岳也難藏。進云。明云。終日鴉鳴鵲噪。喫幾棒。意旨作麼生。師云。一種是聲無限意。有堪聽。有不堪聽。僧便禮拜。師乃舉。五祖云。今日結夏。未得更道。無可供養大衆。惡水蔞頭潑。作一家宴。殘羹餽飯。管待諸人。鈍置殺人。遂舉手云。可惜許。囉囉招。溫。囉囉遙。良。囉囉送。恭。莫怪空疎。儉。伏惟珍重。讓。師云。五祖老人與麼家宴。射工含沙待入過。可謂管待千足。百味無欠。千足萬足。鳩羽落水魚鼈死。雖然如是。只是有一時之慶快。嘆。大德今日結夏。也有箇家宴。驢事未去。馬事到來。坐者立者俱成萬年歡。見者聞者同唱太平歌。有千金資。有千金病。且道。其中節拍又作麼生。失錢遭罪。以拂子擊禪牀。一下云。薰風自南來。殿閣生微涼。打破風林關。著靴水上立。謝首座書記藏主秉拂上堂。非是在陸州。拶折脚。行象骨。托拳底。老尊慈麼。西來呈師。厚靈樹待遇。脚底如驢。踏慈明堂奧。非是承冬瓜印子。拋枕子於頭上。底匾頭書記麼。法系於其時。人焉庾乎。公驗分明。碧落碑無贗本。後之視今。如今之視古。何難之有。

消融十方於目前。貫通三世於一念子。何也。智藏發光。資鞭影。擊拂子下座。風吹柳絮。毛毳走。雨打梨花。蝴蝶飛。尋常一樣窓前月。纔有梅花便不同。

謝良和典座上堂。舉金牛每日齋時。自將飯於僧堂前作舞。一曲兩曲無人會。雨過夜塘秋水淺。呵呵大笑云。菩薩子喫飯來。聲聲不可聞。使人愁思多。師云。金牛和尚務有細嚼難飢。只是衆口難調。一味不能合異鼎之甘。獨木不能致鄧林之茂。大德今夏屋裡得有人。一衆自然不聞吾臂酸。得衆則得民。失衆則失民。諸人要知此人麼。卓拄杖云。發而當節言之和。致中和。天地位焉。萬物育焉。

端午上堂。僧問。文殊令善財採藥。善財云。盡大地無有不是藥者。此意如何。師云。穿靴水上立。僧云。文殊云。是藥採將來。意在那裏。師云。六雙骰子一時赤。僧云。善財於地上拈一莖草。度與文殊。意旨作麼生。師云。吐舌至頂相。僧云。文殊云。此藥亦能殺人。亦能活人。如何識得。師云。貓兒打筋斗。僧云。應病與藥。是古來家風。和尚作麼生醫無病人。師云。黑蛇入漆甕。僧云。與麼則大法緊要之處。誰敢假驢駝藥。師云。波斯不過江。

乃云。端午天中節。直下卽是捏目強生花。諸方盡咒土書壁。直下卽是莫剗好肉生瘡。以消妖怪。認採藥摸樣。直下卽是事起可憐。百草頭上做伎倆。我者裡箇箇石人之機。箇箇鐵漢之用。爲泥洹盡眉去。水洒不著風吹不入。又是相似涅槃鬪體前見鬼。驀拈拄杖。卓一下云。森森夏木杜鵑啼。西天胡子沒髭鬚。

上堂。僧問。記得良禪客問欽山。一鏃破三關時如何。山云。放出關中主看。意旨作麼生。師云。水底弄傀儡。進云。良云。恁麼則知過必改。山云。更待何時。如何領略。師云。一字不著點。進云。良云。好箭放不著所在。便出去。未審還有出身處也無。師云。楚山入漢水。進云。山云。且來闍黎。良回首。山把住云。一鏃破三關卽且止。試與欽山發箭看。意在那裏。師云。天不保惡。進云。良擬議。山打七棒云。且聽這漢疑三十年。誦訛在什麼處。師云。古殿坐者少。進云。學人若不逢箇節。爭敢知箇事。便禮拜。師云。實須到與麼地。

乃云。法法本來法。用本來爲什麼。心心無別心。別別珊瑚枝。枝撐著月。日午三更後。是大明咒。相喚賞樹陰。是無上咒。話盡甘泉景。羯諦羯諦。聯成羅舍吟。波羅羯諦。品

藻鷹鳩變。波羅僧羯諦。嘉唱耳德音。菩提娑婆訶。拍手笑。呵呵真鍮不博金。焦旣打著連底水。喝一喝云。侍者與我點茶來。可惜許。南地竹。北地木。

半夏上堂。半夏已前事。兔馬有角。諸人知而山僧不知。牛羊無角。半夏已後事。似虎多雙角。山僧知而諸人不知。如牛欠鼻巴。正當今日半夏。錯知則共知。果然不知則共不知。點還會麼。良久云。幽州猶自可。最苦是江南。三段不同收歸上科。前日風雨裡。故人自此去。

上堂。僧問世界怎麼熱。宇宙炎炎。不知向什麼處得回避。師云。清機歷掌。僧云。王常侍一日訪臨濟。同濟在僧堂前乃問。這一堂僧還看經麼。濟云。不看經。意在那裏。師云。石壓笋斜出。僧云。侍云。還學禪麼。濟云。不學禪。意旨作麼生。師云。崖懸花倒生。僧云。侍云。經又不看。禪又不學。畢竟作箇什麼。濟云。總教伊成佛作祖去。到者裏如何領略。師云。調達不得肯。僧云。侍云。金屑雖貴。落眼成翳。濟云。將為個是俗漢。還端的也無。師云。疎田不貯水。僧云。若怎麼不來。爭得怎麼去。師云。且看脚下。

乃云。一法若有。毘盧墮在凡夫。昨夜金鳥飛入海。萬法若無。普賢失其境界。曉天依舊一輪紅。拈拄杖云。者箇是大德拄杖子。鬼哭神悲。三叉路口。少人知。阿那箇是有無。玄沙道底。道得與不道得。朝打三千暮打八百。要有一棒。來日使和尚喫。擲下拄杖下座。

七月旦上堂。僧問。暑退涼生。樹凋葉落。時節因緣。不相謾。如何是箇中事。師云。大家多生機。進云。記得。僧問雲門。不起一念。還有過也無。門云。須彌山作麼生領會。師云。莫教平出。進云。有僧問虛堂老師。此意如何。虛堂云。買鐵得金。意在那裏。師云。也是可惜許。進云。今日問和尚。不起一念。還有過也無。未審如何祇對。師云。三生六十劫。進云。與麼則。昔日雲門。今日和尚。便禮拜。師云。禮拜得始得。

乃云。昨見垂楊綠。詩向會人吟。今看落葉黃。酒逢知己飲。祖門擡擲事。兩頭三面。物物不隱藏。有錢使得鬼走。殘羹餽飯。者箇葛藤。卽且致。向針筒鼻孔裡。倒道將一句來。休道生靈作繭。可惜大智人。好責他愚人。若無人道得。聽取山僧為個說破。和

尚大慈大悲。誰不預德。伯勞饒舌不問世。

二十六

解夏小參。僧問。和尚一夏以來。爲衆勞手脚。未審成得什麼邊事。師云。崑崙嚼生鐵。進云。恁麼則誰敢辜負和尚。師云。放爾保殘生。進云。記得臨濟示衆云。赤肉團上。有一無位真人。常從汝等諸人面門出入。未證據者。看看。意旨如何。師云。不較多。進云。時有僧出問。如何是無位真人。濟下禪牀。把住云。道道。又作麼生。師云。若不道。瑕。爭得珠轉。進云。其僧擬議。濟托開云。無位真人。是什麼乾屎橛。便歸方丈。還端的也無。師云。半開又半合。又有僧問。記得。僧問雪峯。乞師指示。峯云。是什麼。如何承當。師云。劈腹剜心。進云。其僧於言下。大悟。也是見什麼道理。師云。捨長就短。進云。雲門云。雪峯向伊道什麼。未審節文在甚麼處。師云。錮鏘著生鐵。進云。古德底且置。和尚直下作麼生指示。師云。速退速退。妨佗別人請問。進云。不因今日節。誰敢恁麼去。師云。更有露柱在。

乃云。法歲周圍。一字不著書。聖制已滿。八字無兩人。我者裡荒涼。上無片瓦蓋頭。下

無寸土立足。爽氣最容與。萬里無雲時。青天須喫棒。不論取證淺深。莫是相似涅槃麼。不分賞勞輕重。死水何曾振古風。攀白雲而高捲。縱使高如何有天。追秋風而長嘯。假令有一法過涅槃。我說如夢如化。汝東西任情逍遙。隨緣放曠。外道魔軍。草蛙跟寬無不活路。猶是畫地作牢底。若逗到崑崙山頭。佗番戶迦忽相逢。問過鶩箭一句。只將隔手底。祇對不然。五門猛獸欺爾在。鷓林有一偈。我今歸家否。歸莫我爲我。我若未歸家。須以我爲我。何故。謗此經故獲罪如是。

復舉翠岩夏末示衆云。一夏已來。爲兄弟東說西話。看翠岩眉毛在麼。保福云。作賊人心虛。長慶云。生也。雲門云。關。師云。諸方盡謂。俱出隻手扶豎宗風。殊不知。巨鼈莫戴三山去。吾欲蓬萊頂上行。次日上堂。僧問。今朝正是解制自恣之辰。不知何處是衲僧遊戲之場。師云。來鋒有路。進云。恁麼則十州三島草鞋底。鴈蕩天台拄杖邊。師云。也何妨。進云。僧問雲門。初秋夏末。前程忽有人問。如何祇對。門云。大衆退後。作麼生領會。師云。因邪打正。進云。僧云。過在什麼處。門云。還我九十日飯錢來。意在那

裏。師云。大慈妨小慈。進云。今日忽有人問著。作麼生祇對。師云。三句前。兩句後。

乃舉。臨濟道。有一人。論劫在途中。不離家舍。錯無平等差別。不順佛法。惡差別故。有一人。離家舍。不在途中。果然無差別。平等不順佛法。惡平等故。那箇合受人天供養。錯。果然點。師云。諸人要向者裏道取。須向那裏透過。明暗一條去來路。若是人天供養。秋風吹渭水。落葉滿長安。北俱盧州長粳米。喫者無喜復無嘆。

謝進退兩班上堂。衲僧家尋常用底。佛殿裏燒香。山門頭合掌。豈止乎虎視龍望。為世所推。牙如劍樹。口似血盆。進一步則突出。威音王已前。聞見覺知非一。山河不在鏡中觀。退一步則燦迦羅眼裏藏身。霜天月落夜將半。誰共澄潭照影寒。因甚如是。擊拂子云。天際日上下。檻前山澗水寒。墜葉雖憐疎雨感。黃梁爭似暮雲親。

八月旦上堂。僧問。槿花凝露。梧葉鳴秋。此中現成事如何提唱。師云。答猶未了。進云。幾人得與麼去。師云。只許阿儂一箇。進云。肅宗皇帝問忠國師。如何是十身調御。國師云。檀越踏毘盧頂上行。意在那裡。師云。不妨脚下紅絲線。

不斷。進云。帝云。寡人不會。國師云。莫認自己清淨法身。又作麼生。師云。主山騎案山。進云。忽有人問如何是十身調御。未審和尚如何祇對。師云。背短臂長。進云。恁麼則。西風一陣來。落葉兩三片。師云。三十年後。

乃云。秋風弄秋雲。丹青畫不成。秋色蘸秋水。鴛鴦繡出從君看。氣清如時清。錦上布花又一重。道泰似情泰。第二重又在。禪者之雅興。若是明眼衲僧。不喫者般茶飯。道人之嘉景。美食不充飽人喫。頭頭上顯露。濃元不在多。盃。物物上現成。眼高看不到黃

金。卓拄杖云。是則是。三十年後有人加勸沮去。在家只言為客易。臨淵方覺得魚難。中秋上堂。僧問。靈山話月。曹溪指月。到者裏如何辨端的。師云。三山帽大袖衫。僧云。馬大師翫月次。問西堂百丈南泉云。正當與麼時如何。西堂云。正好供養。意旨作麼生。師云。波斯讀尙書。僧云。百丈云。正好修行。又作麼生。師云。拂地添銅瓶。僧云。南泉拂袖便行。意在那裏。師云。起席不謝坐。僧云。大師云。經歸藏禪歸海。只有普願獨超物外。如何委悉。師云。神箭三匝白猿號。僧云。古人誦訛處。和尚已呈露。和尚誦訛處。未審何人點檢。師云。天高蓋不盡。僧

云。不因恁麼問。爭識恁麼事。師云。要須買草鞋。僧云。淡沈滄海恩波濶。皎潔秋空氣象高。師云。如道著須用著。

乃云。秋中秋。月中月。四萬二千清光。五十由旬靈闕。夜闌天際墜金盆。膝上焦桐調轉新。明明重明明。皎潔又皎潔。一段風光盡不成。擊碎擊碎。不擊碎增瓊類。指與話俱納。敗缺。靈山續鳧。曹溪截鶴。兩頭共截斷。一劍倚天寒。納敗缺還照絕。成敗在吾殺活臨時。無物堪比倫。教我如何說。依稀上已。彷彿重陽。或如張婆耳。又似李母眉。

上堂。僧問。雲門因僧問。如何是法說。門云。大眾久立。速禮三拜。意旨作麼生。師云。還我話頭來。進云。如何是隨意說。門云。晨時有粥。齋時有飯。又作麼生。師云。一任亂咬。進云。如何是隨宜說。門云。三德六味。施佛及僧。如何理會。師云。薤園裡賣葱草。進云。如何是方便說。門云。是汝鼻孔重三斤半。意在那裏。師云。露柱退後。進云。如何是大悲說。門云。歸依佛法僧。如何辨端的。師云。放爾三十棒。進云。雲門一一答話。畢竟明得箇什麼邊事。師云。南地竹。北地木。進云。不因夜來鴈。爭見海門秋。便禮拜。師云。莫錯舉。

乃云。功高一儀而不仁。有物先天地。無形元寂寥。秦時轆轤。向大食國裏。明踰日月而彌昏。能為萬象主。不逐四時凋。肇公只知從事中得。不知從事上得。事中亦錯。事上亦錯。理事無礙。總錯。何故鑑嘆。願且道。從事上得底作麼生。事上事中。若有所得。底急須放擲。何故。弄泥團。澆有何限。良久云。殘葉賦題紅片片。遠山供望碧層層。僧肇要金上添黃。寶峯欲漆上加黑。點檢看來。似互炙手助熱。殊不知。君子愛財。取之有道。

重陽上堂。僧問。九九佳節。謂之重陽。只向者裏領去。是第幾機。師云。什麼處收拾得。進云。與麼則逢人須說三分話。未可全拋一片心。師云。六脚蜘蛛上飯牀。進云。豈不是老和尚出人妙手。師云。爾因什麼得到與麼地。進云。東西南北歸去來。師云。獼猴摘仙菓。

乃云。只愛菊花發紫藥。明明百草頭。明明祖師意。頭頭上明。物物上明。一華百億國。一國一釋迦。不喜聞彭祖之術。假令保彭祖八百歲時。一箇老大守屍鬼。堪作何用。只愛秋露凝赤萸。和盤托出夜明珠。西來消息。會者大難。翡翠踏翻荷葉雨。不憂忘稚川之說。大千世界海中漚。一切賢聖如電拂。不憂不喜。黃金鑄出鐵崑崙。善哉箇重九節。夜明籬外珠。

癡人按劍立擊拂子下座。

上堂。雲門云。許多大栗子喫却幾箇。不依劉毅書信。爭得到洞庭湖。有人喫得三箇。韶陽吐却五箇。波斯夜半踏繡襪。朝三暮四。有人喫得五箇。韶陽吐却十箇。暮三朝四。踏閻夕陽倒騎驢。者箇些子。縑素辨得出。山僧分半院與爾。生門易過。死門難過。逆順無拘底。爲什麼不出手。

閏月旦上堂。拈拄杖云。一切諸佛。及諸佛阿耨多羅三藐三菩提法。皆從此經出。試問。此經又却何處出。鶴林卽不然。一切諸佛及諸佛阿耨多羅三藐三菩提法。及和拄杖子總是出不得。卓拄杖一下云。看看。大德拄杖子爲爾諸人。此經科分。細大義理。一一指注。拗折山形拄杖子。從來大地黑漫漫。而見諸人。猶不知不了。我憶南泉好言語。如是癡鈍亦復稀。高聲唱云。四時禁土節。三年有一閏。又卓一下。八萬四千人。俱得未曾有。皆大歡喜信受奉行。

上堂。黃葉滿地塞鴈橫空。鶯鶯繡出從君看。莫把金針度與人。彼此出家彼此行脚。衣架走飯囊動。永平祖師曰。戴笠隨東西風漫東西。附正法魔黨。謗正法外道。佛手遮不得人。

心似等閑。無門云。任緣放曠。外道魔群。張公壞了李家店。草舍茅菴短作程。更擬問如何。咄。不勞再勸。當頭霜夜月。任運落前溪。好箇老大大。又與麼去。

開爐上堂。僧問。辭柯黃葉已成堆。整頓圍爐就地開。時節一句如何體會。師云。莫教擁山岐。進云。有人剎那去。亦如何。師云。前言不副後語。進云。趙州示衆云。三十年前南方火爐頭。有箇無賓主話。直至而今無人舉著。意在那裡。師云。三箇柴頭品字燒。進云。未審有甚麼難舉著麼。師云。近之燎却面門。進云。學人進前退後。自由自在。是舉著。不舉著。師云。且過者邊著。進云。便是兩彩一賽底。師云。大有人點頭。進云。不入虎穴。爭得虎子。便禮拜。師云。相識滿天下。

乃云。法昌十六高人。癩兒引伴。怕寒懶剃鬚髮。尋常一樣窓前月。纔有梅花便不同。趙州無賓主話。又是千年茄子根。愛暖頻添槽榼柴。自是桃花貪結子。錯教人恨五更風。大德門下。終不向針頭削鐵何也。今日十月一。開爐免帽子。火待日熱。風待月涼。只恨觸著家風。

謝監收維那上堂。齊之則泥土舒天顏。山河大地萬象森羅。醴雞螫蛇草芥人畜。一一放大光明。一一壁立萬仞。約之則水滴難以通。晉楚失其富。賁育失其勇。王侯失其貴。柳失綠。花失紅。恁麼並務。致令各各投其方圓之器。安其上下之居。帝王之德莫大於知人。知人則百僚任職。天工不曠。是謂之紀綱清嚴。收放有則。致中和。天地位焉。萬物育焉。及乎究其端由。豈止還丹一粒。點鐵作金。諸方盡言。兩朝國師。雷聲浩大雨點全無。

上堂。卓拄杖云。拄杖子若不相當。鴟林云。拄杖子決定不相當。是什麼物得不相當。便下座。上下四維十方法界。曠劫已前曠劫已後。一物不相當。何故。東山下左邊底。

冬至小參。僧問。一氣潛通。萬彙發生。不涉時節。願聽提唱。師云。鼻孔占却三畝之地。進云。瀉山問仰山。仲冬嚴寒年年事。暑運推移事若何。仰山近前叉手而立。意旨如何。師云。一字入公門。九牛牽不出。進云。瀉云。誠知子答者話不得。又作麼生。師云。見人富貴常歡喜。進云。時香嚴至。瀉山舉前話。嚴云。某甲偏答得者話。瀉復問。嚴亦近前叉手而立。如何領略。師云。借婆裙子拜婆

年。進云。瀉云。賴遇寂子不會。畢竟如何。師云。鷄鳴不著時。隣人半夜行。進云。今日有人問。仲冬嚴寒年年事。暑運推移事若何。未審和尚如何祇對。師云。夜聞祭鬼鼓。朝聽樂神歌。進云。與麼則來日一陽生。便禮拜。師云。一任記取。乃云。陰魔消盡。陽氣發時無硬地。妙玄無私句。律管先知。體妙無盡句。壠頭梅綻不萌枝。針筒藥袋放不得。直得皓老布裙麻線易通。猛虎不食其子。鏡清臥單駢拇難開。道士不愛還丹。縱饒迄于道。所以陰陽不測者。空洞無象。江碧鳥愈白。所以造化不宰者。潛微幽隱也。未是出書雲令節。循規守矩。無繩自縛。是故。山僧只望以五日為一候。以半月為一氣之流。漏泄箇仲冬嚴寒事物對偶機。翻笑忘機自安者。不能垂手入塵勞。其或似阿房曳衣底。東山水上行。固我意必忘足履之適也。忘腰帶之適也。忘是非心之適也。

復舉。慈明冬至勝。柔能制剛。弱能制強。柔者德也。剛者賊也。慈明老師眉如箭鋒。眼似銅鈴。鬼神亦畏。若有者漢。取一片黃布來。掛著榜邊。明一見必打破榜。若果然非只報佛恩。復免得後人點檢。豈惹許多葛藤麼。師拈云。東弗于代日下東。明如十日無遺照。西瞿耶尼月氏

西。碧落碑無樹木。解笑者多。解晒者少。珊瑚枕上兩行淚。半是思君半恨君。若也今晚放參。一冬二冬。叉手當胸。噫噫如律令。

因雪謝寺齋。乘拂上堂。演出普賢信口偈。梅邊殘月無踪影。竹裏清風有落花。擊來香積無盡飯。深溪絕無樵子語。陰崖却有獵人來。要知兩彩一賽處麼。捏聚不聚。分開不散。卓拄杖。一下云。吽吽。以字不成八字非。樂迦羅眼絕纖埃。短袴長衫白苧巾。唧唧月下急推輪。洛陽路上相逢著。悉是經商賣買人。有什麼鐸鐸子。快下將來。

謝兩班上堂。諸佛放光明。助發實相義。水不洗水。金不博金。釋迦老子非。但當年之益。佛以一音演說法。衆生隨類各得解。且要。使吾沙門於五濁惡世中。鬪諍堅固時。何處得者消息來。若是吾沙門不見有五濁惡世。况是鬪諍堅固時。拋却人我擔子。除却高下情謂。下截清風付與誰。拋不下擔取去。互作主伴。衆生無邊誓願度。煩惱無盡誓願斷。法門無量誓願學。佛道無上誓願成。箇實相無相。南村北村雨一犁。新婦餉姑翁哺兒。微妙解脫法門。天高東北。地傾西北。久住於世間。全億劫利濟。我常住於此。常說法教化無數億衆生。實相義且致。如何是諸佛放光明。青原自家三盞酒。喫了猶言未濕唇。良

久云。東山拍手西山舞。江碧鳥愈白。山青花欲然。

因雪上堂。危木風寒空山雪白。山家富貴銀千樹。漁父風流玉一簑。麗蘊枝頭藏身。鷺鷥立雪非同色。象骨巒塢氣索。山帶夕陽半邊紅。住住。改頭換面。他人住處我不住。石頭和尚來也。看走何處去。他人行處我不行。草鞋之歌。言猶在耳。脚跟未點地。不是與人難共聚。腦後見腮。莫共往來。大都緇素要分明。喝一喝。烏黑鷺白。緇素何處不分明。臘八上堂。僧問。釋迦老子半夜逾城。雪山六年一麻一麥。是什麼心行。師云。針鋒頭上。翻筋斗。僧云。正當明星現時。忽然悟去。還端的也無。師云。似地擎山不知山之孤峻。僧云。只如一人發真歸源。大地衆生在什麼處。師云。金剛腦後三斤鐵。僧云。釋迦老子顛言倒語云。奇哉一切衆生。悉具如來智慧德相。既是無風起浪。如何得太平去。師云。寒雨洒空。寒風匝地。僧云。學人今日小出大遇。便禮拜。師云。撒手那邊去。

乃云。半夜逾城直上雪山。何處得者箇消息來。無訪如來好。既是道士擔漏卮。又是魯般繩墨。更說於明星現處。忽然悟去。正狗不偷油。雞銜燈盞走。大似捏目見空花。

和尚眼花寒拾亦難掃除。大德未嘗不解。烏頭養雀兒。欲遂遷居之志。須求分燭之隣。卓拄杖云。南斗七。北斗八。因

歲旦雪下上堂。除夜大風吹。昨夜舊年風。上大人丘乙巳。今朝新歲雪。化三千七十字。雪帶舊年寒。爾少生八九子。風和新歲節。可作仁。可知禮也。阿呵呵。我家好驅儼。立春大吉祥。向後絕災禍。信手拈來著著親。絕災禍。東西南北皆可。祥光輕淨丈方地。南極老人獻壽香。龍寶從茲爐竈大。伏以。堂頭和尚萬福。

上堂。意到句不到。昨夜三更失却牛。一二三四五六七。千手大悲數不足。句到意不到。天明起來失却火。七六五四三二一。三箇獼猴夜簸錢。忽然意句俱到時。又作麼生。勘破了也。錯果然點。良久云。花開不假栽培力。自有春風管待伊。桑柘影斜秋社散。家家扶得醉人歸。

三月旦上堂。煙霞影裏春風聲。中。山桃紅綻岸柳翠濃。一對鴛鴦畫不成。無限幽情。正遮掩。莫教舞蝶一裝裝。欲知無限傷春意。盡在停針不語時。

三月半上堂。僧問。祖令當行。十方坐斷。則不問。只於春風拂拂時節。願聞親切一句。師云。處處綠楊堪繫馬。進云。長沙一日遊山歸。門首首座問云。和尚什麼處去來。沙云。遊山來。意旨如何。師云。家家門路透長安。進云。首座云。到什麼處來。沙云。始隨芳草去。又逐落花回。如何領略。師云。落霞與孤鶩齊飛。首座云。大似春意。沙云。也勝秋露。滴芙蓉。端的在那裡。師云。春水共長天一色。進云。雪竇著語云。謝答話。如何委悉。師云。一畝之地三蛇九鼠。進云。古人恁麼耐唱。如鷗如電。只恐通變未全。和尚今日莫別有提唱麼。師云。崑崙嚼生鐵。進云。不因揚得意。爭識馬相如。便禮拜。師云。咦。

乃舉。僧問。風穴。語默涉離微。如何通不犯。慣戰作家。虎頭戴角出荒草。穴云。常憶江南三月裡。鵬鴟啼處百花香。寒毛卓豎者。僧恰似那吒。把鐵鎚劈面揮。不知風穴立佗鎚子上。轉身。諸人要見風穴麼。只識取常憶兩字。若向常憶兩字上。要見風穴。千里萬里。其如未然。離微體淨品。又是寒毛卓豎。若是無後語。國師見孫豈得到今日。宜哉。扶桑之雲門大師。

四月旦上堂。僧問。鵲噪柳絲亂。龜遊荷蓋傾。此中現成事未審。如何提唱。師

云。青青不入時人意。僧云。馮山示衆云。有句無句如藤倚樹。意旨作麼生。師云。八十翁翁牙根堅。僧云。踈山云。忽遭樹倒藤枯。句歸何處。又作麼生。師云。見之不取思之千里。僧云。馮山放下泥盤。呵呵大笑。意有那裏。師云。黃連未是苦。僧云。獨眼龍云。教馮山笑轉新。如何委悉。師云。屋裡鸞楊州。僧云。踈山言下知歸。乃云。馮山笑中元來有刀。還端的也無。誰知席帽下。元是昔愁人。僧云。上來一一蒙指示。向上宗乘又如何。師云。拄杖頭上挑日月。僧云。不行尊貴路。爭蹈上頭關。便禮拜。師云。好看脚下。乃拈拄杖。卓一下云。有人似者箇。觸處築著磕著。玄武持世則爲人慳吝好雄。有人不似者箇。隨物七穿八穴。白虎扶身則賦性剛強狠毒。且道。誦訛在甚處。伏請和尚自家點檢。良久云。滿地落花春已過。綠陰空鎖舊莓苔。點。又卓一下。

佛誕生上堂。僧問。世尊初降生。指天指地。周行七步云。天上天下唯我獨尊。意旨如何。師云。日出乾坤輝。僧云。雲門云。我當初若見。一棒打殺與狗子喫。貴圖天下太平。端的在那裡。師云。知恩方解報恩。僧云。雪竇云。我當初若見。

便與掀倒禪床。又作麼生。師云。鬼爭漆桶。僧云。只如今朝諸方出手灌沐金軀。與二大老用處是。同是別。師云。千年田八百主。僧云。千峯勢到岳邊止。萬派聲歸海上消。便禮拜。師云。也何妨。

乃云。將三界二十八天作箇佛頭。依稀南海儵。彷彿北海忽。可憐渾沌氏。七日而其死乎。將金輪水際作箇佛脚。阿耶耶。將四大州作箇佛身。果然將一切情與無情。作箇佛脾胃肝膽。七花八裂。恰如庖丁解牛。如是則諸人盡在箇佛肚裏起坐經行。若也在肚裏。爭能灌沐淨智莊嚴功德身。若道灌沐無妨。向甚處安身立命。淨智莊嚴功德聚。擊拂子下座。

結夏小參。僧問。烏兔如馳聖制已臨。正當恁麼時。請師提唱。師云。好只與麼去。僧云。如何是圓覺伽藍。師云。逼塞虛空。僧云。如何是平等性智。師云。月白風清。僧云。畢竟如何安居。師云。直饒恁麼也未真。僧云。者箇則且置。和尚莫別有結制底一句麼。師云。前三三後三三。僧云。可謂石長無根樹。山藏不動雲。便禮拜。師云。道得始得。

乃云。古來有一段事。從來無一星事。常時明明如日。盡天地昏昏如漆。向之隔千里。從來無能所。背之在目前。何處有向背。得而難收。水投水。通而難親。空合空。所以西天於三月九旬中。聚集四聖六凡。者裡佛祖乞命。豈容四聖六凡。以大圓覺爲我伽藍。歷劫無名。休強安著名字。身心安居平等性智。金屑雖貴。落眼成翳。寶山今夏。也隨例結箇聖制。有例攀例。不見粥飯精麤。不分茶湯清醜。豈是分外事。林下人必應如此。隨根機忍耐。任肚皮大小。整頓手脚。護惜黑柱。者大小緊關。縱萬劫護惜得。堪作甚用。只是許堆堆地。不許成就慧身。好箇七村裏土地。何故。卓拄杖云。鼻孔元來掛上脣。猶是鬼家活計。雖然與麼。真正惡毒瞎老漢。一掃四海。今古無兩箇。只恨眼裏栽兩莖髭。

復舉。古德道。若是全舉揚宗乘。爾等諸人向甚處領會。太掖芙蓉未央柳。芙蓉如面柳如眉。所以古今獨露。隱顯無方。手把琵琶半遮面。不使人看轉風流。師拈云。古德大似王母獻七枚神桃。乘彩雲之聳。和明月而去也。律陀掌上惹摩羅果。直饒鬼神難隱身。

次日上堂。僧問。一峯雲片片。雙澗水潺潺。莫是二千年前消息麼。師云。認著却不是。進云。古者道。護生須是殺。殺盡始安居。會得箇中意。鐵船水上浮。意旨如何。師云。能有幾箇。進云。如何是護生須是殺。師云。何必恁麼。進云。如何是殺盡始安居。師云。一向無孔鐵鎚。進云。如何是箇中意。師云。豈獨孤負。進云。鐵船水上浮。又作麼生。師云。下載清風付與誰。進云。只如朝行西天暮歸東土。還有禁足底道理也無。師云。路途雖好。不如在家。進云。恁麼則十州三島鶴乾坤。四海五湖龍世界。師云。分身兩處看。

乃云。經行及坐臥。常在於其中。者中縱雖佛祖不能經行坐臥。既而如是。今朝因甚別立規矩。禁足護生。空劫以來。者裏半箇亦不見。立規矩禁足安居底。還會麼。良久云。以大圓覺爲我伽藍。身心安居平等性智。秋天曠野行人斷。馬首西來知是誰。謝首座書記藏主秉拂上堂。拈拄杖卓一下云。風穴云。若立一塵家國興盛。野老頓蹙。新婦面上添笑。歷却向錦繡幕裡行。雪竇頌云。野老從教不展眉。聽之於未聞。察之於未形。而鑒其神智。識其才能。可謂知人。且圖家國立雄基。若功成事遂。然後知之。

者何異耳。聞雷聲而稱為聰。目見日月而謂之明耶。山僧要與拂子知其人。不如雲門兒孫有三句體調。莫嫌襟上班班色。是妾燈前滴淚縫。又卓柱杖下座。

五月旦雨下上堂。罪罪梅雨洒危層。五月山房冷似冰。半陂飛雨半陂晴。漁曲翻秋野調清。雪竇老老大大。向諸人面前翻筋斗。大德開祖。即今入諸人眼睛裏。安眠高臥。若人見得。拖泥帶水。若人見得福壽延長。

端午上堂。僧問。和尚從來應箇節。箇時作麼生與人看。師云。不肯為爾。進云。既能恁麼會去。一生參學事了畢也無。師云。合取靴醫著。進云。記得文殊令善財採藥。善財云。盡大地無有不是藥者。此意如何。師云。相去多少。進云。文殊云。是藥採將來。善財拈一莖草度與文殊。意在那裏。師云。少。一時不生。剩一時不死。進云。大家鍊團圓。無有一箇病。未審。文殊為誰要藥。師云。專為七佛。進云。善財因甚將錯就錯。師云。家無小使不成君子。進云。和尚與麼答話。為是與文殊善財雪屈。為復是古今一路行。師云。岸谷無風。徒勞展掌。進云。若不因今日節。爭知作家體裁。便禮拜。師云。吽。

乃云。今朝是五月五。陰陽不到處。一片好風光。不用桃符白澤。桃符白澤亦可也。不風流處也。風流。只諷誦佛祖至靈大神咒。若其至靈大神咒。不勞和尚拈出。何故。行雲流水墜葉飛花。如何迴避去。消滅一切障難。者裡全無障難。成熟一切吉事。何處著吉祥。且道那箇神咒。明眼衲僧。入門即話墮。振威喝一喝。橫諾諾。

上堂。僧問。今朝為法大眾雲集。未審。和尚說箇什麼法。師云。家家觀世音。進云。正與麼時。學人如何得領略去。師云。拈起簸箕。別處春。進云。記得。僧問。趙州。狗子還有佛性也無。州云。無。此意如何。師云。穿過髑髏裏。進云。一切蠢動含靈。皆有佛性。為甚狗子還無佛性。州云。為佗有業識性故。作麼生辨端的。師云。藏身露影。進云。上來分明蒙指示。今日有問。狗子還有佛性也無。和尚如何祇對。師云。去。非爾境界。進云。恁麼則。昔日趙州。今日和尚。便禮拜。師云。能知始得。

乃云。久雨已晴。南無大圓滿十方光相如來。處處曬眼皮艸。南無法界一和莊嚴王如來。曬眼皮艸。即且致。南無純清絕點微妙相如來。明見天日。一句試道來看。南無一念

萬念精進王如來。若無人道得。山僧今日失利。伯夷死名於首陽下。盜跖死利於東陵上。擊拂子下座。

半夏上堂。僧問。結制已過半。九夏炎炎日。木人汗不輟。如何生清涼。師云。脫却鶻臭布衫。進云。與麼則。六月賣松風。人間恐無價。師云。箇箇秘在形山。進云。記得龐居士參問江西馬祖云。不與萬法為侶者是什麼人。意旨作麼生。師云。咽喉出氣得也未。進云。祖云待汝一口吸盡西江水。即向爾道。意在那裏。師云。騎聲入耳。進云。居士於言下頓領旨。還端的也無。師云。早知落第二機。進云。可謂親言出親口。師云。且退且退。

乃云。約日月知晝夜。天際日上下。約晝夜知時節。檻前山深水寒。箇箇常情也。經一事長一智。只如天地未剖。文彩未彰已前。高山白浪起。海底紅塵颺。狗吠乞兒後。牛耕農夫前。還喚今日作半夏。即是。印空印水印泥。不作半夏即是。印泥印水印空。卓拄杖云。六月不熱。五穀不結。可惜許。

上堂。僧問。南山起雲。北山下雨。此中親切處。願聽舉揚。師云。千里萬里轉霧

霽。進云。恁麼則把斷要津去也。師云。打水魚頭痛。進云。仰山謂香嚴云。如來禪許師兄會。祖師禪未夢見在。未審意在那裏。師云。蠅何見血。進云。如何是如來禪。師云。靜處娑婆訶。進云。如何是祖師禪。師云。鍊輪碎石。進云。如來禪與祖師禪。相去多少。師云。湘之南潭之北。進云。者箇則且置。作麼生是和尙禪。師云。大坐須彌頂上。進云。不因樵子徑。爭到葛洪家。便禮拜。師便喝。乃橫拄杖云。若從者裏便去。山河大地齊稽顙。聞見覺知非一二。卓拄杖一下云。若從者裏便去。森羅萬象盡放光。山河不在鏡中觀。又畫一畫云。從者裏去。底亦作麼生。請各各歸寮舍。自摸索看。誰共澄潭照影寒。

以忠孝遺子孫者昌。
以知術遺子孫者亡。

以謙接物者疆。
以善自衛者良。

槐安國語卷上之下

龍寶開山語錄中事住大德語要

七月旦上堂。僧問。落梧一葉。天下報秋。箇中端的。若爲相酬。師云。釋迦彌勒。退後三千。進云。今日方知眉毛橫眼上。口稜在鼻下。師云。認驢鞍橋。作阿爺下頷。進云。記得雲門上堂云。一言纔舉。千差同轍。該括微塵。猶是化門之說。若是衲僧。合作麼生意。在那裏。師云。擔水河頭賣。進云。若將祖意佛意。這裏商量。曹溪一路平沈。還有人道得麼。道得底出來。意旨作麼生。師云。河裏失錢。河裏攙。進云。時有僧問。如何是超佛越祖之談。門云。餠餅。如何辨端的。師云。胡獠繫露柱。進云。僧云。這箇有什麼交涉。門云。酌然有什麼交涉。此意如何。師云。和賊納款。進云。古人底。且置。不容祖意佛意。乞師指出曹溪一路。師云。壁立萬仞。進云。旣放下佛祖。猶是爭奈。用六祖何。師云。且去圓前語。進云。不因天目近。爭識斗牛寒。師云。噫。

乃云。暑氣未去。嫩涼初生。睡美不知山雨過。覺來殿閣自生涼。秋意未深。白雲清淡。七佛已前四時春。現成公案如今日。德山臨濟為甚平地喫咬。握左手搔佛首即非無展。右手觸狗頭何日免得。會麼。良久云。蘇武持漢節而歸。握左手咬中指。

解夏小參。僧問。聖制已圓。秋風滿面。正與麼時如何履踐。師云。何不別問。僧云。恁麼則有意氣時添意氣。不風流處也風流。師云。南海波斯鼻孔蟲。僧云。記得三聖問雪峰。透網金鱗以何為食。意旨如何。師云。到即不點。僧云。峰云。待汝出網來向汝道。又作麼生。師云。點即不到。僧云。聖云。一千五百人善知識話頭也不識。意在那裏。師云。無限村僧摸之為則。僧云。峰云。老僧住持事繁。如何委悉。師云。鳩羽落水魚皆死。僧云。若有人問透網金鱗以何為食。未審和尚作麼生祇對。師云。呂望權任公牯。僧云。恁麼則學人今日小出大遇。便禮拜。師云。誣人即得。

乃云。四月十五。一衆無端。是凡乎。是聖乎。投入牛角。錯東西不辨。果然。南北不分。點。七月十五。諸人快活。解開布袋。有甚長處。腳頭脚底。泥濘三尺。通霄有路。

他是具神通應供。蝦蟇不出斗。萬里無寸草。那一莖大碓塞殺人。抖擻多年穿破衲。粘骨著皮。出門便是草。勝門內。襪襪一半逐雲飛。天網疎而不漏。有佛處不得住。舜無卓錫地。不臨難不見忠臣志。無佛處急走過。禹無十戶聚。不臨財不知義士心。直得把住放行觸處現前。勘破了也。擡擡褒貶隨物作主。勘破了也。正與麼時。龍寶別有賞勞在。擊拂子云。西風一陣來。落葉兩三片。伏惟堂頭和尚萬福。復舉。五祖演和尚云。干將雖利不得入力。則不能自斷。牛過窻樞。積羽沈舟。頭角四蹄全出。群輕折軸。尾巴為甚出不得。五祖只愛其不出底。不愛其出底。何故尋常一樣窻前月。纔有梅花即不同。師拈云。五祖老子只見其出底。不見其不出底。把針失却線。公輸無所措其斧斤。離婁為之失明。何故。何官無私。何水無魚。以一縷之任。係千鈞之重。

次日上堂。僧問。三月安居。羚羊掛角。九夏自恣。猛虎出林。正與麼時如何得不欺去。師云。付與甚人。僧云。洞山云。兄弟初秋夏末。直須向萬里無寸草處去。意旨作麼生。師云。餓狗齧枯體。僧云。石霜云。何不道出門便是草。又作麼

生。師云。把髻投衙。僧云。洞山聞云。大唐國裏能有幾人。意有那裏。師云。也須遭人點檢。僧云。古德垂示。且置。和尚如何教人去。師云。下坡不走。快便難逢。僧云。青山綠水草鞋底。明月清風拄杖頭。師云。錯。

乃云。會則途中受用。蛟龍得雲雨。終非池中物。移身不移步。井見驢。不會則世諦流布。跛鼈盲龜入空谷。移步不移身。驢見井。即便恁麼去。未到山僧行履處。養子方知交慈。何也。雨來層翠消殘暑。風過林頭滿院涼。豈步亦步。走亦走。

謝兩班侍者上堂。登山須倚杖。渡海須上船。建廣廈必先擇工匠。發三軍必先拜良將。若要扶豎法門。法門何日有推倒。必須得有班序之禪。溫柔一手擡。剛硬兩拳擡。始得。進賢而廢不肖君之明也。明君知臣明父知子。既得其人後。亦作麼生。綱目正。法令嚴。良久云。獻佛不在香多。波斯說夢入市中。談笑座中竊置鴆毒。

上堂橫拄杖云。山僧昨夜三更入。瞌睡三昧。醉後郎當愁殺人。者箇拄杖子。趁前言曰。破木椽。有什麼長處。拗折爲洗足湯。下薪去。某甲會些子禪。有會處。急須吐却。家無白澤圖。如此有妖怪。要且來日初一說一句子。布施諸人去。殘羹餽飯。狗亦不顧。

伏望和尚慈悲。莫奪此願以爲幸。伏望和尚大悲。遍折眩向火爐頭。山僧云。也何妨。爾作麼生說。隨波逐浪。拄杖子云。八月初一日天中節。日日是好日。說什麼天中節。赤口白舌隨時滅。是什麼熱碗鳴聲。山僧云。阿彌實好知言。厚面皮老漢。瞞入不少。只以此一句子。當什麼臭皮襪。食輪法輪並轉。遲八刻。威音已前轉得了也。佛道祖道共昌。他便禮拜去。勘破了也。諸人且道。喚作山僧說。即是。喚作拄杖子說。即是。握左手咬中指。若作拄杖子說。山僧今朝說。以指喻指之非指。若作山僧說。拄杖子昨夜說。不若以非指。譬指之非指也。若能定當。雲歸碧洞。露滴蘭蓼。此老漢。唯解見前不解。願後唯慣得便宜。不知落便宜。何故。指其如未然。卓拄杖一下。中秋上堂。尋常驚恠禪和家。多是牀窄先臥。粥薄後坐。此外有什麼長處。豈足驚恠。及乎到中秋節。卜浮雲於陰晴。強貪觀天上月。衆生顛倒迷已逐物。問著其中吟眸句。寄語諸仁者。休札札作詩。迷人語。誰取。十箇有五雙。十箇亦然。便道。月皎夜星稀。書安胡餅上。與狗。狗不喫。是惟才陞龍寶堂。也未得入龍寶室。勘破了也。何故。滿船明月一竿竹。家在五湖歸去來。隨蘇嚕蘇嚕。

上堂。去聖時遙。試言聖甚處去。他終不去來。無謗釋迦老子好。人多懈怠。再犯不許。逆則生嗔。順則生愛。不塗紅粉自風流。且道。作麼生是無懈怠。無嗔愛處。直下即是。盡大地終不見一箇有喚懈底。嶺上白雲。巖前綠水。金屑眼中翳。衣珠法上塵。

重九上堂。一句新一句新。莫捨舊好新。汾陽一句又重新。舊是新之終。靖節相逢不相識。莫愛少嫌老。重陽九日菊花新。少是老之始。

開爐上堂。僧問。法昌今日開爐。行脚僧無一箇聚泥像而說法。山川改觀。還莫恠力亂神麼。師云。一點水墨兩處作龍。進云。丹霞燒木佛。有什麼憑據。師云。趙州東院西。進云。龍寶今朝開爐。不聚泥像。不燒木佛。行脚僧有幾箇。師云。普天普地。進云。轉凡夫為賢聖。抑賢聖為凡夫。則不無和尚。離者二途。請師端的。師云。將知不圓前話。進云。滄山向火次。問仰山。終日向火。因甚無暖氣。仰作向火勢。滄云。子只得物體。能所未在。意旨作麼生。師云。要家醜揚外。進云。師云。某甲只如此。和尚作麼生。滄又作向火勢。仰云。和尚只得物體。能所未在。滄云。如是如是。如何甄別去也。師云。錯墮此機。進云。舉世盡言。父子

唱和。兩口無一舌。師云。龍象蹴踏。非驢所堪。進云。若有人。問終日向火。因甚無暖氣。和尚對他作麼生。道。師云。炙手助熱。進云。和尚與古人。莫止一般也。無。師云。大海若知足。百川應倒流。進云。與麼則三冬古木花。九夏寒巖雪。師云。生薑終不改辣。進云。覓火和烟得。擔泉帶月歸。便禮拜。師云。叱。

乃云。人人有箇火種。人性上不可添一物。若有須吹滅。只是深埋冷灰。何也。所謂火種者。既是深埋冷灰。將其類芋栗者歟。用之不得。我者裡不要者般奇怪物。今朝風頭稍硬。且為諸人撥起。且睛。東之高閣。誰家竈裏火無烟。以拄杖畫一畫云。會與不會。各歸煖處商量。若有箇漢。向一畫以前。掩耳出去。七尺拄杖。無隱身處。

上堂。昨日有人。面前打筋斗。我向君家尋自家。今日有人。背後作問訊。自家先得。到君家。似親非親。君家不說自家事。似疎非疎。見了君家見自家。爾等諸人作麼生。辨別。君子勞心。小人勞力。

冬至小參。僧問。覷面相見不在多端。龍蛇易辨。衲子難瞞。如何是衲子端的眼。師云。禾山鼓雪。峯樾進云。機輪轉處。作者猶迷。師云。切忌上頭上面。進云。

記得慈明今日出榜。書三圓九封云。若人會得不離四威儀中。意在那裏。師云。頂上無骨。領下有鬚。進云。首座一見云。和尚今晚放參。又作麼生。師云。阿誰知此節。進云。千峰勢到嶽邊止。萬派聲歸海上消。便禮拜。師云。好領取著。乃云。徧界不曾藏處。體露畫蛇添足。覆藏牛羊失角。方是時人難躡避時節。譬如見西施。何必識姓名。然後知美。恰半夜似放烏鷄。錯錯說似一物即不中。左之右之。向甚處辨明。善易者不論易。直得陰去陽來。雪寒冰冷。直下是何用損己命。吾家大用。觸處繁興。丈夫面上傅紅粉。豈敢逐洞山圖熱開底之狂解。無妻洞戶松偕老。不稅山畦黍旅生。雖然如是。諸人且道。貴其耳孰與貴其眼。耳底泉聲。眼前山色。卓拄杖一下。

次日上堂。否極。天地不交之課。人口不圓之象。泰來。天地交泰之課。小往大來之象。坎去。船涉重灘之課。外虛中實之象。離到。飛禽在網之課。大明當天之象。底事。彼彼一齊。用得最妙。任手拈來著。親譬如驪龍捲海水來作一遍。膏雨蘇荒旱。只有無陰陽之地。少人蹈著。三千世界海中。一切賢聖如電拂。者裡佛祖乞命。可貴。特有兩朝國師。倒著草鞋橫三豎

四。如何。門前李四婆。不橫點頭在。忽然蹈著。不妨和雪蹈泥。黃絹幼婦。外孫壘白。

謝秉拂上堂。了臨濟賓主句子。乞兒亦不顧底破漆桶。續香嚴瀑布重吟。瘦馬亦不食底蔓葛藤。看來他是曠蕩。更有一箇。也有巴鼻。或如張婆耳。也有來由。又似李母肩。且一代藏教之中。止止舍利弗。還有者箇時節麼。每時作是念。卓拄杖云。我現寶塔當爲證明。此經難持。若暫持者。我即歡喜。諸佛亦然。

上堂。僧問。學人見山不言山。見水不言水。時如何。師云。三步可易。五步應難。進云。和尚只恁麼。何異諸方。師云。頑石瓦礫。聞之必汗。進云。一句不進。兩句不退。有誰等閑籠罩我來。師云。汨梁下尾生。奚言抱道士。進云。若不是遇老師。幾乎賺過一生。便禮拜。師云。直饒實與麼。放下過即不可。

乃云。一滴水。一滴凍。木人亦寒。毛卓豎。佛祖乞命。曹溪路上少相逢。謂甚麼。曹溪亦相逢不得。寒山拍掌。將謂胡鬚赤。拾得笑。更有赤鬚胡。南山燒炭北山紅。我於往昔節節支解時。擊拂子下座。

佛成道上堂。僧問。菩薩今夜成道。號之名如來。只如見明星。未審明什麼邊

事。師云。清寥寥白的的。進云。莫是他一翳在眼空花亂墜麼。師云。娘生幾箇舌頭。進云。學人若向此去。和尚還許也無。師云。山僧不如拄杖。進云。因甚肯昔日不肯今日。師云。只為兩頭走。進云。若無此語。爭辨老子端的。師云。我被

爾辯倒。進云。心不負人。面無慙色。便禮拜。師云。古今惟多。乃云。澄月映徹衆星燦朗。拗折山形拄杖子。從來大地黑漫漫。明頭來也明頭打。暗頭來也暗頭打。箇中無釋迦。阿誰當成道。卓拄杖云。將謂在釋迦彌勒。又作麼生。屎上更加尖。退後退後。

上堂。臘雪連天白。賞一勸百。寒風逼戶寒。罰一懲衆。失却口不問爾。養子之緣。拈得鼻孔來看。有例攀例。如無人拈得。擊拂子云。貴買賤賣。忽然撞著來時路。始覺從前被眼瞞。遠水難救近火。遠親不如近鄰。

除夜小參。僧問。舊年送不去。新歲迎不來。新舊本無情。去來豈可擬。師云。我且愛爾向下關頭上行。進云。記得。僧問。香林萬頃荒田。是誰爲主。林云。看看臘月盡。意旨作麼生。師云。鐵券難分付。進云。來日定是大年朝。有何祥瑞。師

云。家家爆竹處處燒錢。

乃云。日日日東出。昨夜三更失却牛。日日日西入。今朝天明失却火。一出一入自循環。我有無陰陽地。逗到臘月三十日。全無者箇消息。村裏打祭鬼鼓。見聞覺知非一二。山塢唱樂神歌。山河不在鏡中觀。人人帶淳素之風。農有餘粟。箇箇稱太平之時。婦有餘布。况衲僧家。有甚長處。半夜見日頭。殘羹餽飯果然。阿誰辨新舊。鬼家活計。只管大坐當軒。棺木裏瞪眼。眼眼相照分歲。向言有甚長處。果然。雖然荒涼不烹鳳髓。古佛舊家風。可貴可憐。其中清味勝他金鱗。苦飲者死。何故。擊拂子云。雪寒北嶺。梅香南枝。香餌聚魚兒。酒釀呼猩猩。

復舉。雪竇拈拄杖云。此老漢平生語句嶮峻。不愧稱韶石之孫。只惜不知烹魚煩則碎。治民煩則散底。頭上是天。脚下是地。眼前綠水。背靠青山。衲僧道我會也。忽騎驢入爾鼻孔裏。牽牛入爾眼睛中。又作麼生商量。將謂有多少奇特事。騎驢入鼻孔裡底。驅鳥畜亦知。何足舉起。只惜魚碎民散。師云。當年若有人出衆。喚老和尚。待雪竇才擡頭。道更詣函丈。便歸衆去。直饒以方投規。自然函蓋相應。烹魚煩則魚碎。

治民煩則民散。

六十一

正旦上堂。僧問。元正啓祚萬物咸新。好箇時節。願聞法要。師云。相逢共賀萬年慶。進云。喚作新年頭事耶。亦是自已消息。師云。一有兩種。二無兩般。進云。與麼則大德播四海。龍寶滿一天。便禮拜。師云。闔國咸知。乃云。日暖風和鳥啼花笑。殺人刀。活人劍。大機與大用。繁興於家家。何也。執提運奔誰欠少。用繁興甚用。卓拄杖云。月建首寅。斗柄指戌。民之所欲天必從之。民之所惡天必誅之。

元宵雪下上堂。拈拄杖卓一下云。一燈百千燈。離婁不辨正色。明暗雙雙底時節。勘破了也。又卓一下云。百千燈一燈。那箇男兒摸壁行。夜深共看千巖雪。勘破了也。所以道。有時前照後用。有時後用前照。有時照用同時。有時照用不同時。我者裏不要者般閑家具子。乞兒亦不願底破漆碗。又卓一下云。且道。是照是用。各自辨別。破草鞋拋向湖邊著。

上堂。龍寶無伎倆。將謂有多少伎倆。只是不喪目前機。刻好肉生瘡。忽得冰消雪霽。自然見梅腮柳面奇。好一釜羹。喚之以作禪道佛法。一顆鼠糞。處處春山應

聽子規。參。齊桓公好味而易牙烹其子首而餌之。虞君好寶而晉獻公以璧馬釣之。

佛涅槃上堂。僧問。世尊云。我若謂滅度非我弟子。我若謂不滅度亦非弟子。必竟如何領略去也。師云。醉後郎當愁殺人。僧云。與麼則。莫今日卽有明日。卽無麼。師云。知恩者少。負恩者多。僧提起坐具云。學人只喚者箇作世尊。和尙喚者箇爲是有。爲復是無。師云。狗墮赦書。

乃云。釋迦老子於奇花茂葉之中。面前露堂堂。何處著奇花茂葉。藏得唯一堅密身。密身現處花葉隱。花葉現處密身隱。名之爲涅槃真常樂。直下卽是用真常爲什麼。若人向一榮一枯處相見。一榮一枯有何過謬。我愛一榮一枯上。何如波旬舞袖長。一段風光畫不成。譬如翻錦機。背面共是花。雖然。迦葉豈不是偷羅國人乎。峽蝶飛來過。牆去却疑春色在隣家。

佛誕生上堂。毘嵐園中。吹毛截不入。無憂樹下。輪鎚擊不開。金蓮生地。丘墟平坦。淨飯王宮人。一場懨懨。因甚天台山高。華頂峰低。有酒食時兄弟千箇在。急難之時半箇亦無。會得我今灌沐諸如來。解打鼓。不會淨智莊嚴功德聚。解打鼓。擊拂

子下座。

結夏小參。二千年前靈山百萬大衆。凡聖同居龍蛇混雜。見地只爲解打野櫻。甚滅人威光。世尊拈出一箇膠盆子。箇箇刺腦打入。兒不嫌母醜。父攘羊而子證之。澄澹身心。成熟慧身。吾大覺調御。終不作者般去就。若釋迦老師有甚麼憑據。謂之禁足護生。剋期取證。歷長成賤。二千年後。中華扶桑。類例攀來彌繁彌昌。字經三寫。烏焉爲馬。而觀時之所下。嫌杓頭窄。擇炊巾廣。衣架飯糞。自古自今。遐邇自別。蓋將自其變者而觀之。則天地曾不能以一瞬。自其不變者而觀之。則物與我皆無盡也。龍寶英傑之徒。九夏道聚之義。又是雲居羅漢。自屎不覺臭。恰雖似勺水豢龍。自是有一件透不過事。不同小小。有何僻離錘子。快下將來。纔進前退後。墮坑落漚。勘破了也。且道是那一件事。卓拄杖一下。

復舉洞山因僧問。寒暑到來如何回避。將謂衆生苦更有苦衆生。山云。何不向無寒暑處去。老婆更親切。嚼飯餵嬰兒。僧云。如何是無寒暑處。者破草鞋。縱問得十成。到死無了日。山云。寒時寒殺閻梨。熱時熱殺閻梨。一句合頭語。萬劫繫驢橛。師云。洞

山老漢。小慈妨大慈。甚滅人威光。若是德山臨濟門下。終不可認驢鞍橋作阿爺下頷。作麼生是無寒暑處。

次日上堂。僧問。猿抱子歸青嶂後。鳥隨花落碧巖前。伊有結制安居底道理也無。師云。豈不見道。以大圓覺爲我伽藍。進云。恁麼則頭頭是圓覺伽藍。物物即平等性智。師云。直饒與麼去。作於漏之子。進云。記得雲門垂語云。十五日已前不問爾。十五日已後道將一句來。意旨作麼生。師云。半幅全封。進云。正當十五日。請師垂指示。師云。月白風清。進云。只如道。日日是好日。莫有坐斷千差底麼。師云。韶陽得爾不墮風規。進云。此是古人爲人處。不涉古今。如今何商量。師云。八十翁翁拄杖行。進云。千峰勢到嶽邊止。萬派聲歸海上消。便禮拜。師云。親會始得。

乃云。龍寶有百味珍羞。殘羹餽飯狗亦不顧。縱美食不充飽人喫。尋常不敢拈出之。伏乞和尚休拈出。今日方是結制。須布施諸人去。有何僻離錘子。請藏櫃底之。以之爲休糧方。以願九旬空疎。彼空疎底。懸勝和尚供養。喝一喝。果然云。切忌崑崙吞。

惡政流於民。蠱蟲生於野。

謝乘拂夏齋上堂。天有三光。甚新鮮。其明高遠。以被群機。天何言哉。四時行焉。地有五味。甚明白。其德廣大。以保萬有。地何言哉。百物生焉。諸人要知其功所歸。和尙大智能了知一切。我輩實所不及也。良久云。禾山打鼓。雪峰毳毬。向不開言。和尙大智能了知一切。

上堂。僧問。目前無法。門外車馬鬧浩浩。意在目前。屋後松竹冷青青。師云。時節難逢。進云。記得雲門示衆云。拄杖子化爲龍。吞却乾坤了也。山河大地。何處得來。意在那裏。師云。莫教皴皴鱗鱗。進云。已吞却乾坤了也。拄杖子爲甚落在和尙手裏。師云。物歸有主。進云。昔日雲門與今日和尙。相去多少。師云。出頭天外看。誰是我般人。進云。始知一條拄杖。兩人扶。師云。誣人之罪。乃拈拄杖卓一下云。恁麼恁麼。大衆退後。如空裏打槩。天子見恁則修德。又卓一下云。不恁麼不恁麼。大衆退後。似水中捉月。諸侯見恁則修改。要兩處收功。天晴日頭出。珍重佛心真聖主。陷入坑子年年滿。又卓一下。

重午上堂。僧問。文殊令善財採藥。財云。盡大地無不是藥者。此意如何。師云。崑崙嚼生鐵。僧云。善財拈一莖草。度與文殊。殊云。此藥亦能殺人。亦能活人。拈驗在那裏。師云。黃蘗樹上生木蜜。僧云。學人通身是病。作麼生醫。師云。病得須愈。僧云。直饒與麼。猶墮在圓覺四病。作麼生得獨脫無依去。師云。早知爾不能病得。僧云。快哉快哉。今朝天中節。時清道泰。門安戶靜。師云。許爾一句相當去。

乃云。今日端午節。和尙事生也。諸人直須明得明德。在止至善。知止而後有定。消殞天行百怪。定而後能靜。切忌靜處死坐。見靜焉。除却佛病祖病。那一病。何處安著。只者無病大病。佛手不能醫治他。蓋只是所以妖不勝德。靈光分明輝大千。神鬼何處著。手脚。且道。如何是明德。聖主必待賢臣而弘功業。俊士亦俟明主以顯其德。擊拂子云。歸依佛法僧。歸依佛兩足尊。歸依法離欲尊。歸依僧衆中尊。

半夏上堂。僧問。九旬已過半。雲山翠色深。現成公案無處回。避。此景此時願聞法要。師云。放爾三十棒。進云。古人有一則因緣。許學人咨參也無。師云。佛

不奪衆生願。進云。臨濟因半夏上黃檗。見和尚看經。濟云。我將謂是箇人。元來是搗黑豆老和尚。意旨作麼生。師云。水上推胡蘆子。進云。濟住數日乃辭去。檗云。汝破夏來。不終夏去。未審如何辨端的。師云。殷勤送別瀟湘岸。進云。濟云。某甲暫來禮拜和尚。檗遂打趁令去。是什麼心行。師云。令不虛行。進云。濟行數里。疑此事。却回終夏。意在那裏。師云。古今能有幾人。進云。一人在途中。不離家舍。一人在家舍。不離途中。是甚麼道理。師云。鐵牛擎出黃金角。進云。與麼則達磨不來東土。二祖不行西天。師云。能知者須能用。乃云。結制已過半。無陰陽地。荆棘參天。水牯牛鼻孔數寸長。家無白澤圖。如此有妖怪。諸人只與麼去。便知二六時中。了不走作。又是大小大走作。儻或離鼓攘臂。無柝楊可用。參。孝順還生孝順子。忤逆還生忤逆兒。不信但看簷頭水。點點滴滴不差移。上堂。僧問。六月十五。天下毒熱。一機一境盡落。今時不涉唇吻。如何通津。師云。退後退後。進云。浮瓜沉李。積雪爲山。見成公案。迥絕多端。豈不是清涼世界。師云。心不負人。面無慙色。速道速道。進云。黃龍有三關語。還許咨參也無。

師云。劈開華嶽連天色。進云。我手何似佛手。意旨如何。師云。開拳作掌。進云。我脚何似驢脚。又作麼生。師云。屐齒印蒼苔。進云。如何是學人生緣處。師云。岫巖峯頭神禹碑。進云。和尚一一祇對的的分明。只箇三關爲一爲三。師云。謝爾答話。進云。與麼則會三成一易。會一成三難。師云。將謂問事漢。進云。恩大難酬。便禮拜。師云。錯。乃橫拄杖云。炎炎六月紛紛雪下。未是分外事。九夏寒巖雪。三冬枯木花。只箇好時節。覷著生眼花。巡人犯夜。普州人送賊。雖然如是。卓拄杖云。不因射鵬手。誰識李將軍。國師只有愛兒之心。乏教兒之術。何故。水廣則魚大。君明則臣忠。七月旦上堂。僧問。暑雲散。空涼氣。滴秋。好箇時節。願聞提唱。師云。劈腹剜心。進云。便恁麼去時如何。師云。車不橫推。進云。句上全提。鐵壁銀山。放開線路。墮坑落塹。師云。且須蹈上頭關。進云。乾峰示衆云。法身有三種病。二種光。一一透得。始是穩坐。意在那裏。師云。不喜舊路逢人。進云。雲門出衆云。菴內人。因甚不見菴外事。又作麼生。師云。爲已鎖者多。爲他鎖者少。進云。不因夜

來鴈爭見海門秋。便禮拜。師云。好看。好看。

乃云。雨洗炎威。秋意清滴。點點潭心。細影微冷。侵虛閣。透單衣。風到梧桐擊蒙最的。破除殘暑昏蒙去。勾引輕寒淡薄歸。的的人焉庾哉。頭頭上發機。物物上放光。閃電之機。轟霹靂。擊禪牀。一拂子。山河大地通上孤危。萬象森羅徹下峻峻。只是領下無髮。

解夏小參。僧問。秋風颯颯。遍界清涼。時節已至。其理自彰。此節此景如何。是其理。師云。三十年後此語大行。進云。與麼則現成公案。迴絕商量。師云。依稀似曲。纔堪聽。進云。記得。僧問雲門。初秋夏末前程。忽有人問。如何祇對。門云。大衆退後。意旨作麼生。師云。眼裏無筋。一世貧。進云。僧云。過在什麼處。門云。還我九十日飯錢來。意在那裏。師云。對牛彈琴。進云。怎麼時節。若有人問。前程事。和尚作麼生指示他。師云。一雙草鞋兩文錢。進云。不行尊貴路。爭踏石頭關。便禮拜。師云。且看脚下。

乃云。立制期滿。還我無陰陽地來。殿最功齊。夏日推永輪。取證有則。印水印泥。賞勞時至。印泥印水。何妨。人人上朗風鳥騰。此是風力所轉。終成敗壞。箇箇跨虛無。

神遊。又是鬼家活計。張華費長族。終是林下塵。蹈著不暝。有氣死人。築著不礙。衣架飯囊。棺木裏瞪眼。好箇道伴。誰不交肩。求友須勝己。似我不如無。雖然如是。不可向虛空裏釘椽去。出門三步。脚跟下泥深三尺。撞著箇十字街頭。無向背底。又是鬼家活計。澄潭不許蒼龍蟠。不知將那箇一句子。辨得他端的。用辨什麼。千鈞弩不爲。驢鼠發機。若辨不得。什麼難辨之有。威音已前。辨了也。問如何辨別得。諦當。師舉左手。倒拊指曰。守屍鬼。卓柱杖云。勸君盡此一杯酒。西出陽關無故人。猶是杯盃殘瀝。堪器餘腥。然雖與麼。風前腸斷。趙如意。錦繡段中有呂后。

復舉。大隋因僧問。金鴈附書。爲什麼不露翼。虎頭戴角出荒草。袖裏金鎗劈面來。隋云。不通虛信。似虎多雙角。如牛欠鼻巴。師拈云。大隋古佛。天鑑無私。誰知遠烟浪。別有好思量。雖善其機。他薄者禍淺。他深者禍大。及乎打鎖扣枷。恐無此作。日他治德。月他治刑。若有人問。山僧金鴈附書。爲什麼不露翼。同天下之利者得天下。擅天下之利者失天下。只對他道。劫破了也。李斯狗枷。相如犢鼻。且道。與古人是同是別。不因射鴟手。誰知李將軍。具眼禪流。請辨緇素。看。

次日上堂。僧問。衲僧家。牙如劒樹。眼似銅鈴。四月十五結。他不得。七月十五解。他不得。畢竟如何。指南一路。師云。謝答話。進云。恁麼則。西天此土草鞋底。日月星辰拄杖頭。師云。人心似等閑。進云。記得翠巖示衆云。一夏爲兄弟。東語西話。看翠巖眉毛在麼。此意如何。師云。迴想化下有人。進云。保福云。作賊人心虛。還端的也無。師云。豈不信道。進云。長慶云。生也。試委悉看。師云。淨手裝香。進云。雲門云。關如何透得。師云。泊乎鎖斷。進云。此三大老。各出隻手。扶樹翠巖用處。莫止一般麼。師云。官差不自由。進云。虛堂子道。只解同心。不能同志。又作麼生。師云。吉凶不上卦。進云。寶山今夏。與兄弟東語西話。眉毛拄梵天。與翠巖相去多少。師云。嶽秀靈芝異。進云。一句迴超千聖外。松蘿不與月輪齊。便禮拜。師云。咦。乃橫拄杖云。仁者見之謂之仁。智者見之謂之智。有佛處不得住。東家杓柄長。無佛處急走過。西家杓柄短。卓拄杖一下云。莫孤負趙州老漢。喜則濫賞無功。不然靜處婆娑詞。怒則濫殺無罪。

上堂卓拄杖云。若識得者箇。若真正舉揚去。三世諸佛呵之。法堂草深一丈。若不識得者箇。若向下舉揚去。歷代祖師叱之。山門下寸草不生。何也。風從八月涼。靠拄杖下座。蕙帳空兮夜鶴怨。山人去兮曉猿驚。

仲秋上堂。拈拄杖卓一下云。昨夜十四有此月。一切有爲法。今宵十五有此月。如夢幻泡影。昨夜世人嫌此月。如露亦如電。此月猶以有所缺。應作如是觀。今宵世人賞此月。若以色見我。此月圓以無所缺。以音聲求我。此月無有圓缺心。是人行邪道。世人將圓缺分別。不能見如來。分別取相不能泯。空手把鋤頭。隨造隨作。自生滅。步行騎水牛。若要得遠離生滅。人自橋上過。無相光中須休歇。橋流水不流。且道。無相光中作麼生休歇。山花開似錦。澗水湛如藍。擲下拄杖下座。勘破了也。上堂。寒鴈度翠微。和盤托出夜明珠。巖葉落庭際。丹青畫不成。幾回老瞿曇。爲償脚頭債。一種此聲無限意。有堪聞。有不堪聞。雖然沒交涉。能縱能奪。能殺能活。更有人眼裏著須彌。去在。翡翠階前荷葉雨。

重陽謝海崖義上堂。三人盃盞成齋。九日東籬下。我常住於此。菊花賞酒仙。常說

法教化無數億衆生。汨羅獨醒者。爲導衆生故。過在求英賢。方便現涅槃。何故。豈止麒麟登海嶼。醍醐毒藥一時行。須知義出自豐年。擊拂子一下。西天四七東土三三。只傳此些子。開爐上堂。舉滄山問仰山。巖下風生虎弄兒。終日向火爲甚無暖氣。父爲子隱。子爲父隱。仰山作向火勢。見過師。正堪傳授。師云。滄爲仰父子。不妨冷處著把火。飛鳥盡良弓藏。寶山門下。只要箇箇暖氣相洽。誰家窰裏火無烟。何故。拈起死柴頭。且向無烟火。狡兔死。走狗烹。

上堂拈拄杖云。彌勒眞彌勒。不彫復不刻。分身千百億。不塑還不裝。卓拄杖云。時時示時人。人給給不成。時人自不識。賊偷偷不得。靠拄杖下座。一鉢千家飯。

十一月旦謝英都寺上堂。寒風匝地。天地蓋覆不盡。寒鴈橫空。日月照臨不到。辨玉正按。海神知食不知價。磨磚旁提。瓦礫生光。真金失色。頭頭都顯露。明明百草頭。物物總現成。明明祖師意。何故。蓋是英靈衲子。誰是不英靈底。只爲向事上見。死鼠周人之玉璞。山雞楚國之鳳凰。

因雪上堂。少林立。熬山坐。牛飲水爲乳。蛇飲水爲毒。爲相逢不相知。水不洗水。趙

老臥。仁者言仁。龐公指。智者言智。只要知而故犯。失錢遭罪。若是我這裡。有什麼長處。直饒銀梳裏盛將來。眼高看不到黃金。也是老鼠引生薑。寧可爲雞口。誓莫爲牛後。參。

冬至小參。僧問。冬至前後。砂飛石走。頭頭合轍。處處逢原。學人上來請師指的。師云。觀機無改路。進云。與麼則。石笋抽枝。鐵樹生花。師云。大家好看。進云。只如諸方今夜堆盤滿釘。是同是別。師云。黃金自有黃金價。進云。德山小參不答話。有問話者三十棒。此意如何。師云。倘若來得。棒頭有眼。進云。趙州小參要答話。有問話者致將一問來。又作麼生。師云。不是冤家不聚頭。進云。和尚小參要答話。不要答話。師云。不是與人難共聚。進云。畢竟二大老用處。與和尚用處莫止一般麼。師云。莫粘作一堆。進云。學人今夜小出大遇。便禮拜。師云。好去好去。

乃云。六爻既窮。牛頭沒馬頭回。陰魔自殄。法輪常轉。一陽來復。吾道大亨。不來復已前。又作麼生。直得釋迦老子鼻孔遼天。釋迦老子卽今在何處。樓至如來脚跟。

蹈地。未來復已前。樓至如來。脚跟踏著何處。驀忽相逢。何日有相別離。合掌擎拳。互相慶賀道。吹毛截不入。輪鎚擊不入。亞歲令節。萬物重新。者裏無新舊。何處著萬物。未徹者徹。若言徹。丈夫面上傅紅粉。若言不徹。跛兔頭邊尋角。未到者到。見走到何處。伏惟人人起居萬福。若添得萬福。似龜背挾毛。大眾若聽得者。箇說話。青色光明雲。眼中無翳。空裏無花。若舉得者。箇說話。三千里外莫錯舉。白色光明雲。亦是捏目強生花。且道。兩處俱通底。又作麼生。兩頭共截斷。一劍倚天寒。擊拂子云。來日定是書雲節。蜀犬恠日。吳牛恐月。

復舉。僧問雲門。如何是法身。角婢紅羅襪。閹奴紫錦裳。門云。六不收。秤鎚落井。拈云。諸人一向與麼領。相逢不出手。一箇者如子房燒棧道。一箇者似武侯敷八陣。其或未。然。前頭更有雪在。何故勁松影於歲寒。貞臣見於國危。

次日上堂。拈拄杖云。只箇片田地。陷人坑子。年年滿。四時不消長。金龍不守於寒潭。古今爲如此。玉兔豈栖於蟾影。今古一陽生。卓拄杖一下。無所有。月波澄。有所無。風浪起。

因雪上堂。諸人未來者裏。大抵還他肌骨好。解打鼓。記得山僧爲人句子。不塗紅粉。自風流。解打鼓。及乎到來者裏。墨悲絲染。解打鼓。問著箇箇忘却。詩讚羔羊。因甚如此。良久云。只因雪上加霜。

上堂。巖竇背寒擁山峽。紫羅帳裏撒真珠。月高枯木霜禽睡。談笑坐中有鴟毒。明覺雖是爲一代之龍門。行行且駐。爭奈坐在無事甲裏何也。避驄馬御史。良久云。臘月苦寒風雪吹。齊婢含冤。三年不雨。急急抽身已是遲。雖行下獄。六月飛霜。除夜小參。僧問。新底不知舊底已往。舊底不知新底已來。新舊不相知。物物正對偶。還端的也無。師云。三十天二十八宿。進云。如向爆竹未鳴已前。更開一條活路。又作麼生。師云。山門頭合掌。進云。如何是轉身處。師云。佛殿裏燒香。進云。昔日北禪烹露地白牛分歲。師云。細嚼似蜜甘。進云。恁麼則大眾飽德去也。便禮拜。師云。也好金毛獅子。

乃云。舊年今夜去。逝者如斯夫。不舍晝夜。去去都是舊曆日。盈虛者如彼。而卒莫消長。新年今宵來。一回拈出一回新。來來齊是新鮮年。池凍東頭風波解。憲梅北面雪封

寒。交頭結尾。針頭削鐵。鷲服割肉。家家生涯是別。借婆裙子拜婆年。因緣時節。我見燈明佛。本光瑞如此。處處大用現前。在手執提。在足運奔。便見龍寶山頂。湖南潭北。仰之無際。天上天下。唯我獨尊。大德門下。南天台。北五臺。瞻之無垠。盡大地沙門。一隻眼。豈啻乎時清道泰。削圓方竹杖。自然得和氣。靄然。輓却紫茸氍。正當恁麼時。與諸人保愛底一句。作麼生道。無病著。艾不是好心。擊拂子云。臘雪連天白。春風逼戶寒。切忌崑崙吞。何故蒸梨出。妻曾參孝慈。

復舉。香林因僧問。言猶在耳。萬頃荒田。是誰為主。唱拍相隨。林云。看看臘月盡。握左手。咬中指。山僧不然。明眼衲子。會不得。月移花影上欄干。若有人致此問來。只對他道。獨掌不浪鳴。大坐當軒。鷓鴣落水魚鼈死。且道。與古人是同是別。又是小賣弄。具眼禪流。請分緇素。君子不賣人。

歲旦上堂。僧問。鏡清因僧問。新年頭。還有佛法也無。清云。有此意如何。師云。天高萬象正。進云。明教又答無。有優劣也無。師云。海濶百川朝。進云。僧云。如何是新年頭佛法。清云。元正啓祚。萬物咸新。如何委悉。師云。南地竹。北地木。進云。鏡清道有。明教道無。和尚又作麼生。師云。有意氣時。添意氣。得風流處。也風流。

乃拈拄杖云。鳳曆開元日。如是體。王春肇始時。如是力。祥雲翻空。如是果。瑞雪滿地。如是因。發揮佛祖大機。如是性。成熟人天性命。如是報。諸人盡是此中人。如是本末究竟等。不妨隨物作主。錯。隨處納祐。果然。卓拄杖一下。點。上元上堂。僧問。人間燈。天上月。有明有暗。有圓有缺。請師端的。師云。萬里一條鐵。進云。龍潭吹滅紙燭。德山大悟。未審見處在明中。在暗中。師云。狗啣赦書。進云。與麼則發光輝去也。師云。阿誰不承恩。

乃云。朶朶放金蓮。捏目強生花。似向虛空裡釘橛。重重懸蛛網。莫眼花。金屑雖貴。落眼為翳。紙撚無油底。莫鑿壁偷光。誰家無明月清風。然雖與麼。蘇蕙織廻文。樂昌分破鏡。擊拂子下座。此老著何死急。

佛涅槃上堂。僧問。謂滅非弟子。謂不滅非弟子。如何見得為佛弟子。師云。杜鵑啼處。花狼藉。進云。今日則有。明日則無。今日既道有。向何處見世尊。師云。

一任問山僧進云。與麼則明日何無。師云。不妨答阿儂。進云。四衆各啼泣。雲門爲甚麼道打殺。師云。爲狗守其主。進云。愛之欲其生。惡之欲其死。和尚又作麼生。師云。常用其機。進云。恩大難酬。便禮拜。師云。吽。

乃云。槲出雙趺。家無白澤圖。如此有妖怪。或如張婆耳。又似李母眉。如日明。黑如漆。大地黑漫漫。人間天上詎藏韜。天地蓋覆不盡。日月照臨不到。時流若具波旬眼。明窓下安排衆角。雖多一麟足。舞袖猶須在柳梢。喝一喝下座。息耕云。東海兒孫日轉多。何圖突出者般惡奇。惟瞎老漢。惱害吾扶桑六十州參徒。

三月半遊山回。謝首座維那并龍翔塔主。己所不欲勿施於人。鐵釘飯木札羹。無備下階處。上堂舉。長沙一日遊山歸門首。神頭鬼面鳥背魚腮。大妖怪老漢。鬼亦不好看。而首座問。和尚什麼處去來。問取打何用處。此漢必中鬼魅毒去在。沙云。遊山來。面上夾竹桃花。肚裏參天荆棘。座云。到什麼處來。瘋子裸形而觸蜂窠。沙云。始隨芳草去。又逐落花回。暗裏放毒箭。鷓鴣落水魚鼈死。座云。大似春意。果然喪身失命。又不知沙云。也勝秋露滴芙蓉。第二杪惡水蒸面酒。師云。奇哉奇哉。兩口一舌。將謂胡鬚。

赤更有赤鬚胡。山僧數日來。遊山回來。首座不必要問。廣南蠻道什麼。山僧不必誣他。童壽光統族亦無眼。醜譯流支真諦輩如聾如啞。不是無其卜意。杪卜何川。只慎網令有人。事應如此。何故爲祥爲瑞。勘破了也。龍驟鳳翔。再犯不許。

上堂豎起拂子云。西天四七。當門不須栽荆棘。東土二三。後代兒孫惹著衣。盡向龍寶拂子頭上。打筋斗。性力亂神。是衲僧家尋常茶飯。諸人還見麼。眼高看不到黃金。若也見得。不妨雨中見杲日。殘羹餽飯。其若未然擊拂子云。面赤不如語直。德山羅漢。者老漢。若是無後語。使兒孫其賴有大汗。

佛誕生上堂。僧問。老胡今日出母胎。未審本來面目。彈。師云。東山西嶺青。僧云。恁麼則雨洗風磨自鮮新。一盆香水爲誰潑。師云。將此淡心奉塵刹。是則名爲報佛恩。僧云。世尊下生牽枝引蔓。如何是直截根源一句。師云。薰風自南來。殿閣生微涼。僧提起坐具云。爭奈有者箇。師云。有則有。到爾無。僧放下坐具云。還端的也無。師云。三十年後面熱汗出。

乃云。黃金讓采。破漆桶。堪做何用。擊碎了也。琉璃凝翠。者般破臭襪。掘土滾埋。龍寶

手裏有杓柄。破草鞋。拋向湖邊著。不同當日溫涼水。擊拂子一下。點石石亦可裂。結夏小參。僧問。聲前一句不墮常機。禁足護生當圖何事。師云。鳳非竹實而不食。非醴泉而不飲。進云。西天蠟人冰。東土鐵彈子。束之高閣。和尚今夏一百二十日。以何為驗。師云。僧堂裏佛殿前。進云。望見資福刹。便回。脚跟下好與三十。此意如何。師云。車不橫推。進云。望見雪峰。便參主事。又作麼生。師云。庭禽養勇。終待驚人。進云。必竟還有結制安居底時節麼。師云。鐵丸無縫罅。進云。和尚今日小參。為守舊規。別有新條。師云。崑崙劈不開。

乃云。恒薩阿竭。有廣大規範。十力調御。遺教。誰敢輕忽。尊信讚嘆。信受奉行。况大德開祖。寶訓所恨。舌根欠兩莖筋。二千年前。為百萬鳳毛。前三三後三三。凡聖同居。龍蛇混雜。後代兒孫。忘却三十棒。不忘基本。力之以呈箇漆器。盡是名稱。普聞達得。已利無減。他威光好。苟得其人。則有甚長處。待來痛與三頓。不踞圓覺伽藍。者裡須三二十年。莫動著。動著三十棒。不恭平等性智。自今身到佛身。須信受奉行。手碎鐵山。將謂有多少奇特事。三日皺眉。寇下官婢。亦須了知。足跨巨海。豈是分外事。切忌三千里外。向他舉。盡格外

玄機。飢來喫飯。困來眠。呼猫叱狗。用格外什麼。用衲僧作畧。未為分外。若是衲僧作畧。實是分外事。若也有箇孜孜兢兢底漢。朴實頭人。實是難得。長期一百二十日內。眼眸不謾開。三生六十劫。又是鬼家活計。脚板不謾踏。畫地為牢底。依什底。脚跟下紅絲線不斷。以阡陌為井壟。恰是羊公鶴。寶所在近。以聚落為茅坑。更進一步。函蓋相應。無有不相應底物麼。方圓相投。無有不投合底物麼。乃是列剎攸撰。蒼天蒼天。吾門優曹也。苦哉佛陀耶。敢問諸人。此兩種禪和。此兩箇步驟。一箇如孤子曲。一箇似冬瓜。直點檢看來。君子可入。那箇親。親亦滿面慚惶。那箇疎。疎亦滿面慚惶。擊拂子云。道著。鷄子過新羅。道不著。獼猴探水月。且於三條椽下摸索。可使狗追瞎兔。莫教蝸牛耕石田。

復舉。雲門因僧問。如何是清淨法身。泥團土塊。門云。花藥欄。約臂黃金寬一寸。逢人猶道不相思。僧云。便恁麼去時如何。隨後裏搜咬人屎橛。不是好狗。門云。金毛獅子。袖裏金龜劈面來。師云。者僧若是作禮而去。莫責生靈。縱令驢囉。捉鼠則不及跛貓兒。如此僧則放食堂好捉飯。須見雲門出人全機。又是養子之緣。雖然如是。黃金自

有黃金價。終不和沙賣與人。水浸泥彈丸。

次日上堂。僧問。竺土老子恐他害命。為渠結制。謂之禁足。豈非箇一著弄巧成拙。師云。鳳林吒之。進云。須彌那畔大洋海底。一時走徧。當有此漢出來。和尚如何教他制禁。師云。且坐喫茶。進云。記得雪峯領衆到浮江。問云。欲寄二百僧過夏。得否。浮江以拄杖畫一畫云。著不得。還端的也無。師云。冤家結得。進云。一畫底。罽。師云。舌頭拖地。進云。著不得。又作麼生。師云。勞力不少。進云。有人道寄二百衆過夏。未審和尚容他也無。師云。莫向淨地上屙。進云。如何是和尙一句子。師云。退後退後。

乃云。衲僧家氣宇如王。若是真正衲僧。氣宇不如王。祖佛俱不容。豈其佛祖哉。衲僧亦不容。今朝因甚。坐在二千年前影子裏。不風流處也風流。聖人不凝滯於物。而能與世推移。卓拄杖云。鑿池不待月。十年歸不得。池成月自來。忘却來時路。土牛耕石田。未有得。稻日。

端午上堂。拈拄杖云。文殊要藥。釣鯨時下一圈。擊善財採藥。似黑非熊。雖通其機。

打鼓弄琵琶。相逢兩會家。爭似我者裏箇箇大安樂。那一病著何處。良醫之門病者愈甚。卓拄杖云。切忌求無病藥。靠拄杖下座。幽州猶自可。尤苦是江南。

上堂。得之而蹉過。東家杓柄長。似虎多雙角。如牛欠鼻巴。瓠子曲彎彎。不得之而不及。西家杓柄短。前不到村。後不到店。冬瓜直備侗。雖然如是。三十年後此語大行始得。大小大國師。漏逗不少。按牛頭喫草。以拂子擊禪牀下座。無根猶有草裏坐。

半夏上堂。今朝相逢等閑問過。問過且置。如何得勘過。出身安脫。體言難。人人解道。今日半夏。人人解道。今日半夏。遠水難救近火。遠親不如近隣。阿呵呵。阿呵呵。笑一場哭一場。佛佛笑就囚。猩猩泣見繫。山僧與麼道。是褒諸人。依稀松屈曲。是貶諸人。彷彿石爛斑。卓拄杖一下云。六月買松風。人間恐無價。伏屍百萬。流血漂楸。

上堂。舉菩薩於樹下而坐。諸佛無上妙道。曠劫難行。而難忍能忍。難行能行。萬古榜樣。天龍八部。梵釋四王。悉以歡喜。於空中踊躍讚嘆。貪看天上月。失却掌中珠。向外做工夫。總是癡頑漢。時第六天魔王。宮殿自然動搖。心大懊惱。不風流處也風流。鴛鴦繡出任君看。莫把金針度與人。乃念言。夜明簾外珠。癡人按劍立。沙門瞿曇。今在樹下端坐。

思惟。驪珠光燦爛。蟾桂影婆娑。不久廣度一切。殊不知威音已前度脫了。超越我境界。已是欲超越。將似短牆者歟。作麼生是我境界。眼橫鼻直有什麼所欠少。今往壞亂之。錯錯堪笑。螻蟻搖鐵柱。壞亂亦好。乃俱無量眷屬。大眾退後。箇箇大聖文殊來也。圍繞菩薩。發大惡聲。震動天地。正好供養。錦上敷花。又一重。菩薩心定。顏無異相。江碧鳥愈白。山青花欲燃。怡然不動不驚。松杉風外亂山青。猶如獅子處鹿群。是法平等無有高下。於是諸魔自然散壞。者龍頭蛇尾漢。從頭不聚會。豈有散壞。師云。大眾。世尊降魔不無。壓良為賤。何處得者消息。只是用如來禪故。其力不全。誣人之罪。可說羅漢有三毒。莫說佛有如來禪。吾衲僧家用祖師禪。降伏眾魔。又作麼生。有何長處。家醜莫向外揚。以拂子擊禪牀。一下云。看看。諸魔盡膽裂。道光忽超昇。長歌三月響。短舞萬人看。

上堂。至道無難。至道無難。鬼哭神悲。唯嫌揀擇。唯嫌揀擇。天迴地轉。忽拈拄杖。卓一下云。者箇是龍寶拄杖子。咄。放下著。是什麼繫驢橛。至道與揀擇。在什麼處。至道與揀擇。在什麼處。作麼作麼。又卓一下云。但莫憎愛。洞然明白。但莫憎愛。洞然明白。聞

道愁難遣。斯言謂不真。

上堂。世界恁麼熱。好箇消息。熱時熱殺。閻梨。為什麼看雲亭上炎威到不得。即今在何處。湘之南潭之北。中有黃金滿一國。若人識得者箇道理。若作道理會白雲萬里。若又識得。劔去久矣。三十年後免得一日頭白。小賣弄。猶是二千年滯貨。海神不識貴。

七月旦上堂。一葉落天下秋。一葉不落。天下不秋。蘭有秀。菊有芳。一塵起大地收。時節難遇。盡大地沙門。一隻眼者裏。無時節無一塵。難提掇處轉風流。一段風光盡不成。擊拂子下座。顧鑑嘆。

解夏小參。僧問。昨見垂楊綠。今逢落葉黃。聖制周圓事。願更聞舉揚。師云。有意氣時添意氣。進云。兄弟一夏不犯法令。來日期滿。東去西行。賞勞言薦。又什麼生。師云。家家門路通長安。進云。瀉山問仰山。子一夏不上來。在下面作得箇什麼。仰云。鉏得一片畚種得一籬粟。意在那裏。師云。父子取火夜遊。進云。瀉云。子不虛過一夏。意旨作麼生。師云。末後為初。進云。仰云。和尚作得箇什麼。瀉云。日間一食。夜後一寢。如何辨端的。師云。兩口一舌。進云。仰云。和尚

不亦虛過一夏。道了吐舌。禪師云。知跪乳之禮。進云。馮云。子何得自傷已命。如何領畧。師云。得而不戮。進云。忽有人問著和尚今夏事。又如何祇對。師云。徐行蹋斷流水聲。縱觀寫出飛禽跡。進云。不因夜來鴈。爭見海門秋。便禮拜。師乃云。秋風吹玉管。欲知佛性義理。應觀時節因緣。知音不住青霄之外。者裡無內外。無中間。何處著青霄外。秋月碾冰輪。光輝盡塵刹。而照絕。無孔鐵錘當面拋。輪鎚擊不開。吹毛截不入。全放全收。勘破了也。古路有誰踏著。古殿深沈曉未開。綠陰空鎖舊莓苔。一擒一縱。動容聲色威儀。不起道場。現諸威儀。弄泥團。漢有何限。矧亦諸人一百二十日。終不虛拈匙放筯。自屎不覺臭。來日期滿。聖制周圓。鐵火團圓。盡十方期滿周圓。滿面惶。各各得從脚跟下去。多少鬧鬧騷騷底。有何長處。不妨踢倒須彌。豈是分外事。立乾滄溟。是何閑伎倆。猶是棺頭邊事。雖然如是。忽若見娑竭出海龍宮震。虛空消殞鐵山碎。纔出頭來。喪身失命。切莫誦多地夜他。誰知遠煙浪。別有好思量。何故。抖擻多年穿破衲。襤褸一半逐雲飛。轉抱鉤鉅心。買絹先弄綾。復舉。翠巖夏末示衆云。真正惡毒瞎老漢。鬼亦不好見面。一夏已來與兄弟東說西

話。面上夾竹桃花。肚裏參天荆棘。人無遠慮必有近憂。看翠巖眉毛在麼。果然佛祖亦不能醫治。悔不愼當初。保福云。作賊人心虛。此破漏逗老漢。何不道認爲子。靴却紫茸氈。翠巖荷出幾枚紫茸氈。爲保福被靴却了。殊不知懶鼻棍亦不貯得。長慶云。生也。稽首真正導師。長慶稜古佛。護惜耳朶兩皮。失却當門齒。車不橫推。傍觀眼正。寔信把黃金鑄知音。雲門云。關。阿哆哆。阿波波。咬嚼木馬骨。飲乾石女髓。正眼看來。打著前朱雀。忘却後玄武。况彼青龍白虎。可惜許。父羊子證。作麼生是翠巖懷底羊。聞事不真。呼鐘爲響。三大老各雖出隻手。出隻手且闊。出千手大悲手。如何救得翠巖。何故。三人證龜作鼈。奈何未出翠巖關捩子。謹奉賀賞。唯有堂頭和尚。特超出韶石關。捩子痛快。他殺不如自殺。只如不落他圈。積一句。又作麼生。己所不欲。勿施於人。一峯雲片片。雙磎水潺潺。猶是翠巖圈中。何故。不依劉毅書信。爭得到洞庭湖。

次日上堂。僧問。長期已滿。布袋頭開。月白風高。無非秋色。師云。洞房深處說私情。進云。學人便恁麼去時如何。師云。雨過夜塘秋水淡。進云。與麼則。直須向萬里無寸草處去。師云。貪程太速。進云。可謂一夏不虛度。光陰。師云。赤土

畫篋箕進云。一聲雷震清颺起。天上人間知幾幾。便禮拜。師云。何處不清涼。乃云。一夏禁足安居。與諸人取證。若有修得證得底事。須拋擲他方世界。山僧多是昏沈。瞽首精進。如來息耕三世龍峯第一開祖。今朝解開布袋。與諸人遨遊。多年籠中鳥。今日負雲飛。山僧渾是走作。稽首不散金光牢剛如來。東海日多第一祖。所以道。佛手遮不得。驢鐵面皮爺亦不知。殺佛殺祖。殺生死。殺涅槃。人心似等閑。佛祖挾手不得。况人心。到村草步頭莫錯舉。謹開命。大士慈訓。豈敢輕忽。

中秋上堂。僧問。靈山話月。曹溪指月。意旨如何。師云。牛頭沒。馬頭回。進云。寒山子底。又作麼生。師云。崑崙嚼生鐵。進云。玄沙爲什麼道。生死岸頭事。試甄別。看。師云。和盤推出夜光珠。進云。怎麼則。天上人間未出此光影中。師云。莫把商音作羽音。僧提起坐具云。者箇是爲出光影中。未出光影中耶。師云。扁舟已過洞庭湖。

乃云。藥嶠披雲笑。曲禮不言不苟笑。王老拂袖行。此是風力所轉。終成敗壞。寒山不愁無口稜。無物堪比倫。令我如何說。長沙無由私路行。魯論不道行不由徑。非公

事未嘗至於偃之室也。檢點將來。盡是在光影裏作活計。何也。第五人亦在。中秋三五今宵月。爽氣遠浮銀漢清。嫦娥竊藥出人間。藏在蟾宮不放還。后羿徧尋無覓處。誰知天上亦容奸。

上堂。拈拄杖云。和尚事生也。禍事禍事。大小大禍事。當於色中不失色體。一場懨懨甚新鮮。趙州依什麼欺鏡清去。於無相中不礙有。一場懨懨甚新鮮。誰知長沙慢却南泉。故達磨師祖無端。一場懨懨甚新鮮。宗勝豈忘却羅提救。走到東勝身州。一場懨懨甚新鮮。非不霜滿肚毒。爭得蘇活南圓頭必死。却還向山僧手裏藏身。一場懨懨甚新鮮。驚起巖頭來訪象骨。諸人若見得。上大人丘乙巳。一場懨懨甚新鮮。息耕祖翁咬牙三下。若見不得。化三千七十七子。一場懨懨甚新鮮。南浦大士開得云。蒼天蒼天。何故。唯知途路遠。不覺亦黃昏。卓拄杖一下。爾小生八九子。可作仁可知禮也。

重陽上堂。今朝重九節。遊羿殿中者。必可死之地也。欲知佛性義理。應觀時節因緣。東籬菊已花。却覺寒毛卓豎。陷入坑子年年滿。對景思陶令。爲彼五斗米。折腰老翁那。登高憶孟嘉。非是風前落帽惹。傍觀笑學士哉。且道。其中意又作麼生。出入五根。妨礙道情。

底者歟。擊拂子云。相逢共賞紫萸茶。盡謂龍寶大士說平等無事無孔竅底禪來。妨他後昆悟門。殊不知魯酒薄而邯鄲圍。

上堂。空手把鋤頭。將謂有什麼長處。看來三生六十劫閻閻。步行騎水牛。人言有多少奇特。點檢四果三賢寶處。傳大士用盡平生伎倆。歷良為賤。甚減人威光。只道得胡兒無鬚底句。莫謂胡兒無鬚。可恐羅睺照命。山僧不會要按牛頭喫草。國有憲章三千條罪。莫教巖葉霜飛秋意淡。猶是按牛頭喫草底。何故。溪林漏月寒猿叫。舊巢受風宿鶴鳴。開爐上堂。舉趙州示眾云。三十年前南方火爐頭有箇無賓主話。直至而今無人舉著。此老若留得此語照後昆。見何好趙州。是則是。可惜大蟲無齒。師云。咄。又是雲居羅漢。爾只要炙手助熱。若又上納僧秤子秤。一箇重半斤。一箇重八兩。誰家竈裏火無烟。龍寶大士末後大有工夫。殊不知水獸吼逐捧爐。卓拄杖一下。

上堂。是法住法位。尊重讚嘆。恭敬供養。印空印水印泥。世間相常住。信受奉行。如說修行。印泥印水印空。蓋拈拄杖卓一下云。兩頭三面者。箇是龍寶拄杖。又被風吹別調中。喚作是法。入地獄如箭。唯恨聽慈訓遲。昨日有僧既作是法了。相救相救。喚不作是

法。又入地獄如箭。唯恨聽慈訓遲。今朝有僧誓不作是法。相救相救。是故。世尊苦口便道得住法位三字。危哉世尊。若不得住法位三字。大有事在。雖然如是。又卓拄杖一下云。唯願說之。唯願說之。寒風凋敗葉。且喜故人歸。聲聲不可聽。使人愁思多。

冬至小參。僧問。群陰剝盡一陽復生。正與麼時。衲僧如何轉身。師云。鐵輪碎石。進云。陰陽代謝四序變遷。且致。只如卦文未分風塵未動時。又如何。師云。萬里一條鐵。進云。恁麼則一氣不言含有象。萬靈何處謝無私。便禮拜。師云。逢人莫錯舉。

乃云。有物先天地。又是渾沌氏眉。鐵鎚擊不碎。南海之帝為儵。無象本寂寥。北海之帝為忽。夜合晝開。儵與忽時相與遇。能為萬象主。堂堂而慶賀來。擁之而不聚。善來四君子。不逐四時凋。茲謝遠來。撥之而不散。來坐吾明窻下。恁麼恁麼。吾廬空疎而雪嶺泥牛吼。無可充供養。不恁麼不恁麼。壁間幸。雲門木馬嘶。有鱗鱗皴皴底物。金不博金。掛在年子茲。水不洗水。以待諸君來。且置書雲令節。各與七八頓。箇箇保愛。豈向無佛世界。順時納祐底。一句作麼生。何故。擊拂子云。律管知處繡紋線。

長。刑罰民之寒暑也。教令民之風雨也。

復舉。僧問古德。如何是冬來事。衆生顛倒迷已逐物。德云。京師出大黃。祇爲著破裙。喫他殘齋。師拈云。巖竇宵寒擁山峽。今朝對孤影。月高枯木霜禽睡。不覺淚雙懸。寶山著此兩句。又是雲居羅漢鼻孔透天。爲賓竭力。始知和尚爲賓竭力。爲主竭力。始知和尚爲主竭力。具眼禪和請辨端的。十五日已前爲賓竭力。十五日已後爲主竭力。點檢看來白鶴含苦桃。

次日上堂。時臨亞歲。節屆書雲。群陰剝盡一陽生。此道地雷復。又是行者嶮崖撒手。絕後再蘇底時節。一氣不言鐵樹開花。理盡詞窮伎亦窮。鳳離金網鶴脫籠。初爻無象萬彙盡彰。既是本來無一物。何處惹萬彙。正與麼時活脫衲僧如何受用去。若是明眼衲僧。不喫者般茶飯。卓拄杖一下云。一冬與一冬。相逢不出手。淡溪絕無樵子語。陰崖却有獵人過。是則是。唯是可惜許。

祐德禪寺佛堂供養陞座。師拈香云。此香非從天所生。初知者箇非從天所生。非從地所生。非是實從地生物麼。非從虛空所生。誰卽不知。非從虛空生物。從檀主信

心生。檀主信心復從何處生。作麼生是檀主信心。將是似藥店者歟。根苗蟠大明之表。不知大明。還何處蟠屈。條幹茂至陽之清。殊不知。日月星辰陰陽造化。總自者箇出生來。薰向爐中仰祝。帝道遐昌。今上皇帝聖躬萬歲萬歲。俯祈香花敷榮。彈指三下。是緣因種。隨聞一句。是了因種。凡有心者是正因種。

師就座云。聲前領旨已犯祖令。句後承當法不相饒。不涉二途。莫有解問底麼。僧問。甘蔗流苗應剝塵。覺場高發利生因。師云。誰不承恩。進云。卓犖雄機隨處無阻。古今肯重事。請師不恡一句。師云。騎一問來。進云。直下搆得更不回頭。亦作麼生。師云。寶杖夜鳴寒嶠月。進云。昔日須達建獨園精舍。屈世尊爲群生說法。今日檀越造祐德禪寺。請和尚爲四衆演法。其益還有優劣也。無。師云。無有優劣。進云。今日檀越造此禪苑。與昔日須達建彼梵剎。其功又有多少也。無。師云。無有多少。進云。正法末法時異。佛法僧法名殊。爲甚其功得等同麼。師云。洞中山色四時好。雲外溪聲一樣寒。進云。與麼則。生生頂奉輝心鏡。廓照塵勞信有餘。便禮拜。師云。也何妨。

乃云。千聖靈機。者裏不容千聖。到江吳地盡。隔岸越山多。列祖命脉。何處著列祖。平原秋樹色。斜籠暮鐘聲。嶺上白雲。巖前綠水。唯知途路遠。不覺又黃昏。夫居離婦州。婦住思夫縣。寄語明月樓。莫貯雙飛燕。亘古亘今。鐵壁鐵壁。號之為佛。常在苦海中立。透色騎聲。紫藤露底殘花色。翠竹烟中暮鳥聲。清寥寥。白的好肉上刺痕。難提撥處。轉是風流。放下著。當何破砂盆。迄于德山行棒。勘破了也。縱棒如雨點。賊過後張弓。臨濟行喝。勘破了也。縱喝似雷奔。劍去久矣。雪峰鞦韆。勘破了也。勞而無功。禾山打鼓。勘破了也。東山下左邊底。齊是恁麼時節。金鎗不辨。奴郎不分。若上袈裟秤子秤。一箇重八斤。一箇重八兩。只露目前些子。何日有蓋覆却。誰請僧師手露出。所以山僧歷山渡水。得得而來開堂演法。謹謝開堂演法。為大檀信開運添德。增壽增福。風吹柳絮毛毬走。雨打梨花映蝶飛。亦不出者箇。金屑眼中霧。衣珠法上塵。且道。畢竟其功歸何處。臨崖見虎。臨危推人。不是好心。擊拂子云。國清才子貴。家富小兒嬌。叙謝不錄。○吳王好劍客。百姓多瘡痍。楚王好細腰。宮中多餓死。

又云。至道曠遠。甚新鮮。始聞者。理有廣狹。惟我曠也。千頃歟。萬頃歟。將又千萬頃歟。惟我遠也。千里歟。萬里歟。將又千萬里歟。幽致虛凝。佛祖不識。面赤不如語真。佛佛以之匡持。荷葉團團。團於鏡。祖祖以之保護。菱角尖尖。尖似錐。其要只在利度群有。風吹柳絮毛毬走。隨處作主。雨打梨花映蝶飛。脫體現成。畫蛇添足。隨物能轉。鴨卵歟。彈丸歟。似胡蘆子物歟。苟得其人。則匪啻自得靈然。虛空消殞。鐵山碎。作麼生是其人。為慈悲動於中。稽首南無觀世音。隨願菩薩行願。衆生無邊誓願度。煩惱無盡誓願斷。法門無量誓願學。佛道無上誓願成。豁開本有光明藏。本有光明藏。何人得鎖斷。輪鎚擊不開。吹毛截不入。賑濟五趣之貧兒。我皆令入無餘涅槃。而滅度之。如是滅度無量無數無邊衆生。實無衆生得滅度者。高低普應。應以宰官身得度者。即現宰官身。而為說法。前後無虧。應以婦女身得度者。即現婦女身。而為說法。遇緣即宗。如鐘在櫺。無滯一隅。似鏡當臺。所以大檀越具廣大知見。如何是廣大知見。祇為著破裙。喫他殘羹。有堅固信力。只者堅固信力。世間希有真寶。運出自己家珍。拋下著。當何臭皮襪。拋擲占波國裏著。建立奇麗禪苑。梁武帝問達磨大師。朕建寺度僧。却有功德麼。又否。磨曰。無功德。安置佛僧。如何是佛。即今何處安著。紹隆法寶。伏惟珍重。丁于五濁惡世中人。無至信時。即今何處者裏。不著生死涅槃。

繫呼什麼爲五濁惡世。發無比之大願。願待來年益麥熟。羅睺羅見與一錢。成見聞之巨益。聞見覺知非一一。山河不在鏡中觀。能爲鈴鐺之依託。是什麼繫羅羅若有依託轉是鈴鐺。最作漂沈之要津。盡大地是沙門一隻眼。何處著漂沈。者裏非所以假船筏涉者。何用要津。以所集功課。泥團土塊聚得。縱如彌樓山去。不值半文錢。酬二親之幽靈。豈其二親哉。若卵生。若胎生。若濕生。若化生。若有色。若無色。若有相。若無相。我今令人無餘涅槃。薦蓮開於上品。者裏是什麼處。豈有九品。遠請山僧來。贊揚其功。贊之者拔舌泥梨。謗之者洋銅沸尿。若論其功德。山果青猿摘。池魚白鷺銜。山僧未開口已前。其功廣施。其德偉被。隈牆弄胡蝶。臨水擲蝦蟆。羅袖盛梅子。金篦挑筍牙。矧亦雪裏巒山。以儼淨刹之勝境。削圓方竹杖。風拂寒木而。唱念法之妙音。靴却紫茸履。正當與麼時箇箇無盡刹刹塵塵。直下是不盡乾坤燈外燈。悉是展無量壽佛之慈顏。不是心。不是佛。不是物。要無量壽何用。無量壽慈顏。何日有縮却。不可說不可說頭頭物物。直下是無邊風月眼中眼。現信心不二之全體。信心全體何日有隱藏。浪捧鴛鴦兒。波搖鸚鵡子。一心多心。阿那剎好肉生瘡。一劫多劫。分開亦好。七花八裂。圓三身四智。家無白澤圖。羯帝羯

帝波羅羯帝。徧入解六通。如此有妖性。波羅僧羯帝菩提娑婆詞。五眼融通無處而不鑑。一隻眼亦須瞎却。况他五眼。吾者裡不要者般閑家具。十力滿足無邪而不摧。十力面前無邪正。更摧伏者什麼。然雖與麼玄沙道底。具足一切攝受菩提。未是爲分外事。見性大士那箇無者消息。智智清淨無別無斷。風吹不入。雨洒不著。黃金鑄出鐵崑崙。深入大陀羅尼妙門。出無門入無戶。四方八面絕遮欄。萬象森羅等漏泄。住大不可思議境界。纔住著即是毒海。有佛處住不得。無佛處急須走過。有如是作用如是奇特如是威光如是吉祥。拈了也。夢幻空華何勞把捉。山河大地草木叢林。情與無情因中與果上。不屬因。不假緣。鐵丸無縫罅。無高無下。脫體現成何處有高下。發大機大用。在手執提。在足運奔。發大用何用。得大安大樂。亦未是分外事。諸人要見此事麼。晴竹有上下節。松無古今青。大小大兩朝國師。打許多葛藤。末後只道得一半。何故。倉米既赫赤。不貸人斗升。

舉世尊初成道。大道寥寥無敗處。金軀夜半者何成。寒雲籠雪夕陽重。山月照梅夜色清。於普光寶殿不離道樹。空合空。水投水。上須彌山頂帝釋宮。不起道場。現諸威儀。是非

分外事。帝釋化作一寶坊。盡大地是箇寶場。莫眼花。為說十住法門。十力調御師。伏惟萬福。師拈云。世尊半夜日頭出。到江吳地盡。帝釋日午打三更。隔岸越山多。若是山僧開堂底。天平地平。好箇帶僧開堂。如萬仞龍門墨雲鎖。所恨紙袴瓦為禪。到頭凍餓殺。卓拄杖一下便下座。

上堂。拈拄杖云。拄杖子有三件長處。咄。者破爛柴。有什麼長處。不如拗折為洗足湯。下蕪。第一疾程。朝到西天暮歸東土。果然遲入刻。向言有什麼長處。第二妙言。一句截流萬機寢削。豈是分外。臭皮襪。破漆桶。各是一句截流。萬機寢削。第三巧通變。作龍上天。為蛇入草。破犢鼻。任手拈來。挾羽猛虎。戴角大蟲。豈是分外事。若人善識得。還我話頭來。若人善識得。滿面慚惶。無物堪比倫。令我如何說。

佛成道上堂。僧問。我佛弃萬乘尊榮。受六年饑凍。忽覩明星。豁然成道。未審成何道。師云。鼻孔掛上唇。僧云。世尊說法。大梵天王以金色波羅花獻。此意如何。師云。報恩須是還知恩人。僧云。世尊拈起顯示大眾。惟有迦葉尊者破顏微笑。意旨作麼生。師云。二虎爭時其勢不生。僧云。世尊云。吾有正法眼藏。

分付摩訶大迦葉。又作麼生。師云。說向愁人愁殺人。僧云。今日和尚說法。有人獻花。未審如何顯示。師云。也爭何不得破顏人。

乃云。坐吉祥之座。作麼生是吉祥座。死水何曾振古風。切要覓木樵子換眼睛。又是萬古榜樣。及乎見明星。果然將錯就錯。日月吞光。乾坤失色。燈籠墮入露柱。佛殿走出山門。從此起定賣弄大地。捩長河為酥酪。變荆棘為梅檀林。山僧直得暗地裏點頭。欲知山上路。須是去來人。諸禪德。爾如解點頭底。取次不敢肯牛畔之供。龍寶山頂開棧祖。至下片言。如怒雷擊石壁。鷓鴣林則不然。諸禪德若解點頭。同器受牛畔之供。何故。寧為雞口無為牛後。

因雪上堂。譬如大地一片雪。大地黑漫漫。見底謂之白。黑漆桶裏盛墨汁。踏底謂之冷。脚下泥滾三尺。鏝湯爐炭三萬丈。只如不見不踏底。作麼生道。髑髏前見鬼。滾山古廟裏無轉智大王。以拂子擊禪牀一下。

除夜小參。僧問。一年三百六十日。交頭結尾別有生涯。如何得大用現前。師云。頂上無骨。領下有鬚。進云。北禪今夜烹露地白牛分歲。檢點將來。正是殘

盃冷肉和尚將什麼施設大眾。師云。大家在這裏。進云。三陽交泰萬彙烹。定是來年蠶麥熟。便禮拜。師云。不妨道著。

乃云。年窮歲盡。烏龜上壁。我者裡無者箇消息。道什麼。結角羅紋。木馬飛上天。泥牛走入海。好箇時節。虛空消殞。鐵山摧。白衣拜相。誰管。陰陽變化氣候遷謝。宇宙無雙日。乾坤只一人。天上天下唯我獨尊。大底鼻孔向下垂。多年曆日不相干。頭枕天臺。脚踏南嶽。只目可怡悅。不堪持贈君。所以道。日日是好日。時時是好時。羯帝羯帝波羅羯帝。交頭結尾。別有生涯。擊拂子云。天淨不知雲去處。地寒留得雪多時。波羅僧羯帝。菩提婆娑詞。

正日上堂。僧問。元正啓祚萬物咸新。衲僧門下有何祥瑞。師云。方袍圓頂。進云。與麼則年年是好年。日日是好日。爲什麼還得有新有舊。師云。一回拈出一回新。進云。可謂堯風舜日和氣。靄然樵唱漁歌共樂豐年。便禮拜。師云。方知爾是識其言。

乃云。日暖風和。百花競發。若把西湖比西施。淡粧濃抹兩相宜。人傑地靈。色足可觀。

白玉琢成西子骨。黃金鑄成伍員心。且道。其中慶賀事作麼生。卓拄杖。伏惟堂頭和尚萬福。伏惟箇箇道體起居萬福。第二重公案。

元宵上堂。我見燈明佛。本光瑞如此。月連前涯與後巷。茶呼南舍與北隣。婦搖機軋軋兒弄口喞喞。秋天曠野行人斷。馬首西來知是誰。眼中瞳子面前人。水底金烏天上日。寶山未曾說會與不會。伏乞和尚言。箇人莫向燈影裏轉身。擊拂子下座。巡人犯夜。

佛涅槃上堂。不許無邊身之供。約臂黃金寬一寸。逢人猶道不相思。却覺寒毛卓豎麼。喫工巧之和羅飯。幽州猶自可。尤苦是江南。胡亂賣帽非知其時。吾黨之直者異於是。父爲子隱子爲父隱。嗚伊嗚伊。愁人莫向愁人說。說向愁人愁殺人。年年二月是仲春。二桃殺三士。誰能爲此謀。相國齊晏子。

三月上堂。甘草先生。苦草後生。天鑑無私。君有政德則天降之以祚祥。好蠶麥熟。天平地平。只聽堯民擊壤歌。民之所欲天必從之。民之所惡天必誅之。忽有此漢。出來道和尚與麼說話。爲是佛法是世法耶。仁者見之謂之仁。智者見之謂之智。衲僧見之將道。

什麼。山僧向他擲揄道。三月無三卯。田家必飽。一穀不登。徹鷄鷄。二穀不升。徹鳧鴈。上堂。春山青春水綠。五千四十八卷。却有恁麼說話麼。陣雲橫海上。拔劍攪龍門。不是目前機。亦非目前事。一鎚兩當。恁麼亦不得。不恁麼亦不得。恁麼不恁麼總不得。且道。必竟是什麼。手把琵琶半遮面。不令人見。轉風流。擊拂子云。常憶江南三月裏。鷓鴣啼處百花香。竿逢穿耳客。多遇刻舟人。珊瑚枕上兩行淚。半是思君半恨君。

槐安國語卷上之下

槐安國語卷下之上

龍寶開山語錄中事住崇福語要

山門 門頭實地。四方八面絕遮欄。鐵山當面勢崔嵬。鐵壁銀山絕來往。箇箇踏著。誰是踏著底人。出無門入無戶。曠劫無明當下灰。因甚諸人隨我入得。喝一喝。善財纔入得。樓閣門乍閉。

佛殿 前佛後佛隱顯非一。昨夜三更失却牛。今朝天明失却火。咄。虛空消殞鐵山摧。不因新長老證明。知他一對無孔鐵。無孔鐵鎚重下。概。

土地堂 護法先須識得主人公。按牛頭喫草。話成兩概。演若達多尋覓頭。阿誰是主人公。南天台北五臺。頭長三尺。脚短一寸。相對無言獨足立。扣齒三下云。東西南北一等家風。燈籠跳入露柱。佛殿走出山門。張公喫酒李公醉。

祖師堂 者一隊老漢。惜乎坐在者裏。咄哉拙郎君。巧妙無人識。打破風林關。著靴水上立。提起坐具云。若不行此令。誰敢得扶起。桑柘影斜秋社散。家家扶得醉人歸。

方丈 橫拄杖云。關中主能解與本分草料。點滴不施。朝打三千暮打八百。點檢見來依舊小賣弄。鳥背薄舌。莫胡亂供款去靠拄杖。明頭來也。明頭打。暗頭來也。暗頭打。拈帖 溫潤之文。直鈎鈎。曲鈎鈎。蝦蟆蚯蚓。格調之氣。君子愛財。取之有道。直饒衲被蒙頭。奚以讓為之義。龍得水時添意氣。虎靠山處長威聲。

山門疏 成言於語。成語於言。如何如何。備他癡聖人。擔雪共填井。官不容針。古殿深沈曉未開。玉簫吹徹鳳凰臺。

法座 諸人喚作高廣座子。是斯須彌燈王佛所賜者歟。吾者裏不要者般閑家具。何故。頭枕天台。足踏南嶽。山僧喚作者箇座子。坐斷毘盧頂額。曾不見有佛祖。何故。一步云。只為到與麼地。移身不移步。移步不移身。

師陞座拈香云。天蓋不得地。載不得。此一瓣香。燕向爐中。無角鐵牛。恭為祝延。今上皇帝聖躬萬歲萬歲萬萬歲。卓彼南方美人。形模一天真。陛下恭願龍圖永固。玉葉彌芳。天地折腰稱祖。虛空束手道親。

次拈香云。此一瓣香。上透霄漢下徹黃泉。燕向爐中奉為。征夷大將軍增。

崇祿算。伏願高贊域中之德。長提塞外之令。正考父一命而偃。再命而健。三命而俯。循牆而走。孰敢不軌。

又拈香云。此一瓣香。枝柯衝九霄。根盤徹三泉。燕向爐中。奉為大檀主。筑州大空門。洎都督司馬增崇祿算。伏願扇威風於千歲。輝佛日於萬世。神功浩浩。聖德昭昭。凡有禱祈。必蒙感應。

拈香云。此香燕向爐中。乾坤失色。日月藏光。供養前往巨福名山。建長禪寺。先師。敕謚圓通大應國師。南浦和尚。大禪師。用酬法乳之恩。鳩羽狼膽。貓頭

狐涎。一釜鍊來。拋向面前。

師歛衣就座云。明鏡當臺。明珠歷掌。要分妍醜者。直下來相見。有麼。有麼。時有僧問。綠樹陰濃。夏日長。樓臺倒影入池塘。師云。時節難逢。僧云。和尚辭帝

里。皇帝留之。更向甚處通一路來。師云。鐵船水上浮。僧云。囊中天子敕。師云。誰不承恩。僧云。與麼則。杲日麗天。清風匝地。師云。大方無外。僧云。記得

保壽開堂。三聖推出一僧。意旨如何。師云。白雲深處金龍躍。僧云。壽便打。又

作麼生。師云。碧波心裏玉兔驚。僧云。若忽有人推出一僧。如何祇對。師云。風光可愛。僧云。者箇且置。今日還有禁足安居底道理麼。師云。大家在者裏。僧云。十五日結制則不問。即今一時結去。看。師云。處處綠楊堪繫馬。僧云。恩大難酬。師云。能有幾人。僧禮拜。

師乃云。世尊拈華迦葉微笑。謂雀之終則蛤實始焉。謂蛤之始則雀實終也。君子愛財。取之有道。大明無私照。至公無私親。謹謝大師指示。正法眼藏。從此流通。源不濫其流不遠。遞代傳持。受虛接響。西天四七。東土二三。只傳此些子。激揚鏗鏘。坐斷古今。臂掛奪命神符。口咬法窟爪牙。珠回玉轉。八面玲瓏。慮孤峯者救入荒艸。墮荒艸者救處孤峯。迄于其大機圓應。大道無方。明眼衲僧。具透關眼。風驚草動。盡辨來機。一賓一主。擒縱擡搨。收放明暗。電轉星飛。譬如金翅鳥王入阿盧大海。劈開雪浪。直取龍吞。窮則變。變則通。理盡詞窮。伎亦窮。鳳離金網。鶴脫籠。青於藍。寒於水。見齊師則減。師半德。見過師正堪傳授。聽教。挺拔威音。那畔。蕭然空劫已前。七佛已前。四時春。現成公案。猶今日。況亦清風明月多雅興。白雲流水寬詩緣。金屑雖貴。落眼成翳。若見諸相非相。即見如來。四

海九州。雷動風行。漁歌樵唱。共賀太平。帝網重重。主伴無盡。懷州牛喫禾。益州馬腹脹。正當與麼時。人人禁足護生。人人剋期取證。新婦面上添笑。壓却向錦繡幕裏行。皇恩佛恩一時報了底事。又作麼生。天高東南。地傾西北。擊拂子云。版圖遠奏。堯天潤萬物。呈祥樂。聖情。鳳凰翔于千仞。鸞德輝而下。復舉三聖道。我逢人即出。出則不為人。逢蒙善射。不能用不調之弓。興化道。我逢人則不出。出即便為人。孫吳善將。不能戰不習之卒。師云。一大老。可謂漆隱處黑。朱隱處赤。造父善御。不能策不服之馬。若是山僧底。天平地平。伏以堂頭和尚萬福。卓拄杖下座。

當晚小參。僧問。三月安居。九旬禁足。則不問。遠離花洛。親到嶽峰。一句如何。師云。八角磨盤空裏走。僧云。和尚住此山。以何安衆。師云。山色夕陽時。泉聲中夜後。僧云。與麼則大衆飽德去也。師云。無限清風來未休。僧云。德山小參。不答話。有問話者。三十棒。意旨如何。師云。去得來不得。僧云。趙州小參。要答話。有問話者。置將一問來。又作麼生。師云。來得去不得。僧云。今夜小參。要答

話不要答話耶。師云。出頭天外看。誰是我般人。僧云。三大老用處莫止一般。麼。師云。教爾休也不肯休。僧云。若如是則。一卽三。三卽一。師云。吽吽。僧云。學人今夜小出大遇。便禮拜。師云。撒手那邊去。

乃云。今夜要與大眾有箇識面之話。各各切宜起倒分明。正令當行。十方坐斷。誰觀法王法。法王法如是。陵王溪畔。此君亭邊。帝網重重。主伴無盡。諸人知有。未得做主。用盡鉤鉅心。買絹先弄綾。崇福區宇。件件數目。鳥之長頸銜距者。羽類畏之。山僧做主。未辨大毫。獸之方喙鉤爪者。毛群畏之。既一其居。爲甚受用不同。還會麼。鳥之哆唇銜齒者。鱗族畏之。所以道。欲識佛性義。當觀時節。因緣。眼看東南。心在西北。明朝賴是結制安居之辰。箇箇成熟慧身。虎頭戴角出荒州。坐底立底。築著磕著。蝮蛇吞象。三年而出骨。自然不得孤負者箇。神沙怒眼睛。便卓主丈一下。

復舉。雲門因有官問。佛法如水。月中。是也。無。賓主歷然。自門入者。不是家珍。門云。清波無透路。奔車之上。無仲尼覆舟之下。無伯夷。師拈云。以答見問。問最可。箇髮而梳。數采而炊。以問見答。答未奇。木與木相摩。則然。且道。請訛在甚處。公驗分明。具眼禪流。

請辨縑素看。國師慈訓。誰敢輕忽。

次日上堂。我箇一衆與尋常不同。有什麼長處。誰家窰裏火無煙。跳出金剛圈。吞透栗棘蓬。何難之有。未是分外事。激電神機。雲飛颺到。遲八刻。狗不以善吠爲良。人不以善言爲賢。既而如此。今朝因甚。要行不行。要住不住。還會麼。生而美者。人與之鑑不告則。不知其美於人也。擊拂子云。場薩阿竭二千年。嘆。

五月日上堂。僧問。聲前薦得。未是作家。喝下承當。猶是鈍漢。爲什麼如此。師云。石壓筍斜出。岸懸花倒生。進云。猶是學人疑處。師云。鳳林吒之。進云。記得。僧問。投子。如何是十身調御。投子下禪牀立。意旨如何。師云。頂上無骨。進云。又問。凡聖相去多少。投子亦下禪牀立。意在那裏。師云。領下有鬚。進云。若有人問。如何是十身調御。如何祇對。師云。眼中童子。面前人。進云。上來一一指示。分明。爲人底一句。又作麼生。師云。三十年後。自悔去亦不定。乃云。崇福有三訣。和尚事生也。家無白澤圖。有如此妖怪。若參得第一訣。許爾拄杖頭上挑日月。寒毛卓豎。何計有者。般事。若參得第二訣。不妨拂子頭上打筋斗。甚

新鮮。何處得者消息來。拂子上且置。平地上亦不能。若參得第三訣。我且問爾。山前麥熟也未。又恁麼去。雌之不才其卵。鰥矣。君不才其民窮矣。

端午謝檀家補寺齋上堂。僧問。今朝五月端午。不用書符咒土。請師現量法門。一句直下至論。師云。一峯雲片片。雙磎水潺潺。進云。家無白澤之圖。又作麼生。師云。將謂要問話漢。進云。善財撞著文殊。底時節且置。天澤三轉語還許。學人咨參也無。師云。鑽之是。仰之是。進云。已眼未明底。因甚將虛空作布袴著。師云。脛無毛。股無肉。進云。劃地爲牢底。因甚透者箇不過。師云。脚下荆棘。深數丈。進云。入海算沙底。因甚針鋒頭上翹足。師云。覺築著爾鼻孔麼。進云。恁麼則金殿譚禪。大悅。皇情。嶽峯聲道。奔走衲子。也未爲分外在。師喝云。非阿儂境界。進云。錦上鋪花又一重。師云。咦。

乃云。端午天中節。日日是好日。剗好肉生瘡。諸方盡咒土書壁。以消妖怪。一對鴛鴦。畫不成。認採藥模樣。落草以作伎倆。鴛鴦繡出任君弄。莫把金針度與人。爭如我者裏有不忘靈山付囑之人。伏以和尚萬福。忽展妙術之手。拔貧做富。好箇消

息。一衆箇箇石人之機。鐵漢之用。石人機若似儂也。解唱巴歌。風吹不入。水洒不著。鐵壁銀山絕來往。吹毛斬不入。輪鎚打不開。諸人要見此人麼。若得見非此人。此人即不見。水盞無影像。卓拄杖云。切諱當面諱却。光明無背面。波斯說夢入市中。

和泉和尚至。上堂。僧問。長松嶺頭風颼颼。飛瀑岸前水潺潺。現成公案大難大難。如何履踐。師云。好向大難處履踐。進云。恁麼則薰風自南來。殿閣生微涼。師云。認驢鞍橋。作阿爺下頷。進云。和尚有三訣。一一許咨參也無。師云。何妨問將來。進云。若參得第一訣。許爾拄杖頭上挑日月。意旨作麼生。師云。虛空迸裂。進云。若參得第二訣。不妨拂子頭上打筋斗。又如何。師云。山岳起舞。進云。若參得第三訣。我且問爾。山前麥熟也未。意在那裏。師云。眼睛烏律律。進云。者箇三訣必竟明得什麼邊事。師云。金香爐下鐵崑崙。

乃舉興化見同參來。喝底公案。陳年曆日休拈出。師云。古人只要就價高處。欠篤其管賞之義。蠅見血。鴉見鳩。崇福今日得和泉和尚光訪。事事自然。函蓋相應。明窓下喫幾枚麩。何故擊拂子云。覓火和煙得。擔泉帶月歸。周火齊鏡閣中見。

物如畫。衲僧鈍鐵鏡。逢知音無影像。

退院上堂。衲子從來無定迹。譬如雁過長空。影沈澗水。雁無遺蹤之相。水無留影之心。天涯海角任情遊。驪山舉燧依褒似。蜀道蒙塵為太真。和尚依何流落海外。一毫頭上辭花洛。猶是衲僧家尋常茶飯。未是分外事。三鼓聲中出九州。遲八刻。目見石之白而不見石堅。手知之堅而不知其白。真人行李。佛魔亦不能辨。蕩蕩哉。

住崇福語要畢

龍寶開山語錄中事 退橫岳歸本寺語要

七月旦上堂。秋雲清淡。秋水清冷。俄鬼見之為火聚膿血。修羅見之為刀兵戈戟。諸天見之為琉璃玻璃。衲僧見之却為什麼。東西與南北。觸處嫩涼生。無影樹下合同船。琉璃殿上無知識。且道。其中事作麼生。厲之人夜半生其子。遽取火而視之。汲汲然而唯恐其似已也。卓拄杖云。四海隆平煙浪靜。斗南長見老人星。一畝之地。三蛇九鼠。負重道遠者不擇地而休。家貧親老者不擇祿而仕。

解夏小參。隨處作主。道也者不可須臾離也。可離非道也。吾道一以貫之。結聖制於橫嶽山頭。立處皆真。短袴長衫白苧巾。咿咿月下急推輪。解賞勞於龍寶峰頂。洛陽路上相逢著。盡是經商買賣人。此事不相諷。時不孤負人。時節到。其理自露。破衲逐雲飛。草鞋隨路轉。永平祖師曰。隨東西風。徒東西。附正法魔黨。謗正法外道。左足先應處。脚頭是通霄。擬欲北斗裡藏身。須向南辰後合掌。何必落臺山。驀直之途轍。勘破了也。一勘破。二勘破。臺山路上多荆棘。慕流菜不肯之道伴。在德山並吞宣鑑。眠熬山欺誑象骨。底瞎老漢歟。馬腮驢頭鬼亦不好看。雖然如是。山僧有親切一句子。鳩羽狼膽。貓頭狐涎。伏乞

掘土深埋。各各分明善爲。處處不得忘却。兩朝國師慈訓。誰敢違犯。若是親切句子。願付別人。便卓拄杖一下。

復舉文殊三處度夏公案。二千年禍業。既向無生國裏。猶是陳年舊曆日。師云。文殊當年於列聖眉毛裏。雖藏得渾身。人人盡有者箇針鋒頭上。蟻螟眼裏。藏身露影。未爲分外。二千年後。未免遭人點檢。縱使分明點檢得出。堪爲何用。何故。擊拂子云。雲在嶺頭。閑不徹。水流澗底。太忙生。李陵振臂一呼。創病皆起。舉刃指虜。胡馬奔走。

次日上堂。風到梧葉。露凝槿花。美玉蘊於碇碇。凡人視之快焉。良工砥之。然後知其和寶。無寸草地。不較其多。却覺寒毛卓豎。莫教語默逢人對。回首忽然是月華。明月珠。夜光璧。以暗投入於道路。衆莫不按劍相照者。

八月旦上堂。八月初一日。天下太平節。人人樂無爲。王登寶殿。野老謳歌。箇箇災難絕。只聽堯民擊壤歌。且道。因箇什麼如是。放下着。事起可喫。卓拄杖一下云。分一節。分一節。倒一說。又是玄沙道底。

中秋上堂。拈拄杖卓一下云。靈山指者箇。五千四十八卷。全無者箇消息。莫謗釋迦老

子好。曹溪話者箇。本來無一物。何處惹塵埃。舉頭殘照有。元是住居西。我者裏。不指不話。還有親疎也無。治膏盲者。必進苦口之藥。決狐疑者。必告逆耳之言。又卓一下云。無人知此意。令我憶南泉。樂樂樂。白自目。

臘八上堂。澄月映徹。衆星粲朗。拗折山形拄杖子。從來大地黑漫漫。箇中無悟處。世尊何悟道。若有悟處。須吐却。歷良作賤。卓拄杖一下云。二千年前。二千年後。鬼角龜毛。過別山。

除夜小參。日一上月一上。晝一上夜一上。無孔鐵鎚當面拋。窮到一十二箇月。數到三百六十日。一念萬年萬年。一念無陰陽地。荆棘參天。謂之新舊交頭。除夜結尾。吾者裏。無者箇消息。諸人若使身在舊年。不發新定機。削圓方竹枝。也使心在新年。失却本來用。輓却紫茸籠。所以北禪烹露地白牛。祖翁挑半宵之燈。一對無義老凍膿。上衲僧秤子量。一箇重半斤。一箇重八兩。雖然如是。山僧終不入與麼窠窟。秋天曠野行人斷。馬首西來知是誰。何故。藹雪連天白。春風逼戶寒。倒把少林無孔笛。逆風吹了順風吹。

復舉。僧問香林。萬頃荒田是誰為主。千年滯貨休拈出。林云。看看臘月盡。地獄門前鬼脫卵。勢疑則隙生。力伴則亂起。師拈云。此箇時節最是可愛。面上夾竹桃花。肚裏參天荆棘。來日定大年。一衆須保愛。可惜許。

正旦上堂。鳳曆開元日。王春肇始時。借婆裙子拜婆年。元正啓祚萬物咸新。雪寒北嶺。梅香南枝。木札燙鐵釘飯。好箇好時節。龍天須匡持。國無災害之變。民無飢寒之色。云何匡持。云何降伏其心。且道。以何爲驗。卓拄杖一下。便下座。鴻飛冥冥。弋者何慕。

元宵上堂。僧問。今朝上元節。處處掛燈毬。意旨如何。師云。風吹不入。進云。只將此正言。以祝天下春。師云。知言之漢。進云。記得。僧問香林。如何是室內一盞燈。此意如何。師云。言鋒冷似冰。進云。林云。三人證龜作鼈。又作麼生。師云。利舌硬如鐵。

乃云。燈燈相續。燈燈無窮。長安風月明於盡。那箇男兒摸壁行。處處列夜光珠。自是鳳凰臺上客。眼高看不到黃金。頭頭莊夜明符。金屑雖貴落眼作翳。只此光輝底。都從者裡。出沒卷舒。一任國師。只惜欠願鑑機。普。千金之裘非一狐之腋。大厦之材非一丘之木。太

平之功非一人之譽。擊拂子一下。

佛涅槃上堂。僧問。今宵夜半世尊入涅槃。兒孫以何酬法乳。師云。杜鵑啼斷月如晝。進云。與麼則解知恩報恩。師云。也何妨。進云。世尊昔在靈山會上。拈起一枝花。此意如何。師云。萬里一條鐵。進云。迦葉獨微笑。意在那裡。師云。金不博金。

乃云。我若謂滅度。非我弟子。幽州猶自可。我若謂不滅度。亦非我弟子。最苦是江南。當年若有人。道生薑終不改辣。謹謝國師指示。或吹火而燃。或吹火而滅。所以吹者異也。非但救得釋迦老子。也須扶得一會列聖。釋迦老子有甚麼過咎。一會打什麼罪累。何故。良久云。紅霞碧靄籠高低。芳艸野花一樣春。毛嬙西施。善毀者不能蔽其媚。嫫媧倭傀。善譽者不能掩其醜。

三月旦上堂。山花開似錦。澗水湛如藍。紫羅帳裏撒真珠。白圭無瑕。堅固法身太無端。大龍何處露心肝。佛身充滿於法界。普現一切群生前。面前露堂堂。大龍若吐露心肝。淨地上。諸人見得不無。用見得爲什麼。若見得眼睛。因甚不解舉得。若舉著喪身失

命話作兩極。擊拂子云。又逐流鶯過短牆。海神知費不知價。

上堂。一即一切。一切即一。殘羹餽飯。縱美食不充他人喫。拈拄杖卓一下云。三祖大師無端穿柳巷。入花街。忽然逢著。唯一乘法。無二亦無三。萬里一條鐵。不離當處常湛然。只有國師忽然逢著。幽鳥語喃喃。辭雲入亂峯。快應追不及。在前忽焉在後。合掌低頭道。揭諦揭諦。是什麼道理。諸人各辨別。以仲尼之謙也。而見忌子西。以仲尼之仁也。而取譽於桓魋。又卓拄杖下座。

佛生日上堂。僧問。釋迦老子。今日初下閻浮。四衆臨筵。願聞法要。師云。斧頭元是鐵。進云。薔薇滴露。楊柳籠煙。莫是瞿曇真面目麼。師云。莫認驢鞍橋。作阿爺下領。進云。世尊初生下時。周行七步。一手指天。一手指地。是什麼心行。師云。鐵丸無縫罅。進云。稱天上下。唯我獨尊。不是倘若無人麼。師云。他後有雲門一棒在。進云。雲門棒頭還相當也未。師云。焦磚打著連底凍。

乃云。指地指天稱獨尊。南天台北五臺。鄭州梨。青州棗。月在青天。水在瓶。顛言倒語。卒難論。洪波振壑。川無恬鱗。驚風拂野。林無靜柯。金容萬德。有誰看。若以色見我。以音聲求

我。是人行邪道。不能見如來。徧界堂堂常獨存。或如張婆耳。又似李母眉。雖然如是。一杓惡水更難放過。舜無卓錫之地。禹無十戶之聚。以拂子擊禪床一下。

結夏小參。僧問。結制已前。月白風清。豈不是成就慧身底時節。師云。刺破眼睛。進云。結制已後。風清月白。向甚麼處。剋期取證。師云。三生六十劫。進云。今夜小參。緊要一句。不落結制前後。願聞提唱。師云。勘破了也。進云。和尚布縵天網子。籠絡衲子。忽如有透得。金剛圈底漢。亦作麼生。羅籠得他。師云。森森夏木。杜鵑啼。進云。恁麼則。可謂隨處作主。立處皆真。便禮拜。師云。且坐。地商量。

乃云。鵝護雪。藕人冰。風吹柳絮毛毳走。雨打梨花蛺蝶飛。古今結制榜樣。衲子禁足風規。荷葉團團。似鏡菱角。尖尖似錐。三月九旬內。於七尺單前。澄瀝身心。成熟本智。若是本智。豈其有成。熟麼。情與無情。一齊安居。前三三後三三。凡聖同居。龍蛇混雜。無前無後。同時寂定。若見諸相。非相。即見如來。謂之以大圓覺。爲我伽藍。上無片瓦。蓋頭。下無寸土。立足。萬里一條鐵。身心安居平等性智。身心不二。不二身心。何處安著平等。

性智。若其逐境走作。隨物紛拏。無有此處。渴鹿馳焰。癡猿捉月。衆生顛倒。迷已逐物。正與麼時。本色行脚師僧。入此保社。若是本色行脚衲僧。不入此保社。不入此保社。擊拂子云。金屑雖貴。落眼成翳。無福猶有草裡坐。

復舉。僧問雲門。如何是諸佛出身處。五風樓前問洛陽。句裏呈機劈面來。問曰。東山水上行。同條生也。兔馬有角。不同條死。牛羊無角。韶陽只要箇箇以鐵壁爲戶牖去。

萬古微猷。可愛可貴。所以言。我愛韶陽新定機。一生爲人抽釘拔楔。山僧不然。若有人問。如

何是諸佛出身處。便對佗道。驚峰山色青更青。艸食之獸不疾。易數。水生之蟲不疾。

易水。且道。那箇親。朝三暮四。那箇疎。暮四朝三。分明辨別看。無故以合者則無故以離。

次日上堂。僧問。樹頭紅稀。林下綠暗。好箇時節。請師提唱。師云。萬里一條鐵。

進云。怎麼則薰風自南來。殿閣生微涼。師云。見之不取。思之千里。進云。今朝

豈是護生安居。當圖何事。師云。著黑衣。護黑柱。進云。如朝行西天。暮歸東土。

還有禁足分麼。師云。我者裡呼作走作漢。進云。學人今夏依附和尚。有何方便。師云。只此一問。從何來。進云。若不登樓望。焉知滄海深。便禮拜。師云。何必。

乃云。今日是結制。一衆各禁足。我常住於此。常說法教化。無數億衆生。眼眸重千斤。

堂裡伸兩脚。是箇什麼道理。走不以手。縛手走不能疾。飛不以尾。屈尾飛不能遠。三條

椽下摸索。待來年蠶麥熟。羅羅兒與一錢。

上堂。僧問。學人心猿未穩。意馬奔馳。願示方便。師云。鐵鎚無孔。進云。與麼則

把斷要津去也。師云。又與麼去也。進云。記得巖頭問德山。是凡是聖。意在那

裏。師云。石從空裡立。進云。山便喝。如何理會。師云。火向水中焚。進云。若有人

問和尚。是凡是聖。師云。九九八十一。

乃舉。僧問洞山。寒暑到來如何回避。昨夜風敲門外竹。也知賊不打貧家。山云。何不

向無寒暑處去。憐兒不覺醜。僧云。如何是無寒暑處。寶處在近。更進一步。蹉過了也。

山云。寒時寒。殺閻梨。熱時熱。殺閻梨。阿吒吒。阿波波。與人共其樂者。人必愛其愛。與人

同其安者。人必拯其危。山僧不然。若有人問。如何是無寒暑處。只對他道。靜處薩

訶。可惜許。且道。那箇親。那箇疎。諸人各辨別。落在人獨立。微雨燕雙飛。

端午上堂。僧問。今朝正是端午節。家家掛艾虎。處處浴香湯。和尚應節一句

詞。可惜許。且道。那箇親。那箇疎。諸人各辨別。落在人獨立。微雨燕雙飛。

端午上堂。僧問。今朝正是端午節。家家掛艾虎。處處浴香湯。和尚應節一句

願聞提唱。師云。黃鶴樓前鸚鵡洲。進云。怎麼則。山自青。水自綠。師云。隨後婁。搜漢。進云。記得文殊令善財採藥。財云。信手採來無不是藥。此意如何。師云。瞎漢亂統作什麼。進云。善財拈一莖草。度與文殊。文殊云。此藥亦能殺人。亦能活人。又作麼。師云。上是天。下是地。

乃云。今朝端午節。無妖亦無怪。是甚麼。不是一重大小大妖怪麼。陰陽不到處。一片好風光。著什麼怪力亂神。不假善財藥。無病大病。尤難醫治。扁倉亦無所挾手。人人自慶快。那一病著什麼處。誰知良醫門病者愈甚。此是今時難治重症。擊拂子下座。

半夏上堂。僧問。一夏已過半。崑崙嚼生鐵。半夏已後。又如何履踐去。師云。晨朝粥。齋時飯。進云。已前已後。且置。正當今日。直聞指示。師云。頭頂天。脚履地。進云。記得。僧問。智門。蓮華未出水時如何。門云。蓮華。意旨作麼生。師云。水洒不著。進云。僧云。出水後如何。門云。荷葉。還端的也無。師云。風吹不入。進云。出水與不出水。相去多少。師云。何不向老僧問將來。進云。移花兼蝶至。買石得雲饒。便禮拜。師云。吽。

乃拈拄杖云。六月不熱。五穀不熟。富者多慳。非慳不能富也。富者多愚。非愚不能富也。今日爲諸人熱之熱之。貴者必不富。富者未必貴。卓拄杖一下云。已熱已熟後如何。富貴他人合。貧賤親戚離。擲下拄杖云。天平地平。設非常之賞。以待非常之功。

上堂。僧問。火雲燒空。普天炎熱。向什麼處。正得回避。師云。迦葉門前風凜凜。進云。學人今日脫却鶻鼻布衫去。師云。淨裸裸地。一句作麼生道。進云。記得。馬大師一日陞堂。百丈出捲席。意在那裡。師云。方木投圓孔。進云。大師便下座。歸方丈。又如何。師云。清風隨步生。進云。和尚今日上堂。無人捲席。豈不是無事而去。師云。養子不及父。家門一世貧。進云。捲席與不捲席。那箇是親。那箇是疎。師云。苦哉佛陀耶。

乃云。大通智勝佛。空手把鋤頭。步行騎水牛。人從橋上過。橋流水不流。十劫坐道場。天上天下。唯我獨尊。新秋籬幕千家雨。落日樓臺一笛風。佛法不現前。雨前初見花間葉。雨後兼無葉底華。不得成佛道。蛺蝶飛來過牆去。却疑春色在隣家。既是坐道場。因甚佛法不現前。九九元來八十一。焦尾大蟲元是虎。擊拂子云。千里萬里一條鐵。女無美惡入宮。

見妬。士無賢愚。入朝見疾。

上堂。一葉落天下秋。龍袖拂開全體現。是處無不風流。士為知己者死。女為愛己者容。若記得箇時節。終不將語默酌。青蠅不能穢。垂棘邪論不能惑。孔墨且道。是阿誰分上事。千年滯貨自何處。舊市上喚大眾云。還覺頂門獨立麼。休擔水賣河頭。嗜異味者必得異病。作奇態者必得奇窮。

解夏小參。僧問。學人一夏已來。波波挈挈過了。剋期取證事。請師為證明。師云。嫩涼秋意入簾櫳。進云。恁麼則可。謂光陰不虛度。師云。直饒備實度也何是。進云。記得雲門因僧問。初秋夏末前程。忽有人問。如何祇對。門云。大眾退後。意旨作麼生。師云。崑崙嚼生鐵。進云。僧云。過在什麼處。門云。還我九十日飯錢來。又作麼生。師云。平出。進云。前程問過事。即且置。即今和尚如何勸過。師云。不消一搵。進云。柳樛橫擔不顧人。直入千峰萬峰去。便禮拜。師云。脚下泥濘。

乃云。秋初夏末。季熱未散。自恣賞勞。箇箇無欠。突出難辨。趙王好大眉。人間皆半額。齊王好細腰。後宮多餓死。隨時應節。無不漏逗。百年三萬六千日。點檢元來此者漢。明明百草頭。明明一老僧。就理就事。無不現前。一華百億國。一國一釋迦。一毛頭上獅子。百億毛頭示現。軒知會。則途中受用。如龍得水。以者箇發揮佛祖不傳妙。以者箇契證衲僧衣下功。不會則。世諦流布。似羝羊觸藩。觸途作滯。輾紅輕襪。陷地恐痛。疲馬追陽。癡猿捉水月。必竟與麼去。步步清風起。在途中不離家舍。離家舍不在途中。頭頭顯露。物物全真。佛手遮不得。人心似等閒。眉毛觸碎須彌。鼻孔飲乾大海。骨格端正甚有力。擬着心向過新羅。路頭踏著不會。喚萬里神光頂後相。圓同大虛。無欠無餘。破艸鞋拋向湖邊著。雖然如是。只如雲門道。還我九十日飯錢來。是阿誰分上事。由基矯矢猿號。蒲且虛絃而鳧落。擊拂子云。不因樵子徑。爭到葛洪家。相隨來也。魯連飛一矢。而蹶千金。虞卿以願盼而捐相印。

復舉翠巖夏末示徒公案。鶴欲搏者潛。螻欲伸者屈。師拈云。一畝之地。三蛇九鼠。小慈妨大慈。父不嚴子不孝。

次日上堂。僧問。衲僧家。四月十五結他不得。七月十五解他不得。必竟向什

麼處安身立命。師云。須彌南畔閻浮樹。進云。與麼則。西風一陣來。落葉兩三片。師云。矮子看戲。進云。昔有老宿。一夏不為師僧說話。有僧嘆云。我只麼空過一夏。不敢望和尚說佛法。得聞正因二字也得。意旨如何。師云。拋却黃金。捧祿甄。進云。老宿聞云。闍梨莫誓速。若論正因。一字也無。道了扣齒云。我無端恁麼道。又作麼生。師云。三千八百。進云。隣壁又有老宿。聞云。好一釜羹。被兩顆鼠糞汗却。意在那裡。師云。同病相怜。進云。和尚一夏已來說什麼法。為人。師云。山青水綠。進云。攪長河為酥酪。變大地作黃金。便禮拜。師云。也何妨。乃舉。趙州因僧辭。朝秦暮楚。依門傍戶。似盲驢任足行。州云。有佛處不得住。碧梧栖老鳳凰枝。無佛處急走過。黃稻啄餘鸚鵡粒。三千里外逢人莫錯舉。射工含沙待影過。僧云。與麼則不去也。恰如矮子見戲。隨後裏搜也。州云。摘楊花。摘楊花。天不為人之惡寒而輟其冬。地不為人之惡險而輟其廣。師云。趙州若無後語。須是遭人點檢。智人之明鑑。佛法之至論。明者見危於無形。智者視福於未萌。何故。風從八月涼。月自七月明。相送當門有脩竹。為君葉葉起清風。

八月旦上堂。拈拄杖云。月月初一。無雨為吉。今月初一。有雨為吉。我道一以貫之者。裡無吉凶榮辱。且道。吉在甚處。休向石灰羅裡眨眼。唯有一乘法。無二亦無三。卓拄杖。一下云。吉吉。吾道最吉。認取却不可。金屑眼中翳。衣珠法上塵。靠拄杖下座。

上堂。西風一陣來。落葉兩三片。白玉琢成西子骨。黃金鑄就伍員心。錮鏘著生鐵。石樹抽枝。鐵樹開花。佛祖渾不辨。日月照臨不至。天地蓋覆不盡。不辨不辨。無孔鐵鎚當面拋。七九六十三。諸人且過那邊。喚取機關木人問。露柱亦在。

重陽上堂。僧問。今朝是九九日。諸方盡賞佳辰。衲僧門下不墮常機。應節一句願聞法要。師云。秋晚頓寒。箇箇萬福。進云。只如採菊東籬下。悠然見南山。底未審和尚如何證明。師云。刺破眼睛。進云。古德云。重陽九日菊花新。又是呈什麼道理。師云。謝答話。

乃云。採菊東籬下。悠然見南山。一段風光豈不成。仁者見之謂之仁。智者見之謂之智。靖節只知其愛。不知其用。明眼衲僧具透關眼。風驚草動盡辨來機。今日重九。作麼生用得。富嫌千口少。貧厭一身多。擊拂子云。二二三三。三三二二。一九與二九。相逢不出手。

上堂。舉。有官問雲門。佛法如水。月中。是不。將謂。備此箇俗漢。門云。清波無透路。神出鬼沒。以字不成八字非。忿怒那吒失却威。官云。和尚從何得。好一拶。只惜大蹉過了。三級浪高。魚化龍。癡人猶辱夜塘水。門云。再問復何來。官云。正與麼時如何。第二重敗關。強惺惺。罕逢穿耳客。多遇刻舟人。門云。重疊關山路。千里萬里。三十年後。師云。雲門官不容針。把定要津。不通凡聖。佛佛要機。祖祖機要。官人私通車馬。雖是死蛇。解弄又活。路逢死蛇莫打殺。無底籃子盛將來。點檢將來。兩俱失利。三箇亦在。將謂胡鬚赤。更有赤鬚胡何也。自從賢聖法來。未嘗殺生。玉貌風沙勝畫圖。琵琶難寫君恩疎。卓拄杖下座。開爐上堂。無賓主話。採得百花成蜜後。不知辛苦為誰甜。十八高人。一回舉來。一回是新。紅爐煨出鐵烏龜。及乎問其意旨。大半便道。不知最親。面赤不如語直。注焉而不滿。酌焉而不竭。阿呵呵。只要爐下煖似春。兔角龜毛過別山。上堂。南山松。北嶺雪。夜雨晝晴。大冶精金無變色。百尺竿頭進一步。十方刹土現全身。大平得節。是法平等無有高下。王上資殿野老謳歌。達磨來東土。二祖行西天。是法住法位。世間相常住。南斗七。北斗八。行脚禪和子。莫失却目前。目前是什麼。縱有一法過涅槃。我說如夢如化。喝一喝。

上堂。一切諸佛及諸佛阿耨多羅三藐三菩提法。流水寒山路。滾雲曉寺鐘。湘潭雲盡暮山出。巴蜀雪消春水來。皆從此經出。此經難持。若暫持者。我即歡喜。諸佛亦然。忽拈拄杖卓一下云。勸君盡此一盃酒。西出陽關無故人。鳩酒一盃當面傾。古澗寒泉時如何。苦飲者作麼生。死。

冬至小參。僧問。葭管飛灰。繡紋添線。不涉陰陽造化。願聞法要。師云。八角磨盤空裏走。進云。恁麼則岸柳未開眼。庭梅先發花。師云。好與麼去。進云。記得僧問百丈。如何是奇特事。丈云。獨坐大雄峰。還端的也無。師云。把定要津。不通凡聖。進云。僧禮拜。又作麼生。師云。不拶破頂上。進云。丈便打。如何理會。師云。依令而行。進云。古人則且置。即今問和尚如何是奇特事。如何祇對。師云。三十年後面熱汗出。進云。不入虎穴。爭得虎子。便禮拜。師云。為我將得來看。乃云。六陰謝盡。一氣方生。獨樓識盡喜何立。喜識盡時消息盡。群陰剝盡一陽生。鐵樹開花。石筍抽條。石從空裡立。火向水中焚。石女舞成長壽曲。木人唱起太平歌。衲僧家若

向者裡轉身來。自然枯枯燥燥。猶是小果聲聞。土牛耕石田。終無得禾時。相似底涅槃。得失是非一時放却。也是省錢易飽底事。得小為足。死水何曾振古風。枯木裏瞋眼。古來淨悄悄地。爭之不足。臥龍不鑑死水。黃葉遮門。拄杖子不打此死漢。蘆花攤腰。瞎驢兒有甚境界。何須運步念阿伽門。我此洗鉢水。如天甘露味。施與鬼神衆。悉令得飽滿。而今多是知時不知節也。猶不妨。東西南北鳥飛兔走。將謂侯白。更有侯黑。東山下左邊底。直饒向山僧背後問訊也。山僧不敢可橫點頭。西天四七。東土二三。只傳此些子。同死同生為君決。何故。卓拄杖云。國清才子貴。家富小兒嬌。誰道兩朝國師。實是雲居羅漢。

復舉。僧問趙州。如何是趙州。南泉嫡子字從諗。州云。東門南門西門北門。疑殺天下人。相罵饒。備接嘴。相唾饒。備洒水。僧云。不問這箇。州云。爾問趙州。鸚鵡叫煎茶。與茶元不知。拈云。以機奪機。以毒攻毒。趙州老漢不無之。一掃四海。今其誰在麼。上下四維無等匹。其奈何。八十行脚事。猶未全用在。子肯知姑蘇之有壓鹿。輔果識智伯之為趙擒。若得全用去。兒孫滿堂至今繁興。錯。果然點。

次日上堂。僧問。霜飛大野。風戒林丘。普天普地。寒威凜然。更向什麼處得回。避去。師云。陽氣發時無硬地。進云。璿璣未動。全機顯露。朕兆纔分。觀體現成。不涉時節。不借言薦。親切一句。願聞舉揚。師云。家家觀世音。進云。慈明揭牌。皓老不洗布裙。點檢將來。早是劔去久矣。寶山今日莫別有條章麼。師云。一冬二冬。叉手當胷。

乃云。瑞雪滿地。祥雲翻天。陰陽不到處。一片好風光。好雪片片不落別處。龍寶山頂。和氣靄然。主人心安樂。俯竹有和氣。溪聲廣長舌。山色清淨身。好箇時節。為君報知。一氣不言。含有象。萬靈何處謝無私。湘之南潭之北。中有黃金滿一國。無影樹下合同船。瑠璃殿上無智識。

謝進退兩班上堂。竿頭進一步。大千沙界現全身。未進一步以前。全身還何處安著。殊不知。世尊隻眼貫通三世。退步就已。萬中一箇而不失。更有一人。有不橫點頭。失。蓋是與麼人作與麼行履者也。若是本色衲僧。不喫者般茶飯。大眾要見此人麼。大眾全不要見此人。宇宙無雙日。乾坤只一人。雲在巔頭閑不徹。水流澗底太忙生。惡虎不

食子。

臘八上堂。僧問。釋迦老子六年冷坐。逗到臘八夜。始方開悟去。未審悟得箇何事。師云。鼻孔掛上唇。進云。未見明星時。已雪山雪白。一見明星後。又雪山雪白。這裡端的事。和尚如何甄別。師云。鐵丸無縫罅。進云。只如有一人發真歸原。大地衆生向何處去。師云。向爾眼睫上去。進云。恁麼則可謂劫外一壺春更好。優曇花綻普天香。便禮拜。師云。道卽道得。

乃云。盡謂世尊。臘月八夜成道。大道寥寥無取處。黃頭老漢者何成。寒雲籠雪夕陽重。山月照梅夜色清。是則是。敢問諸人。如何是成底道。休逼生靈作繭。似石含玉不知玉之無瑕。如他鑿山不知山之孤峻。若是識得。報恩有分。若其識得。無報底恩。只許老胡知。不許老胡會。若也識不得。擊拂子云。初中後三大劫。荆棘參天。蒺藜滿地。伯牙絕絃於子期。仲尼覆醢於子路。痛知音之難遇。傷門人之莫及。

除夜小參。僧問。舊歲今宵去。向甚處去。師云。頭上一堆塵。進云。新年明日來。從甚處來。師云。脚下三尺土。進云。還有不涉新舊底也無。師云。有。進云。如何是不涉新舊底。師云。大底鼻孔向下垂。進云。記得。感首座問。法昌。昔日北禪分歲烹露地白牛。和尚今夜分歲有何施設。昌云。藕雪連天白。春風逼戶寒。意旨作麼生。師云。兩口無一舌。進云。感云。大衆如何喫。昌云。莫嫌冷淡無滋味。一飽能消萬劫飢。此意如何。師云。鬼爭漆桶。進云。感云。是何人置辦。昌云。無慚愧漢。來處也不知。又作麼生。師云。彼此出家兒。進云。古人卽且置。和尚今夜分歲有何施設。師云。且待有童行報去。進云。大衆如何喫。師云。不可從鼻而入。進云。是何人置辦。師云。衣鉢閣中常相逢。進云。和尚與麼施設。與古人是同是別。師云。許爾疑三十年。進云。鶴飛千尺雪。龍起一潭水。便禮拜。師云。也何妨。

乃云。今宵臘月三十夜。家家爆竹賞結尾。古皇堂堂龍袖拂開全體現。帝網重重主伴無盡。或操歌吹之音。或促鐘鼓之響。祝來日新年之吉。壽萬歲松柏之操。十洲三島鶴乾坤。四海五湖龍世界。龍寶山頂人。未必不點頭。只是終不墮悄然機。越王勾踐破吳歸。義士還家盡錦衣。宮女如花滿春殿。只今唯有鷓鴣飛。豈將等閑風味。以供

養合山龍象。釣鯨時下一圈。鱗直鈎釣。龍曲鈎釣。蝦蟇蚯蚓。雖然如是。與衆分歲。各須飽足。雜雜排山果。踈踈圍酒榼。談笑座中。竊置鴆毒。擊拂子云。趙州喫茶。雲門胡餅。切忌崑崙吞棗。貪多者嚼不細。

復舉。僧問古德。萬頃荒田是誰爲主。菩薩窺五彩。盲兒問乳色。德云。看看藹月盡。神臂弓。由基箭。一發透過千重甲。師云。大衆要見此僧。當頭霜夜月。粥後坐。要知古德。任運落前溪。以字不成八字非。雖然如是。靜處娑婆訶。君子可入。

正旦上堂。僧問。瑞艸生嘉運。林花結早春。好箇時節。願聞舉揚。師云。箇箇道體。起居萬福。進云。恁麼則元正啓祚。萬物咸新。師云。一句道著。進云。正當今日大年朝。如何是新年頭佛法。師云。風暖鳥聲碎。日高花影重。進云。僧問雲門。如何是清淨法身。門云。花藥欄。意旨作麼生。師云。刺破眼睛。進云。僧云。便恁麼去時如何。門云。金毛獅子。又作麼生。師云。兩重公案。進云。即今問和尚。如何是清淨法身。師云。千峰雪色寒。乃云。今日大年朝。山僧渾解道。大衆箇箇道體。起居萬福。入息不居陰界。出息不

涉萬緣。上無片瓦蓋頭。下無寸土立足。且道。是佛法。是世法。上下四維無等匹。厲利劍者必以柔砥。擊鐘磬者必以槲木。卓拄杖云。東西南北吾道大亨。明月之光可以遠望。而不可以細書。淡霧之朝可以細書。而不可以遠望。

元宵上堂。僧問。今宵處處揭燈。萬民共樂。和尚爲人。別起心燈來。看。師云。天晴日頭出。進云。恁麼則可。謂光明寂照。徧河沙。師云。不妨道著。進云。僧問香林。如何是室內一盞燈。林云。三人證龜作鼈。意在那裏。師云。罕遇便宜。進云。與麼則昔日香林。今日和尚。便禮拜。師云。好去好用。

乃云。燈燈相續。燈燈無已。雲頭點地黑如漆。拗折山形拄杖子。從來大地黑漫漫。且道。此燈從何處來。平原秋樹色。斜麓暮鐘聲。卓拄杖一下云。我見燈明佛。本光瑞如此。半陂飛雨半陂霽。漁笛飄秋。楚調青。

上堂。僧問。春山疊亂青。春水漾虛碧。好箇時節。願聞法要。師云。莫向雪竇背後問訊。進云。恁麼則。日自暖。風自和。師云。休向老僧背後問訊。進云。趙州訪一菴主云。有麼有麼。主豎起拳頭。州云。水淺不是泊船處。意旨作麼生。師云。

蠅見血。進云。州又訪一菴主云。有麼有麼。主豎起拳頭。州便禮拜讚嘆。如何委悉。師云。鶻提鳩。進云。問答已一般。為甚肯一人不肯一人。師云。看取不落兩頭。進云。若有人問有麼有麼。未審和尚如何祇對。師云。且去喫茶。乃舉。三祖大師道。一即一切。一切即一。崑崙著靴空中走。十箇指頭八箇丫。忽拈拄杖云。者箇是寶山拄杖子。阿那箇是一。拗折了也。不足拄馬尾。卓拄杖一下云。只能如此。何慮不終。羅睺星入命。天下衲僧吞吐不下。佛涅槃上堂。僧問。法身無為不墮諸數。釋迦老子因甚示涅槃之相。師云。為涅槃不墮諸數。進云。古德道。十方薄伽梵。一路涅槃門。且道如何是涅槃門。師云。日出東夜落西。進云。五通仙人問世尊云。世尊有六通。我有五通。如何是那一通。世尊召五通仙人。意旨作麼生。師云。平生肝膽向人傾。進云。仙人使應諾。世尊云。那一通。爾問我。如何理會。師云。依稀似曲纔堪聽。又被風吹別調中。進云。後來雪竇著語云。老胡元不知有那一通。却因邪打正。意在那裡。師云。無影樹下合同船。進云。即今問和尚如何是那一通。未審如何祇對。

師云。三跳後。

上堂。舉雲門云。我看諸人。二三機中尚不能構得。空披衲衣何益。眼如銅鈴。口似血盆。劍為不平。離寶匣。藥因療病。出金瓶。今日堂中大人。喪身失命。師云。山僧不然。我看諸人。悉是大機大用人。剛要作佛何益。亦是無病大病。收得安南。又憂塞北。幽州猶自可。尤苦是江南。住住。一不做。二不休。不風流。處也風流。兩箇老尊慈。一箇如武侯。布八陣。一箇似子房。燒棧道。點檢見來。先甲一日易。後甲一日難。

上堂。春山青。春水綠。春雲片片。春鳥喃喃。至大而無外。謂之大。至小而無內。謂之小。只可自怡悅。不堪持贈君。敢問諸人。吾宗門中是放開。是捏聚。陳雲橫海上。拔劍攪龍門。放開亦在我。捏聚亦在我。兩頭共截斷。一劍倚天寒。箇箇歸寮舍。摸索看。三級浪高。魚化龍。癡人猶辱夜塘水。夜明籠外珠。癡人按劍立。

四月旦上堂。鶻豎起拂子云。西天二十八祖。東土六祖。盡在拂子頭上。拂子頭且置。百草頭又作麼生。豈是分外事。說心說性。論玄論妙。彌遮迦尊者。一場苦屈。己所不欲。勿施於人。山僧忍俊不禁。見怪笑一聲。鳥鳴不鳴。要非常也。豺狼不噬。要非仁也。箇

箇面熱汗出。諸人還見麼。越王爲人長頸鳥喙。可與共患難。不可與共安樂。若也不見。擊拂子一下云。滿地落花春已過。綠陰空鎖舊莓苔。和尚雖有千尺寒松。且無抽條石筍。

佛生日上堂。指天指地。墮尊貴。仁者見之謂之仁。尊貴貴之謂之尊。滿目青山笑點頭。自從雲門行。令後不風流。處也風流。嗜異味者必得異病。作奇態者必得奇窮。南山木不揉。自直。諸人向者裡會得。不妨報恩有分。其如未然。靜處娑婆詞。果然不致。腦疽於太夫。孫叔敖三去相而不悔。於陵子仲辭三公而爲人灌園。總是君子可八。結夏小參。僧問。看雲亭上月明明。古巖松下風拂拂。現成公案絕遮欄。不涉言詮。願聞法要。師云。九九八十一。進云。怎麼則。山自青水自綠。師云。隨後婁搜漢。進云。九旬禁足。剋期取證。則不問。七尺單前三條椽下。學人一夏如何履踐。師云。眼眸重千斤。進云。古德道。參須實參。悟須實悟。如何是實參。師云。金香爐下鐵崑崙。進云。實悟底又如何。師云。何必。進云。實參實悟。畢竟作麼生。師云。心不負人。面無慙色。

乃云。言前句後。舌根裡難藏身。懶向人前拔茄樹。不如歸鄉里作化主。向上向下。蒿摛挨葫蘆子。江上思鱸客。人間失馬翁。半路抽身。不是好心。背面終不落好手。首尾何處按萬類。正令當行。十方坐斷。依一事長一智。遠超象外。迥脫天真。寥寥天地間。獨立有何窮。天地蓋覆不盡。日月照臨不到。是處雲山溢目。鬧市大蟲誰不解見。石長無根樹。山舍不動雲。石火無及。電光無通。見即見。因甚文殊頭黑。普賢頭白。頻呼小玉元無事。只要檀郎認得聲。明頭打著。暗頭打不著。會得三月安居。九旬禁足。循規守矩。脚底不帶五色索。消得怎麼。消得怎麼。家累千金。坐不垂堂。其如未然。靜處娑婆詞。謹謝國師指示。如何有一箇從頭不橫點頭在。

復舉臨濟示衆云。一人在孤峰頂上。無出身路。公案。霜天月落。夜將半。誰共澄潭照影寒。師拈云。古來作者。弄嶮落草。等是難禁。巡人犯夜。普州人送賊。只是要須。人人在背後點頭。大眾還會麼。又是爲慈悲。故有落草之談。獅子吼無畏說。鬪頭藍已定全身。何假周行誇七步。四五百石麥。二三千石稻。好個休養方。老婆不得妙。

次日上堂。僧問。如來聖制。禁足護生。衲僧朝游西天。暮歸東土。學人此間禁

足卽是游歸卽是。師云。南番大舶主。本此土商人。進云。已道禁足安居。因甚文殊三處度夏。師云。曲終人不見。江上數峰青。進云。記得雲門示衆云。十五日已前不問爾。十五日已後道將一句來。意旨作麼生。師云。什麼處去。進云。自代云。日日是好日。又作麼生。師云。倒退三千。進云。和尚若逢韶陽垂示。向他如何道。師云。法堂上。寸草不生。

乃云。今朝是結制。不敢謾却諸人。只因現量。以舉揚正法眼藏。若是正法眼藏。伏乞和尚休舉揚。行雲流水墜葉飛花。爲君舉揚久。驀拈拄杖卓一下云。者箇是龍寶拄杖子。阿那箇是正法眼。將謂有多少奇特。却作者去就。若也不會。雨過遠山綠。靠拄杖下座。曲終人不見。江上數峯青。

解夏小參。三月安居。九旬禁足。二千年外舊貫索。穿却衲僧鼻孔來。山色夕陽時。泉聲中夜後。妙處欲言言不及。月移花影上欄干。圓覺伽藍平等性智。諸佛衆生元是幻。若求實相眼中埃。無來無去無起滅。非有非無非暗明。竹有上下節。松無古今青。山河大地通上孤危。萬象森羅徹下嶮峻。箇裡無取證。誰成熟慧身。萬里一條鐵。風吹不入。水洒

不著。正與麼時節。衲僧活脫處。人人具足箇箇圓成。此外有甚長處。要行便行。要坐便坐。又是非分外事。脚下甚泥濘。東西南北無有遮障。跛鼈盲龜入空谷。者裡三生六十劫。運奔執捉全超象外。隨緣放曠。外道魔軍。諸人一夏結眉交肩。今日何必苦口叮囑。者裡如何叮囑去。開口錯了動舌垂。雖然如此。擊拂子云。勸君盡此一盃酒。西出陽關無故人。有錢千里通。無錢隔壁壁。若是皮下有血底。水亦不受他一滴。復舉翠巖夏末示衆公案。師拈云。翠巖爲衆竭力不少。利劍擲虛空。大棒打老鼠。只得箇三枚把不住老凍膿。三人行則必有吾師。三箇胡猴夜簸錢。若有中郎鑑。何同野舍薪。忠臣不避重誅。以直諫則無遺策。功流萬世。

上堂。真空不礙有。真空不異色。將謂有多少奇特。是甚麼語話繫驢橛子。忽拈拄杖卓一下云。且道是有。是不有。是色。是不色。此去三十年。切忌舉著。若是伶俐衲僧。和水喫乳。老和尚頭上大低下生。末後太孤峻生。唯惜欠一半在。其或踟躕。拄杖穿卻鼻孔。果然勞而無功。又卓一下。

奉謝大王上將入山下百味佳齋。伸合山供養上堂。僧問。日月輪邊氣象高。

魚龍穴下蟠根固。師云。好。進云。上將忽入山。下來奇齋供養大眾。未審和尚說什麼法。得報此恩。師云。風行草偃。進云。怎麼則蘋葉風涼。桂花露香。師云。好也與麼去。進云。只如達磨未來已前。還有這箇消息也無。師云。銀山鐵壁。進云。來後又如何。師云。鐵壁銀山。進云。來與未來且置。如何是這箇消息。師云。鐵壁鐵壁。銀山銀山。進云。學人今日小出大遇。便禮拜。師云。撒手那邊去。乃橫拄杖云。大士三十二應身。可惜許。兩頭三面又怎麼去。小賈弄。天大將軍最是眞。摧蕩諸障與慶快。提持百福救窮貧。稽首觀世薩埵。內秘正法明。有來由無巴鼻。大眾要會者箇大機大用麼。我若向畜生自得。大智慧。我若向餓鬼自飽滿。卓拄杖云。看看。巍巍堂堂。煒煒煌煌。四海九州。威風凜凜。紫金光聚照山河。天上人間意氣多。寶明空海湛死生。漩澗之波。大寂定門融今古。去來之相。

材木採用歸。謝普請并善源雲和尚。重賞下必有勇夫。單膠投川。以可使三軍告捷。上堂。拈拄杖云。萬仞峰前千。礪底者。邊那邊擇良材。公輸之雲梯。武侯之木牛。純化既敷。則率土宅心。義風已暢。則遐方企踵。斧頭用得諸人力。集此大成相呼回。正與麼

時作麼生。汲溪洗足。先須坐。爐有茶煎與芋煨。卓拄杖一下云。行到水窮處。坐看雲起時。此語爲慈悲故。有落草之談。

上堂。薦橫拄杖舉。肇法師云。近而不可見者物性耳。若有所見是物。非自佛性。若見諸相非相。即見如來。卓拄杖云。者箇是寶山拄杖子。阿那箇是物性。經曰。如來目見佛性。又云。眼見佛性。即是菩薩人。作麼生目見佛性。又卓拄杖云。一槌兩當。蓋覆將來。穿花映蝶。淡淡見。點水蜻蜓。款款飛。

宗持禪尼逆修拈香。當陽突出。迥脫根塵。是什麼。座上無和尚。目前無某甲。薰天炙地。舉體全眞。山河石壁。無能障。恒沙世界在其中。乃佛乃祖。由佗出氣。衲僧巴鼻。從此方親。點檢看來。不直半文錢。況是宗持大姉。借山僧手拈出。鐵九無縫罅。何處挾手。等閑一見便見。自然一得永得。感生生正果。結世世正因。若一見便見。終打失。若一得永得。非正因。何故。從門入者。不是家珍。馥郁香風。清徧界。靄然和氣。恰如春。八角磨盤空裡走。金毛獅子變成狗。

除夜小參。年窮歲盡。黑漆桶裡盛墨汁。天寒人寒。針頭削鐵。鷲服割肉。生蛇入竹筒。

官龜入空谷。交頭結尾。半夜烏雞飛上天。窮則變。變則通。理盡詞窮。伎亦窮。鳳離金網。鶴脫籠。所以師僧家自從空劫已前。威音那畔。一日日未嘗逐。一日一時時未嘗隨。一時乾坤失色。日月藏光。陰陽不到處。一片好風光。墻壁瓦礫。露柱燈籠。酥酪醍醐。攪爲一味。瓊盤釵釧。鎔成一金。草木國土。悉皆成佛。背後面前。眞珠燦爛。山河大地。萬象森羅。醜雞螻蛄。草芥人畜。一一放大光明。一一壁立萬仞。雖然如是。今夜與諸人分歲。其中爲國一句作麼生。擊拂子云。村裡盡好驅儺。來年定是熟年。笙歌叢裏賀年朝。錦繡筵中開壽域。

復舉。香林因僧問。萬頃荒田是誰爲主。欲得親切。莫將問來問。問在答處。答在問處。林云。看看藕月盡。今歲今宵去。明年明日來。來朝定是大年朝。師云。山僧不然。若有人發此問。便答。佗道。昨日相見人。是凡是聖。唯許老胡知。不許老胡會。忽問是何人。劈口便攔。在前忽焉在後。陷人坑子年年滿。

正旦上堂。僧問。年年是好年。日日是好日。正與麼時請師祝。聖。師云。萬年松下有茯苓。進云。恁麼則萬民樂業唱謳歌。師云。好音在耳人皆聞。進云。記

得。僧問。古德新年頭。還有佛法也無。意在那裡。師云。舌頭無骨。進云。德云。元正啓祚。萬物咸新。的當也無。師云。藕絲孔裏騎大鵬。進云。只如古人祇對。如何辨別去。師云。風暖鳥聲碎。進云。一句了然超百億。師云。富嫌千口少。進云。非但學人。四衆咸霑恩。便禮拜。師云。也何妨。

乃云。今朝大年朝。東廊下相賀。西廊下相賀。禮非玉帛不顯。樂非鐘鼓不傳。萬國衣冠拜冕旒。喚作佛法底。拂子與他點頭。譬如醜錦機。背面共是花。有一人在孤峯頂上。無出身之路。喚作世法底。拄杖與佗點頭。兩鏡相對。中心無影像。有一人在十字街頭。又無向背。且道。諸人孰與阿那個點頭。雙劍倚空飛。若把西湖比西施。淡粧濃抹兩相宜。若於此會得。便解山僧適來道。箇箇道體起居萬福。截腋出羽。嚼飯養兒。怪哉國師見孫彌漫天下。

二月旦。爲出材木勸下大衆上堂。梅腮柳面。吐香競榮。春山春水。湛綠疊藍。江國春風吹不起。鷓鴣鳴在淡花裏。春色惱人眠不得。衲子清興。時哉時哉。若是明眼衲僧。不喫者般茶飯。許備始隨芳草去。又須後逐落花回。寰中天子勅。塞外將軍令。法王法

令誰敢違犯。忽回來時如何。解行經洗足。隨例喫菜根。箇箇萬福萬福。箇箇千勞萬倦。路遙知馬力。歲久識人心。侍者急手點將箇好茶來。看席打令。慈父不能愛無益之子。仁君不能畜無用之臣。

佛生日上堂。僧問。青春已去。朱夏初臨。瞿曇今日降生。此是現成底。請師別舉揚。師云。鐵丸無縫罅。進云。二月十五不曾滅。因甚。鶴林中示雙趺。師云。天上星地下木。僧云。四月八日不曾生。爲甚。九龍吐水灌沐金軀。師云。九九八十一。僧云。指天指地。道天上天下唯我獨尊。師云。芍藥花開菩薩面。僧云。雲門云。我當時若見。一棒打殺與狗子喫却。意旨作麼生。師云。因邪打正。僧云。雪竇云。我若見。便與掀倒禪牀。意在那裏。師云。把手相共上高峰。僧云。二大老用處。是同是別。師云。南山起雲。北山下雨。僧云。上來一一蒙指示。向上宗乘事又如何。師便喝。

乃拈拄杖卓一下云。淨法界身。癩馬繫枯椿。黑牛臥死水。撐天拄地。本無出沒。種瓜得瓜。陷人坑子。年年滿。湛湛黑暗。滾坑實可怖畏。便恁麼領去。報恩有分。若恁麼會佛法。

大衰滅。若復不恁麼會。真風乍墜地。其如未然。一龍溫涼水。誰知遠煙浪。別有好思量。鷲塞之類。不騁千里之路。燕雀之囑。不奮六翮之用。

結夏小參。僧問。綠暗紅稀。孟夏漸熱。應節一句。願聞提唱。師云。薰風自南來。殿閣生微涼。僧云。禁足安居。誰似我。掛角羶羊。不露縱。師云。有路可上。高人更行。僧云。朝到西天。暮歸東土。是什麼人。分上事。師云。是安居底人。分上事。僧云。恁麼則。一聲黃鳥。青山外。占斷風光。作主人。師云。那裡得與麼地。僧云。松源有三句。許咨參也無。師云。何妨。問將來。僧云。大力量人。因甚擡脚不起。師云。草鞋和露重。僧云。開口因甚不在舌頭上。師云。不見牙齒一具骨。僧云。明眼衲僧。因甚脚跟下紅絲線不斷。師云。脚頭也脚底。僧云。學人今夜小出大遇。便禮拜。師云。向人作麼生舉。

乃云。西天嚴規。東土嚴令。添一句亦不得。減一句亦不得。齊要知。有箇伶俐漢。大坐當軒底事。凡聖同居。龍蛇混雜。誰家竈裏火無烟。克得此事。三月安居。九旬禁足。天覆不得。地載不能。此是衲僧家尋常茶飯。獅子不食鷓鴣。快鷹那打臥兔。日用四威儀中。

全坐聲色堆上。專做聲色堆主宰。天上天下唯我獨尊。南瞻部州展鉢。西瞿耶尼喫飯。箇中有領覽。都隨魔界。入佛界易。入魔界難。所以道以大圓覺為我伽藍。徧現該沙界。收攝歸微塵。身心安居平等性智。大象不遊兔徑。玉兔豈栖蟾影。警喜瞥瞋無理會。新羅夜半日頭明。佛殿裏燒香。山門頭合掌。遠磨不來東土。一祖不行西天。雖然如是。諸人切忌。刺腦入膠盆。手把白玉鞭。驪珠盡擊碎。何故。良久云。綠樹陰濃夏日長。樓臺倒影入池塘。俯據潛龍之淵。仰蔭栖鳳之林。

復舉德山小參不答話。有問話者三十棒公案。見直木不可以為輪。曲者不可以為桶。師拈云。盡謂開口即錯。動舌即乖。殊不知九曲黃河混底流。猶絆良驥之足。而責以千里之任。極猴之勢。而望其巧捷之能。

次日上堂。僧問。西天舊令。東土共遵。諸方依樣畫葫蘆。龍寶門下標格作麼生。師云。莫孤負山僧。進云。綠水青山。元來安居。露柱燈籠。終日禁足。衲僧家因甚別立規矩。師云。嚴師出好弟子。進云。恁麼則。行到水窮處。坐看雲起時。師云。更須子細。進云。記得。乾峯示眾云。法身有三種病。二種光。須是一一透。

得始解穩坐地。意在那裡。師云。細想會裡有人。進云。雲門便出眾云。菴內人為什麼不見菴外事。意旨作麼生。師云。果然。進云。峰呵呵大笑。又如何。師云。藏身無路。進云。門云。猶是學人疑處在。如何委悉。師云。有爭臣則君不落。不義。進云。古人底且置。作麼生是正當今日法要。師云。水到渠成。

乃卓拄杖云。二千年前有此制。把定則黃絹幼婦。放行則外孫童白。四聖六凡都不出者箇。為我伽藍盡十方。中容造化一禪狀。山川草木或禽獸。都為恭徒入面牆。二千年後攀其例。前事不忘為後代元龜也。五湖衲子大家在者裡。靈山河沙聖眾。黃梅七百高僧。前三三後三三。又卓拄杖云。出與不出。在與不在。且喜靜處娑婆訶。金針曾不露。鋒銜惹得無絲玉線長。

五月旦上堂。僧問。松竹陰陰夏日長。好箇時節。請師提唱。師云。三十年後莫錯商量。進云。恁麼則。黃鶴樓中吹玉管。江城五月落梅花。師云。人無遠慮必有近憂。進云。只變大地作黃金。攬長河為酥酪。則不無和尚且道。如何是向上宗乘事。師云。南斗七。北斗八。進云。向下又作麼生。師云。金香爐下鐵崑崙。

進云。畢竟如何領略去。師云。阿彌全舌去亦可。

乃舉鼓山問新羅僧。上山來作什麼。王者不卻衆庶。故能明其德。對云。禮拜和尚。

一句合頭語。萬劫繫鱸。鼓山云。盡世不標。向什麼處禮拜。不勞再勘。一曲兩曲無人會。

雨過夜塘秋水深。對云。向不標處禮。蝦跳不出斗。弄泥團。漢有何限。鼓山云。念爾是新

羅人。放爾二十棒。石火光中分細素。閃電機裏辨端倪。師云。者僧若於盡世不標。向

什麼處禮。作摸著左右之勢。拜得鼓山。慣戰作家。兩虎鬪死。一狐乘其敝。一金成萬器。

皆依匠者功。鼓山若於向不標處禮。亞身合掌。接得者僧。二俱莽鹵。擡土成金。易

變金成土。却難。田有遺穗。寡婦之利也。若論戰箇箇立在轉處。爾師僧家有什麼救處。却將

錦樣鶯花地。錢作元暉水墨圖。以拂子擊禪牀一下。便下座。

端午上堂。僧問。今朝正是端午節。昔日善財採藥來。憑據如何領會。師云。放

過一著。進云。將逢佳辰底。莫不盡大地是藥麼。師云。何必。進云。恁麼則薰風

自南來。殿閣生微涼。師云。可謂諸侯避道。進云。記得文殊當年出。女子定不

得意。旨作麼生。師云。雲在嶺頭閑不徹。進云。下方罔明為甚。却出得。師云。水

流澗底太忙生。進云。文殊為無神力。罔明為有神力。師云。釣魚船上謝三郎。

進云。不行尊貴路。爭踏上海關。便禮拜。師喝云。且看脚下。

乃云。強不用切菖蒲。剛不要掛靈符。善閉者無門鍵。而不可開也。善結者無繩約。而不可解也。衲僧家別有長處。家醜向外揚。臨河而羨魚。不如歸家結網。消殞盡天下妖怪。

去。林中不賣薪。湖上不鬻魚。以湯止沸。沸乃不止。誠知其本去火而已。卓拄杖云。頭長三尺

知是誰。相對無語。獨足立。家無白澤圖。如此有妖怪。若大小大妖怪。還著什麼處。欲滅迹

而走雪中。拯溺者而欲無濡。

上堂。僧問。綠樹布陰濃。薔薇吐晚香。正好看雲。亭下避暑處。賞佳景句。請師

提唱。師云。閻浮樹下笑呵呵。進云。如無寒暑由地。如何踏著。師云。墮坑落壑。

進云。恁麼則處處綠楊堪繫馬。師云。蹉過也不少。進云。記得古人道。大用現

前不存軌則。如何是大用現前底時節。師云。勘破了也。進云。與麼則。可謂隨

處作主。立處皆真。師云。雪上加霜。進云。學人今日親聞法要。如何保任。師云。

疎田不貯水。

乃舉趙州因僧問。如何是趙州。千聞不如一見。盡西施之而美而不可說。規孟賁之目。大而不可畏。君形者亡焉。州云。東門南門西門北門。是什麼。山雲蒸柱礎潤。茯苓掘兔絲死。僧云。不問這箇。母胎於盲者。鏡母予於覽者。履母賞於越人。章甫。夜明簾外珠。癡人按劍立。州云。爾問趙州。不勞再勘。樹荷於山上。蓄火於井中。操鉤上山。揭斧入淵。師云。山僧不然。只願君王相願意。臨臺幾度盡蛾眉。若有問。如何是趙州。只向他道。石橋度來也未。失錢遭罪。楚王亡其珠。而林木為之殘。宋君亡其玉。池中魚為之殫。道不問這箇。便道待下。山去腋裡汗出。牛蹄之涔無尺鯉。塊阜之山無丈材。且道。與古人道底。那箇親。那箇踈。請各辨別看。一老一不老。奚仲不能為逢蒙。造父不能為伯樂。

半夏上堂。僧問。山連嵩嶺。地近洛川。一機一境。無不勝槩。不涉唇吻。如何通津。師云。心不負人。面無慙色。進云。九旬已過半。諸人自知時。當頭與麼時節。學人如何領略。師云。且過者邊。進云。恁麼則。杲日麗天。清風匝地。師云。放下著。進云。僧問。智門。蓮花未出水時如何。門云。蓮花。此意如何。師云。風吹不入。進云。僧云。出水後如何。門云。荷葉。又作麼生。師云。水洒不著。進云。蓮花出水。

與未出水。相去多少。師云。秦旬幾人蹈著。

乃云。半夏已前。我為諸人隱。隱而彌露。黨理不黨情。世治則愚者不得獨亂。世亂則智者不能獨治。半夏已後。我為諸人顯。顯而不露。兩頭毒蛇見者死。蜂螫螫指而神不能憚。蚊虻嗜膚而智不能平。正當今日。半夏不隱不顯。我為諸人說破。湖光迷翡翠。草色醉蜻蜓。魯酒薄而邯鄲圍。宋羹踈而鄭軍誇。卓拄杖一下云。六月已熟。五穀好熟。十年歸不得。忘却來時路。天下物莫凶於鳩毒。然而良醫囊而藏之。

寺莊等賜公據上堂。拈拄杖云。自家田地。觸處全彰。山河并大地。全露法王身。濕之至也。莫見其形。而炭已重矣。風之至也。莫見其象。而木先動矣。公驗一回得入手。百劫千生不曾荒。如人飲水冷暖自知。乞火不若取燧。寄汲不若鑿井。正與麼時作麼生。卓拄杖云。皇風與祖風。鎮扇。帝道與佛道。遐昌。一願皇帝萬歲。二願群臣千秋。皇風永扇。帝道遐昌。佛日增輝。法輪常轉。又卓一下。便下座。

重九上堂。葉黃帶露。金菊發花。金針曾不露鋒銜。惹得無繚玉線長。現成公案。不隔一絲毫。大用現前。不存軌則。遍界乾坤皆失色。須彌倒卓半空中。諸禪德。若識箇中意。南

山東籬一家家。瑠璃塔上布赤砂。碼碯盤中撒真珠。孔門弟子無人識。碧眼胡僧笑點頭。

二月上堂。拈拄杖云。雪霽千山綠正濃。梅腮柳面轉從容。美如西施離金闕。

嬌似楊妃倚玉樓。爲君擬報箇中意。九尾野狐多變態。金毛獅子解轉身。幽鳥喃喃入

亂峯。寒山路無人到。若能行稱十號。子細看。何相好。卓拄杖一下。

佛涅槃上堂。僧問。滿街楊柳綠絲煙。畫出長安二月天。應節一句請師提唱。

師云。寥寥天地間。獨立望何極。僧云。瞿曇今日入般涅槃。未審向什麼處去。

師云。向人人鼻孔裡去。還覺麼。僧云。恁麼則。哭底便是。笑底便是。師云。將謂

爾是不領話。僧云。若謂我滅度。非我弟子。若謂我不滅度。亦非我弟子。意旨

作麼生。師云。黃河點魚。僧云。不因今日節。餘日實難逢。便禮拜。師云。向後向

人莫錯舉。

乃橫按拄杖云。雙趺出。擲事難親。不恨會人稀。祇爲知音寡。細雨洒花千點淚。淡煙籠竹

一堆愁。有也累人無累人。牛飲水爲乳。蛇飲水爲毒。若得箇中意。縱橫處處通。瞻部州中

休不得。年年二月費萍蘋。荆棘參天橫官路。那箇行人不掛衣。咸池承雲九韶六英。人之

所樂鳥獸聞之驚。喝一喝。擲下拄杖下座。

龍翔正眼二塔主至。上堂。寶山有一句子。五指更彈不若捲手一捏。爲逢春暖歌聲

滑。人遇時平笑臉開。只許人聽。不許人舉。醉來黑漆屏風上。草寫盧同月蝕詩。寧百刺以針

無一刺以刀。寧一引重。無入持輕。已是許人聽。因甚不許人舉。寸步却成千里隔。紛紛多

在半途中。擲棺者欲民之疾病也。畜粟者欲歲之荒飢也。擊拂子云。辨龍蛇眼俱正。擒虎

咒機也全。漆不厭黑。粉不厭白。丙子受制則舉賢良。賞有功。立封侯。出貨財。

上堂。卓拄杖云。百億須彌。百億日月。恒沙諸佛。恒沙國土。盡在拄杖頭上。休

家醜向外揚。三千里外謹莫舉。自尿不覺臭。諸人見得不妨。一生參學事了畢。諸人若

見得。到死鈍置殺自己。蠶食而不飲。蟬飲而不食。蟬不飲不食。其如未然。開眼瞋睡。落花

只爲隨流去。便有尋芳拾翠人。又卓一下。下座。

四月上堂。拈拄杖云。此事無去來。因甚。昨日春去。今朝夏來。將謂黃連甜似

蜜。誰知蜜苦似黃連。言甘者其心必苦。迄乎道。物性住一世。吾道一以貫之。天地一指萬物

一馬。肇公也是盲龜入空谷。甚減人斤兩。又是一千年桃核。衲僧家牙如劍樹。口似

血盆。醜鐵面皮。爺亦不知。狼毒肝腸。生鐵面目。到者裡作麼生道著。萬古業風。吹不盡。又隨月色。過羅浮。若無人道著。以拄杖畫一畫云。喜。越胎蜀艇。不能無水而浮。盡生者類。父。夜生者似母。

結夏上堂。僧問。今日是結制。結底是何物。師云。猛虎當路坐。僧云。恁麼則。官池水深。看雲亭高。師云。吾常於此切。僧云。只將老師兩句子。布施七十員。禪佛。師云。只有阿彌。吞吐不下。

乃云。是個水牯牛。牯牛何處得來。備又誰家兒。叱叱叱。者畜生。山邊水邊。賴自無事。莫將有事為無事。往往事從無事生。打云。叱叱叱。今日無端。逗入欄裡。鼻貫索頭。全在別人手裡。牛來山中。草足水足。牛出山中。東觸西觸。要行也不能。要臥也不能。才擬恣情。痛加鞭策道。叱者畜生。朝打三千。暮打八百。蹄健吟身瘦。力強貫索危。嗚呼嗚。只可自知。擊拂子一下。教備牧牛法。捉則逸。放則隨。叱。

上堂。卓拄杖云。人情若似者箇。孔丘打殺顏回。有大器者。不可責以捷巧。有小智者。不可任以大義。道情若似者箇。達磨失却少林。晉楚失其富貴。賈育失其勇。雖然與麼。更須

子細。便下座。

端午上堂。僧問。文殊小男。為誰要藥。師云。古佛廟前。自顛蹶。進云。善財童子。採來何草。師云。無根滿地。無葉普天。進云。父子得便處。千古遭檢點。師云。備有老成之勢。

乃云。端午天中節。不用咒土書壁。咒土書壁。可愛可敬。直下是不可。指東畫西。只以一神咒。消殞一切妖怪。除却佛病祖病。者一怪尤難遣除。掘土滾埋。費多端。則貧。工多伎則窮。且道是那箇神咒。美食不充。他人喫。魯人夫善制冠。妻善織履。往徒於越。而大困窮。以其所修。而遊不用之鄉。便振威一喝。

上堂。舉三祖云。一即一切。一切即一。如大火聚。如熱鐵檝。如獅子乳。如象王鼻。如鶴鳥尾。似惡虎牙。鶩拈拄杖云。三祖大師。在非非想天。擲下一箇木榧子。換却諸人眼睛。荷盡已無擎雨蓋。菊殘猶有傲霜枝。丙子受制。則養老鰥寡。行桴鬻施。恩澤忽爾下來。旋轉舞蹈。不識廬山真面目。祇緣身在此山中。恰如獨樂。昆婆尸佛。早留心。直到而今未得妙。而見諸人不見不知。莫嫌襟上斑斑色。是妾燈前滴淚縫。高聲唱云。龜毛長三尺。

兔角長七尺。夢中射落蟪蛄窠。開眼看來無縫罅。卓拄杖一下云。參。
 上堂。橫按拄杖。舉芭蕉示衆云。爾有拄杖子。我與爾拄杖子。爲逢春暖歌聲滑。
 人遇時平笑臉開。母在一子寒。爾無拄杖子。我奪爾拄杖子。桃花滿地春將半。杜宇催歸
 月過三。母去三子寒。拈云。芭蕉與奪不無。只是擒縱未在。白鷺下田千點雪。黃鸝上樹
 一枝花。積羽沈船。群輕折軸。山僧尋常向皴皴鱗鱗地。要出人。猶不救得一半在。
 伏乞和尚休出人。瞎漢誰在千尺井中。豈況吐出山形邊事。太遠之遠矣。修匠者使之
 陷鑊。強脊者使之負土。眇者使之準。偏者使之塗。卓拄杖一下。

解夏上堂。僧問。三通鼓罷。四衆臨筵。好箇時節。請聞舉揚。師云。崑崙嶺生鐵。
 進云。九旬期已滿。衲僧脚頭闊。正當恁麼時。如何是自恣一句。師云。柳栗橫
 擔不顧人。直入千峰萬峰去。進云。記得洞山云。秋初夏末。直須向萬里無寸
 草處去。意旨如何。師云。步步清風起。進云。石霜云。出門便是草。又作麼生。師
 云。草鞋和露重。進云。和尚恁麼答話。爲是與古人出氣。爲復與古人雪屈。師
 云。平蕪盡處是青山。進云。與麼則。一言無別路。萬世盡同歸。師云。傍觀有分。

進云。只將老師四五轉話。甘當九夏賞勞之功。便禮拜。師云。可謂南北東西
 皆可。

乃舉。翠巖夏末示徒。一夏已來爲兄弟東說西話。東家母死。其子哭之不衰。西家
 子見之歸。謂其母曰。社何愛速死。吾必悲哭社。夫欲其母之死者。雖死亦不能悲哭矣。看。翠巖
 眉毛在麼。謂學不暇者。雖暇亦不能學矣。保福云。作賊人心虛。矢疾不過二里也。步之遲
 百舍不休。千里可致。長慶云。生也。晝隨灰月運。闕鯨魚死而彗星出。雲門云。關。既往不咎。
 師云。三大老俱出隻手。扶樹翠巖家風。狂者東走。逐者亦東走。走同而所以走則異。溺
 者入水。拯者亦入水。入水同而所以入水則異。龍寶今夏不爲兄弟說話。樹密猿聲響。波
 澄鴈影深看。眉毛如箭筈長數寸。只是欠人覷破。任佗滄海變。終不與君通。把定則黃
 絹幼婦。放行則外孫壻白。雖然如是。落霞與孤鶩齊飛。秋水共長天一色。擊碎驪龍
 額下珠。敲出鳳凰五色髓。猶削足而適履。殺頭而便冠。

八月日上堂。拈拄杖云。向上一路千聖不傳。向上一路頭頭顯露。山生金反自刻木。
 生蠶反自食。人生事反自賊。八月初一龍寶山前。猛虎不顧机上肉。洪爐豈鑄甕中錐。狸執

鼠而不可脫庭者。爲搏鷄也。卓拄杖下座。

中秋上堂。舉長沙與仰山。既月次。仰山指月云。人人盡有這箇。只是用不得。文殊提起殺人刀。淨名抽出活人劍。以磁石之能運鐵也。而求其引瓦則難。長沙云。恰倩爾用那。一文一武偶相逢。說盡英雄各不同。山云。爾試用看。物不震不發。士不激不勇。長沙一踏踏倒。可惜許。踏入佗陷阱。賊是小人。智過君子。仰山起來云。爾大似個大蟲。亂不極則治不形。殺人須見血。師云。仰山起來。道果然用不得。見盡長沙擡脚不起。智人之明鑑。佛法之至論。治國者若縣田。去害苗者而已。雖然恁麼。月到中秋滿。風從八月涼。夫能殺者鬼神莫知。蠶啄剖梁柱。蠶走牛羊。擊拂子一下。

九月日。因太上法皇惠種種剪采上堂。舉須菩提巖中晏坐。天堂地獄元是幻。生死涅槃猶如昨夢。上無片瓦蓋頭。下無寸土立足。帝釋雨花話。好雪片片不落別處。不風流處也。風流。師云。天帝釋雨花動地。與太上法皇惠此花。是同是別。欲知兩段元是一空。珊瑚枕上兩行淚。半是思君半恨君。若謂別。眼裡無筋。別別。雪埋庭栢。水鎖偃溪。若謂同。其意作麼生。同法出奸生。事久多變。良久云。住住。秋色登平楓葉序。西風

轉冷草花天。錯果然點。擊拂子一下。

重陽上堂。採菊東籬下。悠然見南山。大陰治秋則欲修備繕兵。靖節阿鞞處。作衲僧一重關。不許夜行。投明須到。且道。他是俗漢陋韻。爲甚作衲僧一重關。富貴是人之所欲也。貧與賤是人之所惡也。暗穿玉線。密度金針。喝一喝云。參。

上堂。山僧即今在須彌頂上說法。未是分外事。美食不充飽。人喫。休擔水賣河頭。諸人也是在鐵輪峰頂聽法。猶是衲僧家常茶飯。若是明眼衲僧。不喫者般茶飯。坐底立底。賓主歷然。還會麼。只許老胡知。不許老胡會。會與不會。都來是錯。會得。盡十方界乾坤大地。在諸人眼睫上放大光明。燈籠跳入露柱。佛殿走出山門。其如未然。樹頂老山顏醉。紫羅帳裏撒真珠。知者正知是寶。擊拂子一下。

開爐上堂。舉趙州示衆云。三十年前南方火爐頭。有箇無賓主話。直至而今無人舉著。錦心繡口。向人傾。通身紅爛火裏看。師云。趙老面皮厚三寸。要須炙手助熱。其如爐下似春何。天荒地老無青眼。萬仞龍門鎖黑雲。直饒而今有人舉著。方知三箇枯柴品字燒。昔人既乘白雲去。此地空餘黃鶴樓。黃鶴一去又不返。白雲千歲空悠悠。

上堂。一句去。一句來。一種春風有兩般。南枝向暖北枝寒。慶快備一平生。龍得水時添
意氣。虎靠山色長威。忽然傾湫倒嶽。入那裏出那裏。白雲堆裡不見白雲。流水聲中不
聞流水。左顧無瑕。右眎已老。昨夜三更失却牛。天曉起來失却火。鐵狗吠開岩上月。泥
牛觸破嶺頭雲。和盤托出夜明珠。卓拄杖一下。

上堂。舉。盤山云。向上一路千聖不傳。下氣怡色。柔聲以諫。漁翁睡重春潭潤。白鳥不飛
舟自橫。慈明云。向上一路千聖不然。吳子曰。凡制國治軍。必教之以禮。勵之以義。使有耻
喝云。二大老只解鬼爭漆桶。孔子曰。衆之惡之必察焉。衆之好之必察焉。山僧便道。向
上一路千聖齊行。短袴長衫白苧巾。咄咄月下急推輪。洛陽路上相逢著。悉是經商賣買人。

槐安國語卷下之上終

槐安國語卷下之中

龍寶開山語錄中頌古評唱

鶴林評曰。頌古行世尚矣。汾陽者爲之岷水。雪竇者爲之楚江。及流到夾山靈泉。有下語。有評唱。
洋洋焉。渺渺乎。海若恐走。馮夷遁竄。千波萬浪。誰測其涯際。舊參透關底上士。一見如蛟龍領雲
雨。默照自了。瞎徒。纔見之。則似獼猴恐鯨波。是此荆棘透過上士。圓頓菩薩家常。而非所以爲瞎
證。相似禪徒。小果敗種。部屬設者矣。昔佛果和尚曰。頌古。遶路說禪者也。予竊謂不然。頌古。險路
說禪者也。何故。嗚呼。禪乎。禪乎。如何得說著去。纔擬議。則電轉星飛。用遶路爲什麼。夫頌古。推未
證。謂證。慢幢之金龜。辨未透。已透。邪正之古鑑。令參玄士。滾盡淵源之寶器也。衲子若透過其話
底。見其頌。如萬里異鄉。見妻子面。透過其頌底。見其話。似振錫登故國途。未透底士。不透過其話
故。見其頌。如聞波斯謔語。不透過其頌故。見其話。似貓兒見錢。須知頌古。極不容易。其殘忍刻剝
如惡虎牙。如毒龍爪。如鳩鳥尾。似象王鼻。話頭與頌古。並立爲萬仞兩重關鎖。令默照相似禪徒
進不得退不得。伎盡詞窮。心死意消。乍豁開透關正眼。至要。而於禪門。不可欠少者也。鷄鳴狗吠
侵夜行底。胡亂瞎流。試進一步。更有老吏切齒守門關。

垂示曰。未離兜率。爍迦羅聖眼。貫照十方刹。未出母胎。陵頻伽音。透徹三千界。陷斷三有之纏縛。如

香象斷蛛絲。唾擲五印之富貴。似金鯨裂漁網。其神遊無礙。摧伏醉象於指頭。追降火龍於鉢中。敷演五時之玄願。利濟六趣之牢獄。此是何人遊履。看取龍寶之葛藤。

舉淨居於窻牖中叉手。六爻未動。一氣潛回。喚回枕上三更夢。引動江南萬斛愁。二千年來禍孽子。只在此一舉。一夫作難而七廟墮。陳涉甕牖繩樞之子。遷徙之徒也。材能不及中庸。

評曰。太子出家端由諸經衆說紛紜。據佛本行經曰。太子時從東門出遊。作瓶天子化作一老弊人。極大醜陋。問取者曰。是獨一家法如是。報曰。一切世間皆有此法。太子慘然。又一日從南門出。見一病人。臥糞穢中。宛轉呻喚。不能起。悲切酸楚。不忍聞見。太子一時見一死屍。衆人衆行。無量親眷。泣哭椎胸拍頭。太子見了大慘懼。太子異時從北門出。見有一人。剃除鬚髮。著僧伽梨。袒右肩。手執錫杖。左掌擎鉢而徐行。取者言。是出家人。常行善法。愛愍衆生。離生死。太子即尊信。出家人即說偈曰。觀見世間是滅法。欲求無盡涅槃。怨親已作平等心。不行世間欲等事。隨依山林及樹下。或復居塚間露地。捨於一切諸有爲。諦觀真如。乞食活。從此太子羨欣。求出家。王使婆羅門子優陀夷諫曉止出家。又據經曰。見四等事。心有悲喜。是夜有一天人名曰淨居。於窻牖中叉手言。出家時至。可惜此時。太子大喝一聲。命侍臣。擲出城門外。不受此天人欺謾。乍登轉輪聖位。永保五印富貴。免得令淨飯耶輸。俱夷。嬌晏彌等諸釋惹徹骨悲泣。何故。卓拄杖曰。我常住於此。常

說法教化。無數億衆生。

玉函鑑月不期秋。壺中自有佳山水。終不重尋五老峯。陰陽不到處。一片好風光。夜靜方知波浪別。無差別平等。不順佛法。惡平等故。無平等差別。不順佛法。惡差別故。劍爲不平離寶匣。藥依療病出金甌。從此相逢路似迷。十年歸不得。忘却來時路。失曉老婆逢古鏡。分明覩面更無真。休更迷頭認影。崔嵬檀特硬如鐵。八角磨盤空裏走。鐵山當面勢崔嵬。出無門入無戶。曠劫無明當下灰。

評曰。雖太子始在淨飯王之宮中。與耶輸俱夷等妃嬪。晝夜歡娛。內鑑冷然。照融十方於雙眼前。貫通三世於一念子。廣大圓明。豁達虛凝。無涅槃可求。故不期成正覺。無衆生可度。故不假轉法輪。所以言玉函鑑月不期秋。第二句演自如來本覺內證。發無緣大慈。正位不取證之玄旨。夜靜方知者。雖所謂實際理地不受一塵。真如法界。無自無他。隨緣差別幻境上。有生死。有涅槃。有凡有聖。有昇沈。流轉常沒苦輪。如旋火。無明常夜。羈鎖過鐵網。非大慈善巧願輪。誰救此患難。波浪別者。指生死千差苦域者也。所以言夜靜方知波浪別。太子既隨淨居。慈惠捨久遠。實成內秘。離娑婆即寂光家舍。入下化衆生願海。鞭曠劫不變願輪。行方便有餘化行。恰齊初發心地。行人迷倒昏愚。住相有爲。區區日夜求道者。所以道從此相逢路似迷。太子既入檀特山。拾薪汲水。苦修

鍊行。次入雪山。端坐六年。皮骨連立。蘆芽穿膝。千辛萬苦。體裁難信。難解秘訣。而我弟子大阿羅漢。不能解此義。底玄旨也。梵釋諸天。魔羅波旬。部類不能夢會見。若人得一回見得。許爾親微見。如來微密內證。所以言。崔嵬檀特。硬如鐵。此頌極絕妙好辭。卓拔古今。絕類離倫。此是龍寶大士。五條橋邊二十年。切磋琢磨光輝。可惜不使明覺。一見此頌。若一見則必寒毛卓豎去。何故。君子可八。

垂示曰。昔東印土國王。請二十七祖般若多羅尊者。齋次。王問曰。尊者何不看經。祖云。貧道入息不居陰界。出息不涉萬緣。常轉如是經。百千萬億卷。王便禮拜。願是祖師。暫時應機善巧也。豈特以不居陰界不涉萬緣。為如是經者哉。不信請看取下文。

舉。爾時迦葉告諸比丘。佛已茶毗。寰中天子。勅塞外將軍。令將隨印行。兵隨印走。金剛舍利。非我等事。舍利有無。我事。我事有無。舍利。我等宜當結集正法。無令斷絕。當門不用栽荆棘。後代兒孫。惹著衣。白晝成群。入荆棘。

評曰。珠林曰。廣明結集。具有四時。第一依智度金剛仙二論。如來在此鐵圍山外。其文殊師利及十方諸佛。結集大乘法藏。第二依菩薩處胎經及四分律等。如來初入涅槃。始歷七日。大迦葉共五百阿羅漢。令到十方世界。召得八億八千衆。共為集三藏。第三依智度論。如來入涅槃後。至夏

安居初十五日。大迦葉共千羅漢。在王舍城。結集三藏。第四依四分律。如來入涅槃後。一百年內。為跋闍子。擅行十事。大迦葉共七百羅漢。在毘舍離城。結集三藏。今龍寶祖師。依第二處胎經與四分律頌。

列三柈半信何通。頭頭顯露物物全真。回首白雲眼力空。一步還成千里隔。雞足峰前未歸去。客路如天遠。侯門似海深。多羅葉上動悲風。泉涸時魚相共處。陸相响以濕。相濡以沫。

評曰。列三柈半者。展演開敷。縱橫羅列之義也。言世尊既薪盡火滅後。尊者迦葉。新結集正法。於此有五千四十經卷。頓漸秘密不定。半滿權實金文。粲然現出。梵釋諸天。大歡踊。天龍八部。各保護。可謂挑寶炬於暗衢。洒甘露於荒旱。雖二千年前。昔漏金口。辯瀾。二千年後。今嘗醍醐妙味。皆是依畢波窟中龜氏一舉。錫澆季末代慶幸。不可如之矣。特有龍寶開祖。以不為足。何故。縱雖貝葉金文。大敷演大展開。猶是出能見所見。總落讀誦書寫解脫手。豈足云結集如來正法哉。茲有一枚金文。容十法界。不為廣。收歸隣虛。不為狹。山河大地。萬象森羅。濕胎卵化。有情非情。束以為一片無字經。不待結集。不假翻譯。以一氣為筆。以造化為紙。以陰陽為金軸。以大虛為縹帙。佛祖說不得。魔外破不能。消息斷。所以道。柈半列三信何通。三世如來入得此經。成無上正

等正覺。歷代祖師。微見此經。發得正法眼藏。涅槃妙心。得之者名佛祖聖賢。失之者言六趣衆生。此經纔現出時。上下四維三世古今。全不見有纖毫空寥寥。虛豁豁。初信楞嚴。所謂淨極光通達。寂照含虛空。却來觀世間。猶似夢中事。是故道。回首白雲眼力空。昔迦葉尊者持如來付囑袈裟。入雞足山盤石中。恰如入冥泥。以待彌勒下生。是故雞足。即指迦葉尊者也。迦葉既首衆。故言雞足。則畢波羅窟裏。結集會上。八百八萬大衆。同時共舉。譬似引大綱。則衆目共來。貝多羅者。樹名也。其葉廣長。其色光潤。諸國無不採用。言如是微妙。不思議大經典。上透徹霄漢。下通貫黃泉。無內外。無邊表。雖外道雙眸。貫五天。終窺不得。雖世尊隻眼。通三世。全覩不能。寥寥焉。廓廓爾。全。是如來清淨全身。而不離當處。常湛然者。夫此秘經乎。而多少大阿羅漢。終身不入得。故空執八。教說相五時遺韻。以爲如來正法眼藏。不去來處。見去來相。不生滅地。懷生滅悲。換手槌。留悲泣。懊惱盡言。世尊既滅度。金剛舍利。非我等任。不如結集正法。以留末代。是即是。唯恨以魚目爲明珠。所以言多羅葉上動悲風。

垂示曰。見齊師則減師半德。見過師正堪傳授。古諸聖。資常求有超師作師。常要得跨窺子。須知。一牛則得萬牛富貴。奪一食則免萬劫飢渴。所以道。吾黨直者異於是。父爲子隱。子爲父隱。矣。何人具此手脚。祖祖皆然。就中青原父子。其尤者也。彈。

舉。行思禪師問希遷云。汝什麼處來。談笑座中。潛置鴆毒云。曹谿來。蛇出一寸。知其

大與小。人出一言。知其長與短。思乃舉拂子云。曹谿還有這箇麼。垂絲千尺。意在滾潭。云。非但曹谿。西天亦無。大凡人不信邪。則那無從生。思云。子莫曾到西天否。竿頭絲線。任君弄。不侵清波。心自異云。若到即有也。前頭打著。後頭打不著。思云。未有更道。養子知交慈云。和尚也須道取一半。莫全靠學人。破鏡鳥機。動欲食母。思云。不辭向汝道。恐已後無人承當。清之爲明。杯水見眸子。濁之爲暗。河水不見大山。

評曰。石頭希遷禪師。嗣法於青原行思禪師。天寶間。結菴於衡嶽盤石上。故以石頭稱。與江西馬大師並化。江西湖南之間。今稱子奔馳。於此世有江湖雲水名。師爲沙彌時。參曹溪六祖大師。隨祖遺命。遂見青原。原見其來。即問。汝什麼處來。云。曹溪來。思乃舉拂子云。曹溪還有這箇麼。因袖裏金鎚。逼面而來。青原父子唱和之間。全雖無勝敗。青原暗頭打。石頭明頭打。思云。子莫曾到西天否。此語似殺人。猶欲見血。遷云。若到即有也。臨危不變。正是丈夫兒。思云。未在更道。此語雖崑下。風生虎弄兒。畢竟有截腋出羽心。遷云。和尚也須道取一半。莫全靠學人。往往言似奪賊鎗。殺賊殊不知。少有子細。思云。不辭向汝道。恐已後無人承當。此語極難信。難解。莫作容易看。誰知石女木人。喪身失命。泥牛木馬。劈腹剗心。何以爲驗。不辭向汝道。恐已後無人承當。

明暗雙雙。絕對揚。兩鏡互相照。中心無影像。愁人未說斷。愁腸欲知無限傷。春意盡在

停針不語時。金毛獅子解踞地。乾坤失色。日月吞光。晉楚失其富貴。育失其勇。冤苦蒼天。又一場。傾盡此時意。三更過孟津。

評曰。青原父子相見。唱拍鼓舞之間。明頭有暗。不可以暗相見。暗頭有明。不可以明相見。頭頭無取捨。處處無向背。鬼神不得測。魔外不能窺。似兩鏡相照。中心無影像。所以道。明暗雙雙。絕對揚父子情想相通。志氣相投。恰如愁人與愁人。陝路相逢。未交片言。目擊中間。腸先回轉。何故。彼先未語。察我愁思。無所措。我亦未語。知彼憂懷。無所遣。故祖庭亦如是。透過底上士。一見互無餘蘊。所以道。愁人未說斷愁腸。作麼生是踞地獅子。謂青原底乎。爲石頭底乎。國師到此。大有工夫。後學初機。不可莽鹵去。青原曰。未在更道。此時傾盡心腸。吐出肝膽。更道者什麼。而恁麼逼拶將來。恰似壓枯骨。欲擲汁者。遷云。和尚亦須道。取一半。徃徃言。有虎生三日。食牛機。予謂。大不然。非舊參上士。容易不能見徹。思云。不辭向汝道。恐已後無人承當。是此一語。實是可參究難處也。諸方徃徃言。似以己不欲施人者。殊不知者。箇即是曹源一滴毒波浪。碎見泥暗衢之惡手脚。所謂佛佛要機。祖祖機要者歟。只恨此道。今人棄如土。

垂示曰。活句下薦得。永劫不忘。死句下薦得。自救不了。活句總在人。莫向語句下度。譬如刀兵災人。竹木瓦石。任手拈來。忽化作戈戟。透關上士亦然。隨機橫說豎談。無不活句。透關向上宗師。却在什

麼處。

舉。僧問大隨。劫火洞然大千俱壞。未審這箇壞不壞。欲得親切。莫將問來問。問在答處。答在問處。隨云。壞。聽雨寒更盡。開門落葉多。僧云。與麼則隨他去也。恰如矮子見戲隨人上下。隨云。隨他去。湘潭雲盡暮山出。巴蜀雪消春水來。

評曰。大隨真和尚。嗣法於大安禪師。初在鴻山會裏。作火頭。一日鴻山問曰。子在者裏者數年。亦不解致問來。看如何。隨云。令某甲問箇什麼。即得。山云。子便不會。問如何是佛。隨以手掩鴻山口。山云。爾已後。覓箇掃地人也無。後住大隨。僧問。劫火洞然大千俱壞。未審這箇壞不壞。劫火者。卽三災壞劫大火也。劫滅盡時。無間地獄餘焰。逆上到四禪天。三千大千總爲空穴。者。僧荷負一片所見來問者。箇壞不壞。是云。驗主問者。僧意謂。辨道上士。橫參豎參。到理盡詞究處。一點冷焰。忽然迸出時。上下四維。十方世界。天堂地獄。穢土淨刹。空蕩蕩地。虛豁豁地。不殘毫釐。不留纖塵。正與麼時。者箇壞不壞。若言不壞。見箇什麼。若言壞。頭空無記。暗頭亦道不得。明頭亦道不得。欲令大隨總開口不得。如何。大隨活人境界。有轉身自在受用。恬然答曰。壞。僧云。與麼則隨他去也。可惜許。謂隨語生解者乎。抑又爲欲見盡大隨者乎。大隨云。隨他去。此語極最妙最玄。是故唐景遵題大隨塔曰。一句隨他語。千山走衲僧。蛩寒鳴砌葉。鬼夜禮龕塔。試問大隨云。隨他去。是什麼道。

理。

劫火隨他喚不回。纔擬議。燎却面門。鐵火團圓。盡十方。遠離西蜀去還來。游宴中有鳩毒。談笑中有戈矛。堂與中有虎豹。隣巷中有戎狄。大千總等者僧眼。唯是死蛇。解弄又活。點鐵成金。易點金成。土還復難。古佛光中笑口開。誰謂秤尺平。直中還有曲。誰謂物理齊。種麻還得粟。

評曰。大隨云。隨他去。試道。是說甚麼道理。一代藏經。詮註不及。明眼衲僧。摸索不著。擬議則頭腦塗地。快應趁不及。千牛拽不回。所以道。劫火隨他喚不回。其僧不知大隨落處。却持此問。直往舒州。投子山舉。似前話。投子焚香禮拜云。西蜀有古佛出世。爾且速回。其僧復回到大隨。隨既遷化。雪竇有頌曰。可憐一句隨他語。萬里區區獨往還。似國師與雪竇。一摸脫出。是故道。遠離西蜀去還來。今時諸方宗師。天下禪流。陷墜諸相。非相空谷。願入我法。二空塵坑。盡言盡大地。是沙門一隻眼。是則是。可惜許。此謂見地不脫底癡人。所以不能解大隨說話。寔等者僧眼。古佛光中者謂透關正眼。向上人行履也。言其僧到投子。舉前話。投子聞大隨說話。焚香禮拜曰。西蜀有古佛出世。爾且須速回。僧即回蜀。隨既遷化。笑口開者。面前見者。僧及今時人行履。寔一場笑具乎。垂示曰。或時一喝者。如金剛王寶劍。或時一喝者。如踞地獅子。或時一喝者。如探竿影艸。或時一喝

不作一喝用。是道濟北四喝。截斷生死業根。吼破小果。相似窟宅。辨來者真偽。分進趣邪正。特到無功用喝子。作廢生商量去。

舉。百丈懷海一日謂衆云。佛法不是小事。曾慣爲客。正憐客。老僧昔被馬大師一喝。直得三日耳聾眼暗。豈止三日乎。百千萬劫耳聾眼暗。黃檗聞舉。吐舌。身心脫落。脫落身心。丈云。子已後莫承嗣馬祖。清白之士。不可以爵祿得。節義之士。不可以威刑脅。檗云。不然。今日因師舉。得見馬祖大機大用。然且不識馬祖。若嗣馬祖。喪我兒孫。獅子畏鉤。虎畏火。象畏鼠。狼畏鑼。祖畏喪兒孫。丈云。如是如是。見等師。減師半德。見過師。正堪傳授。

評曰。昔百丈懷海禪師。被馬大師一喝。三日耳聾。傳記所載。口碑所傳。昭昭於心目之間。今時往往道。吾輩福因淺薄。去聖香遠。浪死在近。虛生豈久哉。來生不如意。不卜可知。不知何日何時。得撞著真正大機大用宗師。被一喝徹底去。呻吟懊惱。我每聞之。不覺失笑。嗟。是什麼掠虛破謬語哉。是什麼昏愚死妄想哉。倘若實參實究。時時和話頭。身心共打失。大疑現前。豈一喝云乎。聞鶯吟燕語。雀噪鴉鳴。直下喪身失命去。豈三日云乎。千生萬劫耳聾眼暗。是故有聞墮薪聲落節者。有見桃花開打發者。棒下打失。喫齋休罷。若似今時諸方。雖臨濟德山南院風穴諸老。並箇箇朝

千喝夜千喝千喝萬喝千百億喝似牛前彈琴馬背鼓瑟終無了日參禪只在當人真偽工夫親
踈而已若夫真正上士誓莫假別人力縱有少分得力蟲氣息亦難得若不然高枕待馬祖百丈
再生出來被一喝徹底去

一喝耳聾天地黑拗折山形拄杖子從來大地黑漫漫當機吐舌生荆棘蟲雄鳴上風
雌應於下風承虛接響意難論智者離路而得道愚者守路而失道兩兩三三好動著
不明三八九對境多所思

評曰昔百丈大智禪師隨馬祖行次見野鴨子飛過祖曰是什麼丈曰野鴨子祖曰什麼處去丈
曰飛過去也祖遂扭百丈鼻頭丈便省悟明日馬祖陞堂衆纒集丈出卷却席祖便下座丈隨至
方丈祖曰我適來未曾說話備爲什麼便卷却席丈曰昨日被和尚扭得鼻頭痛祖曰備昨日向
什麼處留心丈曰鼻頭今日不痛祖曰備淡明今日事後來再參侍立次祖豎起拂子丈曰卽此
用離此用祖掛拂子於舊處良久曰備向後開兩片皮將何爲人丈取拂子豎起祖曰卽此用離
此用丈亦掛拂子於舊處祖振威一喝丈直得三日耳聾豈是三日萬劫千生千百億劫耳聾眼
瞎從來大地黑漫漫打失從前多少得力處不覺入佛祖堂與當機吐舌生荆棘者黃檗大師聞
如上因緣乍魂飛魄散不覺吐舌從此發大機與大用栽佛祖難入萬仞參天荆棘鎖鬼神不測

萬里匝地牢關逼殺末代小果瞎流惱亂諸方相似禪徒以報答佛祖深恩是爲祖祖不傳秘訣
今時紙傳拂傳承虛接響底匱縉兩兩於此三三於彼聞從上師資相承惡窻心神驚動肺肝碎
破氣索志疲吞氣吞聲去是故言兩兩三三好動著是語極老婆箴錘吾輩日日可三復寶訓也
悲哉末代衰弊澆季荒涼纒聞有三箇五箇慕從上向上芳躅欲挽回孤危真風而肯艱辛忍飢
凍而精鍊苦修者無慚昏恐外道毒氣滾入魔黨兩兩於此三三於彼妬火徹骨嫉妬焦膽竊窺
竊計欲殘害此凌奪此如彼輩似雖簞食盡漿鳴鼓攻之不足者豈是稱東海日多孫可哉令國
師看此濁亂將喜乎將悲乎將又道一段風光畫不成乎旣言好動著吟到好字國師大有工夫
言今時動著寔好是可也後五百年老僧去世久而子孫必欲盡害此真風底魔黨日多此又爲
可稱末代東海日多孫之懸識可乎後來無盡閑雪豆拈古至百丈再參馬祖因緣云奇怪諸禪
德如今列其派者甚多究其源者極少總道百丈於喝下大悟還端的也無然刁刀相似魚魯參
差若是明眼漢護他一點不得只如馬師道爾向後開兩片皮將何爲人百丈豎拂爲復如蟲禦
木爲復啐啄同時諸人要會三日耳聾麼大冶精金應無變色無盡忽擲卷曰審如此語臨濟得有
今日也自打一偈且一日語圓悟曰余固嘗恨雪豆拈提百丈耳聾話則曰大冶精金應無變色
軒知不曉江西宗旨鵝林曰我怪無盡容易判先輩江西宗旨且置軒知無盡未曉明覺宗旨可
貴明覺大師之此語天然有出群高明智鑑說得將來自非徹底佛法淵源輒不得親破無盡意